

মহাভারত

অশ্বমেধ পর্ব

কাশীরাম দাস



সূচিপত্র

- যুধিষ্ঠিরের উদ্ব্বেগ ও ব্যাসদেবের উপদেশ প্রদান. 3
- যুধিষ্ঠিরের নিকট কৃষ্ণের আগমন 9
- অশ্ব আনিতে ভীম, বৃষকেতু ও মেঘবর্গের যাত্রা 11
- যুবনাশ্ব রাজার অশ্বহরণ 13
- বৃষকেত ও যুবনাশ্বের যুদ্ধ 14
- যুবনাশ্বগৃহে ভীমের আগমন 19
- যুবনাশ্ব রাজার হস্তিনা গমন ও শ্রীকৃষ্ণ দর্শন 21
- শ্রীকৃষ্ণের আদর্শনে যুধিষ্ঠিরের উদ্ব্বেগ ও শ্রীকৃষ্ণের পুনরাগমন 24
- অনুশাসনের যুদ্ধ 27
- অশ্বমেধ যজ্ঞের উদ্যোগ 33
- নীলধ্বজ রাজার সহিত যুদ্ধ 35
- পুত্রশোকে জনার ভ্রাতৃগৃহে গমন 38
- জনার দেহত্যাগ ও অর্জুনের প্রতি গঙ্গার অভিশাপ 39
- নীলধ্বজ-জামাতা অগ্নির বিবরণ 40
- পৃথিবীর প্রতি লক্ষ্মীর অভিশাপ 41
- পাষাণ হইতে অশ্ব উদ্ধার 42
- ব্রাহ্মণীর পাষাণ হইবার বৃত্তান্ত 43
- হংসধ্বজ রাজার নগরে অশ্বের গমন ও তদুপলক্ষে নানা সংবাদ 44
- সুধম্বাকে তপ্ত তৈলে নিষ্ক্ষেপ 48
- তপ্ত তৈলে সুধম্বার পতনে রাজা ও রাণীর শোক 48
- তপ্ত তৈল হইতে সুধম্বার উখান ও পাণ্ডব সৈন্যের সহিত যুদ্ধ 50

- সুধম্বার মুণ্ডচ্ছেদন ও সেই মুণ্ড প্রয়াগে নিক্ষেপ 55
- সুরথের যুদ্ধ ও মৃত্যু এবং হংসধ্বজ রাজার শ্রীকৃষ্ণ দর্শন 57
- যজ্ঞাশ্বের ব্যাঘ্ররূপ ধারণা 59
- প্রমীলার দেশে অর্জুনের গমন ও প্রমীলার বৃত্তান্ত 61
- পাণ্ডবসৈন্যের বৃক্ষদেশে গমন এবং ভীষন রাক্ষস বধ 63
- মণিপুরে বক্রবাহনের সহিত অর্জুনের পরিচয় 65
- বক্রবাহনের যুদ্ধে অর্জুনের মৃত্যু 68
- অর্জুনের জীভনার্থ মণি আনায়াণ 73
- মণিপুরে শ্রীকৃষ্ণের আগমন 75
- শ্রীকৃষ্ণের প্রতি বক্রবাহনের বিনয় 77
- মণিস্পর্শে অর্জুনাতির জীবন প্রাপ্তি 78
- তাম্রধ্বজের সহিত অর্জুনাতির যুদ্ধ 79
- যুদ্ধ জিনিয়া তাম্রধ্বজের পিতৃসমীপে গমন 81
- ব্রাহ্মণবেশে কৃষ্ণার্জুনের শিখিধ্বজ রাজার সভায় গমন 84
- সরস্বতীপুরে অর্জুনাতির প্রবেশ ও যমের সহিত যুদ্ধ 89
- কৌণ্ডিন্যপুরে অর্জুনাতির প্রবেশ ও চন্দ্রহংস রাজার উপাখ্যান 91
- মণিভদ্র রাজার দেশে অর্জুনাতির গমন 95
- হস্তিনায় অর্জুনাতির পুনঃ প্রবেশ ও যজ্ঞ সমাপন 97

যুধিষ্ঠিরের উদ্বেগ ও ব্যাসদেবের উপদেশ প্রদান

জিজ্ঞাসেন জনোজয় কহ তপোধন।
কি কি কৰ্ম করিলেন পিতামহগণ।।
মুনি বলে শুন তবে শ্রীজনমেজয়।
রাজ্যে রাজা হইলেন ধর্মের তনয়।।
কিন্তু উপরোধে রাজ্য নিয়া যুধিষ্ঠির।
প্রজাগণ পালন করেন ধর্মবীর।।
রামের পালনে যেন অযোধ্যার প্রজা।
সেইমত প্রজার পালক মহাতেজা।।
রাজ্যভোগ যুধিষ্ঠির না চাহেন মনে।
সদাই থাকেন ধর্ম বিরস বদনে।।
ভীমার্জুন সহদেব নকুল সুমতি।
লইয়া করেন যুক্তি ধর্ম নরপতি।।
শুনহ অর্জুন তুমি আমার বচন।
স্থির নহে চিত্ত মম কিসের কারণ।।
রাজ্য ধন দেখিয়া আমার নহে প্রীত।
সতত চঞ্চল চিত্ত সদা হয় ভীত।।
কি বুদ্ধি করিব আমি জিজ্ঞাসিব কায়।
সর্বদা ব্যাকুল চিত্ত না দেখি উপায়।।
না হেরি নয়নে মোর কৃষ্ণ কালাচাঁদে।
চঞ্চল চকোর চিত্ত প্রাণ সদা কাঁদে।।
দ্বারকানগরে তিনি গেলেন সম্প্রতি।
কে আর করিবে দয়া পাণ্ডবের প্রতি।।
অতএব উঠে চিত্তে অনেক জঞ্জাল।
সর্ব শূন্য দেখি সখে না হেরি গোপাল।।
অর্জুন কৃষ্ণ তুমি করিলে স্মরণ।
যুধিষ্ঠির স্থির হইলেন সেই বোলে।।
ব্যাসদেব তথা আইলেন হেনকালে।
তাঁরে দেখি উঠিলেন ধর্মের নন্দন।।

ভূমিষ্ঠ হইয়া তাঁর বন্দন চরণ।
আশীর্বাদ করিলেন রাজা যুধিষ্ঠিরে।।
জানিয়া সকল তত্ত্ব জিজ্ঞাসেন তাঁরে।
কহ রাজা কি কারণে বিরস বদন।।
তোমায় দেখিয়া মম বিচলিত মন।
অকৌরবা পৃথিবী করিলে বাহুবলে।।
তোমা সম রাজা নাহি এ মহীমণ্ডলে।
অনুজ অর্জুন তব ভীম মহাবলী।।
আর তাহে সহায় আপনি বনমালী।
তোমা বিষাদিত আমি দেখি কি কারণ।।

এত যদি কহিলেন ব্যাস তপোধন।
বিনয়ে কহেন তবে ধর্মের নন্দন।।
শুন মুনি আমারে না করিও প্রশংসা।
বড়ই নিন্দিত আমি মন্দ মম দশা।।
লোভের কারণে ধর্মপথ পরিহরি।
করিলাম অন্যায় যে কহিতে না পারি।।
পিতামহ ভীষ্মেরে করিলাম সংহার।
আমার সমান কোন পাপী আছে আর।।
গুরু দ্রোণাচার্য্য তিনি হয়েন ব্রাহ্মণ।
নাশ করিলাম তাঁরে শুন তপোধন।।
সহাদর কর্ণবীরে অর্পিনু শমনে।
বধিলাম শত ভ্রাতৃ সহ দুর্যোধনে।।
আর যত সুহৃদ বান্ধবগণ ছিল।
রাজ্যলোভে আমা হৈতে যমদ্বারে গেল।।
অভিমন্যু দ্রৌপদীর পঞ্চপুত্রগণ।
রাজ্য হেতু নাশিলাম শুন তপোধন।।
এমন নিন্দিত কৰ্ম কেহ নাহি করে।

না বুঝিয়া মহামুনি প্রশংস আমারে।।

ব্যাস বলিলেন শুন ধর্মের নন্দন।
শুনিলাম আমি যত তোমার কথন।।
জ্ঞাতি গুরু ভ্রাতৃ বন্ধু মারিয়াছ তুমি।
কিন্তু ক্ষত্রিয়র ধর্ম শুন নৃপমণি।।
ব্রাহ্মণ ক্ষত্রিয় বৈশ্য আর শূদ্র জাতি।
এ সব ব্রহ্মার দেহে হৈল উৎপত্তি।।
যথাযোগ্য ধর্মে নিয়োজিল চারিজনে।
সংগ্রাম ক্ষত্রিয় ধর্ম লিখিত পুরাণে।।
তুমি বল নিন্দা কর্ম করিলাম আমি।
কিন্তু ইহা স্মরণেতে মুক্ত হয় প্রাণী।।

যুধিষ্ঠির পুনশ্চ কহেন মতিমান।
শুন প্রভু ক্ষত্রধর্ম কহিলা প্রমাণ।।
জ্ঞাতিবধ পাপে মম কাঁদিতেছে প্রাণ।
কি করিব কহ মুনি ইহার বিধান।।
কি কর্ম করিলে পাপ যাইবেক দূরে।
অনুকূল হয়ে মুনি কহিবে আমারে।।
কোন্ মন্ত্র জপিব করিব কোন্ ধ্যান।
কোন্ যজ্ঞ করি কহ মুনি মতিমান।।
দ্রোণ জিজ্ঞাসিল করি আমাতে বিশ্বাস।
শুনি মুনি তাঁরে আমি কহি মিথ্যা ভাষ।।
কিমতে এ সব পাপে পাব পরিত্রাণ।
এ নহে ক্ষত্রিয় ধর্ম শুন মতিমান।।

ব্যাস বলিলেন রাজা দুঃখ ভাব কেনে।
ক্ষত্রিয় প্রধান ধর্ম বিদিত পুরাণে।।
যুধিষ্ঠির বলিলেন শুন মহাশয়।
পুণ্যকর্ম ব্যতিরেকে পাপ নহে ক্ষয়।।

জ্ঞাতিবধে পাপভয় হয় নিরন্তর।
কি উপায় করিব বলহ মুনিবর।।

তবে ব্যাস কহিলেন শুনহ রাজন।
অশ্বমেধ যজ্ঞ কর ধর্মের নন্দন।।
অশ্বমেধ যজ্ঞে হয় পাপের বিনাশ।
মন দিয়া শুন রাজা কহি ইতিহাস।।
মহাবীর ছিল জমদগ্নির কুমার।
নিঃক্ষত্রা করিল ক্ষিতি তিন সপ্তবার।।
পিতায় আজ্ঞায় তেঁই বধিল জননী।
বনপর্বে সেই কথা শুনিয়াছ তুমি।।
অশ্বমেধ যজ্ঞে তাঁর পাপ গেল দূরে।
এ সব শাস্ত্রের কথা কহি যে তোমারে।।

ত্রৈতাযুগে প্রভু হইলেন অবতার।
আপনি শ্রীধাম দশরথের কুমার।।
পালিতে পিতার সত্য চলিলেন বনে।
বনে ভ্রমিলেন সতী লক্ষণের সনে।।
আদ্যোপান্ত রামায়ণ শুনিয়াছ তুমি।
অশ্বমেধ করিলেন শ্রীরাম আপনি।।
আর অশ্বমেধ করিলেন পুরন্দর।
ব্রহ্মবধ পাপে মুক্ত তাঁর কলেবর।।
তুমিও করহ রঙ্গ অশ্বমেধ ক্রতু।
জ্ঞাতিবধ মহাপাপ এড়াবার হেতু।।

এত যদি কহিলেন ব্যাস তপোধন।
যোড়হস্তে বলিলেন ধর্মের নন্দন।।
অশ্বমেধে পাপ দূর কহলা আপনি।
যজ্ঞ কৈল যত জন শুনিলাম আমি।।
তা সবার সম নহে আমার ক্ষমতা।
শুন মহামুনি ইহা না হয় সর্বথা।।

নির্দ্বন্দ্ব নৃপতি আমি নাহি এত ধন।
 কিমতে হইবে মুনি যজ্ঞ সমাপন।।
 দুর্যোধন বিবাদেতে অর্থ হৈল ক্ষয়।
 কিমতে হইবে যজ্ঞ মুনি মহাশয়।।
 অশ্বমেধ হবে হেন না দেখি উপায়।
 বিবরিয়া মহামুনি কহিবা আমায়।।
 ফলহীন বৃক্ষ যেন ত্যজে পক্ষিগণ।
 অর্থহীন পুরুষেরে ছাড়ে সর্বজন।।
 ধনহীন পুরুষের ধর্ম নাহি হয়।
 ধন হৈতে ধর্ম হয় মুনিগণ কয়।।
 হেন ধন নাহি মম কিসে হবে যজ্ঞ।
 কিমতে তরিব পাপে কহ মহাবিজ্ঞ।।

ব্যাস বলিলেন শুন ধর্মের নন্দন।
 কার্যে কর্মে বদ্ধ হৈলে ধনে প্রয়োজন।।
 তবে ধনে ধর্ম হয় ইথে নাহি আন।
 শুন রাজা কহি তোমা ধনের সন্ধান।।
 মরুত নামেতে এক ছিল নরবর।
 তার যজ্ঞ কথা কহি তোমার গোচর।।
 অশ্বমেধ করিল মরুত নরপতি।
 অদ্যপি তাঁহার যশ ঘোষে বসুমতী।।
 বিংশতি সহস্র বিপ্রে যজ্ঞেতে বরিল।
 সুবর্ণ আসন সব দ্বিজগণে দিল।।
 স্বর্ণ বাটি স্বর্ণ থালা স্বর্ণময় ঝারি।
 কাঞ্চন নির্মাণ পাত্রে অন্নজল পুরি।।
 হেনমতে মরুত ব্রাহ্মণ সেবা করে।
 প্রত্যহ নূতন পাত্র দিল দ্বিজবরে।।
 হেনমতে যজ্ঞ কৈল শতেক বৎসর।
 মরুত সমান ধনী নাহি নৃপবর।।

বহু ধন নিতে না পারিয়া দ্বিজগণ।
 হিমালয় পার্শ্বেতে রাখিল সর্বধন।।
 তথা হৈত সেই ধন আনহ সত্বর।
 অশ্বমেধ হইবেক শুন নৃপবর।।
 ব্যাসের বচন শুনি ধর্মের নন্দন।
 যোড়হস্ত করিয়া করিল নিবেদন।।
 শুন মহাশয় আমি যজ্ঞ না করিব।
 সে ধন ব্রহ্মস্ব, আমি কেমনে আনিব।।
 পাপ বিনাশিতে চাহি যজ্ঞ করিবারে।
 আনিতে বিপ্রে ধন বল কি প্রকারে।।
 শুন মহামতি মম যজ্ঞে নাহি কায।
 শুনিলে হাসিবে সব নৃপতি সমাজ।।
 ব্রহ্মস্বতে বংশ রক্ষা হইবে কেমনে।
 কিমতে সে দ্রব্য আমি করিব গ্রহণে।।

হাসিয়া বলেন ব্যাস শুনহ রাজন।
 দোষ নাহি নৃপতি আনিতে সেই ধন।।
 সে ধন ব্রাহ্মণগণ করিলেন ত্যাগ।
 ইথে দোষ না পরশে শুন মহাভাগ।।
 ভয় না করিহ তুমি ধর্মের তনয়।
 অগ্নি জল পৃথিবী, এ ধন কার নয়।।
 শত শত রাজা পূর্বে পৃথিবীতে ছিল।
 অনন্তরে কত কত আরো রাজা হৈল।।
 বাহুবরে পৃথিবীর করিল পালন।
 নানা যজ্ঞ করিলেক পেয়ে নানা ধন।।
 সেই ধন জল অগ্নি হ্রাস নাহি হয়।
 ইথে কেন কর ভয় ধর্মের তনয়।।
 পূর্বেতে দেবতাসুর ছিল দুই ভাই।
 এ ধন ধরণী যত অসুরেতে পাই।।

তবে দেব, অসুরে মারিল বাহুবলে।
এই ধন নিতে আজ্ঞা কৈল কুতূহলে।।
সাবর্ণি নামেতে হৈল সূর্যের নন্দন।
পৃথিবী পাইল রাজা তপের কারণ।।
বশ করি বসুমতী পালিলেক প্রজা।
হেনমতে সূর্যবংশে হৈল কত রাজা।।
তা সবার দান যজ্ঞ বিদিত সংসারে।
এ সব তপের তেজ জানাই তোমারে।।

হরিশ্চন্দ্র মহারাজ খ্যাত ত্রিভুবনে।
সকল পৃথিবী দান দিলেন ব্রাহ্মণে।।
ব্রহ্মস্ব হইল তবে যেই বসুমতী।
তবে কেন লইবেক ক্ষত্র নরপতি।।
ব্রহ্মস্ব বলিয়া তার ভয় নাহি ছিল।
ইহার কারণে কেবা রাজ্য না করিল।।

তবে বিরোচন সুত বলি হৈল রাজা।
ব্রাহ্মণেরে সপ্তদ্বীপ দিয়া করে পূজা।।
আপনি পাতালে গেল না পাইয়া স্থান।
দুষ্ট দেখি তারে বিড়ম্বিল ভগবান।।

তবে যমদগ্নিসুত ভৃগু বংশপতি।
শুনেছ তাঁহার কথা ধর্ম নরপতি।।
পৃথিবী জিনিয়া তিনি আনন্দিত মনে।
পৃথিবী দিলেন দান মরীচি নন্দনে।।
কশ্যপ পাইল তবে সব বসুমতী।
আপন নন্দনে দিল করিয়া পীরিতি।।
ধন ধরা অগ্নি জল ইহা কারো নয়।
শুন যুধিষ্ঠির রাজা শাস্ত্রে হেন কয়।।
পৃথিবী পালিয়া তার হয় নানা ধন।

ভয় না করিহ তুমি ধর্মের নন্দন।।
সে ধন আনিয়া রাজা যজ্ঞ কর সুখে।
ইথে দোষ নাহি আমি কহিনু তোমাকে।।

আনন্দ পাইয়া রাজা ব্যাসের বচনে।
পুনরপি জিজ্ঞাসেন আনন্দিত মনে।।
হইল ধনের তত্ত্ব শুন মহামুনি।
যজ্ঞ হেতু অশ্ববর কোথা পাব শুনি।।
মুনি বলে অশ্ব আছে যুবনাশ্বপুরে।
আনিতে করহ যত্ন সেই অশ্ববরে।।
যজ্ঞ হেতু অশ্ব পালিতেছে নরপতি।
শত কোটি সেনা আছে তাহার সংহতি।।
যতনে পালয়ে অশ্ব যজ্ঞ নাহি করে।
সেই ঘোড়া আন রাজা জানাই তোমারে।।
পরাজিয়া যুবনাশ্বে হয় আন তুমি।
তবে যজ্ঞ সিদ্ধি হবে কহিলাম আমি।।

যুধিষ্ঠির বলিলেন শুন দিয়া মন।
হয় হেতু হবে সে রাজার সঙ্গে রণ।।
কে আর করিবে যুদ্ধ নৃপতির সাথে।
মহারাজ যুবনাশ্ব খ্যাত পৃথিবীতে।।

ব্যাস বলিলেন রাজা চিন্তা কর কেনে।
হয় আনিবারে আজ্ঞা কর ভীমসেনে।।
বক হিড়িম্বক আর কির্মীর দুর্বার।
কৈলাস মর্দিয়া কৈল যক্ষের সংহার।।
কীচকে মারিল বীর বিরাটনরে।
শত ভাই দুর্যোধনে বধিল সমরে।।
ভীম হৈতে হবে তোমা সিদ্ধ প্রয়োজন।
ভীম আনিবেক ঘোড়া করিয়া যতন।।

আমি জানি ভীমের অসাধ্য নহে কৰ্ম্ম ।
হয় হেতু চিন্তা না করিহ তুমি ধৰ্ম্ম॥

যুধিষ্ঠির বলেন করহ অবধান।
বড় দুঃখী আছে ভীম করিয়া সংগ্রাম॥
জর্জর ভীমের দেহ কৌরবের বাণে।
তুরঙ্গ আনিতে তারে কহিব কেমনে॥
বৃষকেতু মেঘবর্ণ দুই ত বালক।
বিশেষ বাপের শোকে দহিছে পাবক॥
কিমতে বলিব তারে তুরঙ্গ আনিতে।
শুন মহামুনি বড় ভয় পাই চিতে॥

এত যদি বলিলেন ধৰ্ম্ম নৃপবর।
তাহা শুনি আনন্দিত বীর বৃকোদর॥
ভীম বলে মহারাজ করহ শ্রবণ।
তুরগ আনিতে কহিলেন তপোধন॥
আনিব তুরগ আমি এ নহে আশ্চর্য্য।
পরাজিব যুবনাশ্বে কত বড় কার্য্য॥
ধন আনিবারে তুমি পাঠাও অর্জুন।
আমি আনি গিয়া অশ্ব জিনিয়া রাজনে॥
একেশ্বর যাব আমি ভদ্রাবতীপুরে।
আনিব যজ্ঞের অশ্ব জিনিয়া রাজারে॥
সবান্ধবে রাজারে পাঠাব যমঘরে।
অবশ্য আনিব ঘোড়া করে ভীম ডরে॥
ইহা ভিন্ন আর নাহি আমার বিশ্রাম।
শতক বৎসর পারি করিতে সংগ্রাম॥

কহিলেন যুধিষ্ঠির ভীমের বচনে।
একাকী দুর্গমে তুমিযাইবে কেমনে।।
বৃষকেতু বদন চাহেন যুধিষ্ঠির।

রাজার ইঙ্গিতে তার পুলক শরীর॥
যোড়হাতে কহিলেক ধর্ম্মের গোচরে।
ভীম সঙ্গে যাই আমি আজ্ঞা দেহ মোরে॥

যুধিষ্ঠির বলেন শুনহ প্রিয়তর।
আছিল তোমার পিতা মহা ধনুর্ধর॥
অর্জুন বধিল তারে করিয়া বিক্রম।
তার বধে আমি পাইয়াছি মনোভ্রম॥
পরিচয় নাহি ছিল কর্ণের সংহতি।
সবাই বলিল তারে রাধার সন্ততি॥
সূতপুত্র বলি তারে বলে সর্ব্বজনে।
না চিনিয়া সহোদর বধিলাম রণে॥
বিনাশিল কর্ণবীর অর্জুন দুর্জয়।
চাহিতে তোমার মুখ মনে পাই ভয়॥

বৃষকেতু বলে শুন পাণ্ডুর ঈশ্বর।
ক্ষত্রিয়প্রধান ধৰ্ম্ম করিতে সমর॥
বিপক্ষ হইল পিতা ত্যজি সহোদর।
কৌরব সহিত কৈল মন্ত্রণা বিস্তর॥
দ্রৌপদীরে উপহাসি হিংসিল তোমাতে।
সেই পাপে মম পিতা গেল যমঘরে॥
আজ্ঞা দেহ যাব আমি খুড়ার সংহতি।
আনিব যজ্ঞের ঘোড়া শুন নরপতি॥

বৃষকেতু কথা শুনি ভীম হরষিত।
আলিঙ্গন দিল তবে মনের বাঞ্ছিত॥
তবে ঘটোৎকচ সূত মেঘবর্ণ নাম।
যুধিষ্ঠির অগ্রে কহে করিয়া প্রণাম॥
যদি আজ্ঞা কর তুমি ধৰ্ম্ম নরপতি।
পিতামহ সঙ্গে যাব পুরী ভদ্রাবতী॥

আনিব তুরঙ্গ আমি শুনহ রাজন।
অন্তরীক্ষে গতি মম ধর্মের নন্দন।।
বুঝিতে আমার মায়া অমর না পারে।
আনিব তুরঙ্গ আমি হস্তিনানগরে।।
বৃষকেতু পিতামহে করিবে সমর।
ঘোড়াকে আনিব আমি শুন নরবর।।

এত যদি মেঘবর্ণ বলিল বচন।
অনুমতি করিলেন ধর্মের নন্দন।।
যাও পুত্র ঘোড়ারে আনহ বাহুবলে।
মম আশীর্ব্বাদে ঘোড়া আনিবে কুশলে।।
তিনজন মিলিয়া করিবে মহারণ।
তবে সে জিনিবে তারে শুনহ নন্দন।।
সাজিলেন তিন বীর তুরঙ্গ আনিতে।
ব্যাস कहিলেন কথা রাজার সাক্ষাতে।।
অর্জুনে পাঠাও রাজা আনিবারে ধন।
তবে সে कहিব আমি যজ্ঞ বিবরণ।।
মুনি বাক্যে অর্জুনে কহেন নরপতি।
আজ্ঞা পেয়ে পার্থ রথে যান শীঘ্রগতি।।
হিমালয় পার্শ্বে যান পাণ্ডুর নন্দন।
রথেতে তুলিয়া আনিলেন সব ধন।।

ধন দেখি যুধিষ্ঠির সানন্দ বিস্তর।
জিজ্ঞাসা করেন পুনঃ মুনির গোচর।।
যজ্ঞ-বিবরণ তবে কহ মহামুনি।
আয়োজন কত চাহি কহ দেখি শুন।।
কতেক ব্রাহ্মণ যজ্ঞে করিব বরণ।
সে সকল কথা শীঘ্র কহ তপোধন।
গব্য হব্য কত চাহি কহ মহামুনি।
ঘোড়ার কিমত রূপ, কহ দেখি শুন।।

আদ্যোপান্ত যজ্ঞ কথা জানাও আমারে।
স্থির নহে চিত্ত মম, कहিনু তোমারে।।

ব্যাস বলিলেন, শুন ধর্মের নন্দন।
অশ্বমেধ যজ্ঞ কৈলে স্থির হবে মন।
যজ্ঞ বিবরণ রাজা कहি যে তোমারে।
আদ্যোপান্ত অন্ন জল দিবে সবাকারে।।
বিংশতি সহস্র বিপ্রে যজ্ঞেতে বরিবে।
নানা আভরণ দিয়া সবারে তুষিবে।।
লক্ষ কুম্ভ ঘৃত নিত্য ঢালিবে আগুনে।
করিবে দেবতা পূজা কুসুম চন্দনে।।
পাঁচ কুম্ভ ঘৃত এক ব্রাহ্মণে ঢালিবে।
হেনমতে লক্ষ কুম্ভ প্রতি দন দিবে।।

ঘোড়ার লক্ষণ শুন ধর্ম নরপতি।
চন্দ্রিমা জিনিয়া ঘোড়া দেহের মুরতি।।
পীতপুচ্ছ শ্যামবর্ণ অশ্ব মনোহর।
সর্ব্ব সুলক্ষণ হয় শুন নরবর।।
ভূষিত করিবে ঘোড়া দিয়া আভরণ।
আপনার নাম তাহে করিবে লিখন।।
জয়পত্র আশ্বভালে করিয়া বন্ধন।
আপনার নাম তাহে করিবে লিখন।।
তাহাতে লিখিবে পত্র যেই ঘোড়া ধরে।
নিজ বাহুবলে আমি জিনিব তাহারে।।
তুরঙ্গ ছাড়িয়া মধু পূর্ণিমা দিবসে।
পৃথিবী ভ্রমিবে ঘোড়া মনের হরিষে।।
আপনি থাকিবে যজ্ঞে তুমি হয়ে ব্রতী।
অসিপত্র ব্রত আচরিবে মহামতি।।

যুধিষ্ঠির বলেন যে করি নিবেদন।

অসিপত্র ব্রতের বলহ বিবরণ।।
 অসিপত্র ব্রত সেই কেমন প্রকারে।
 কি নিয়মে থাকে তাহা বলহ আমারে।।
 ব্যাস বলিলেন রাজা কর অবগতি।
 অসিপত্র ব্রত কথা শুন নরপতি।।
 যাবৎ না আসে ঘোড়া নিবৃত্ত হইয়া।
 থাকিবে সে একাসনে দ্রৌপদী লইয়া।।
 তার মাঝে খড়্গ এক খোবে নরপতি।
 কদাচিত অন্য মত না করিবে তথি।।
 মদন আবেশে যদি মজে তার মন।
 সেই খড়্গ কাটিয়া ফেলিবে সেইক্ষণ।।
 সেই ব্রত কর রাজা আমার বচনে।

তোমা বিনা করিতে নারিবে অন্যজনে।।
 শুনিয়া কহেন রাজা ধর্মের নন্দন।
 আচরিতে না পারিল সহস্রলোচন।।
 হেন ব্রত আচরিব আমি কোন্ মতে।
 শুন মহামুনি বড় ভয় পাই চিতে।।
 ব্যাস কন তোমার সহায় নারায়ণ।
 তোমার অসাধ্য ইহা নহেত রাজন্ ।।
 এত বলি ব্যাস চলিলেন নিকেতনে।
 কৃষ্ণেরে করেন স্তব রাজা দৃঢ়মনে।।
 মহাভারতের কথা অমৃত সমান।
 কাশীরাম দাস কহে শুনে পুণ্যবান ।।

যুধিষ্ঠিরের নিকট কৃষ্ণের আগমন

হা কৃষ্ণ দ্বারকানাথ যাদব-নন্দন।
 মথুরেশ হৃষীকেশ ত্রাতা জনার্দদন।।
 এই নাম যুধিষ্ঠির স্মরণ করিতে।
 করুণাসাগর তথা আসিল ত্বরিতে।।
 একেশ্বর আসিলেন কমললোচন।
 যুধিষ্ঠির-দ্বারে আসি দিলা দরশন।।
 এই দেখ ভক্তের অধীন যদুরায়।
 শিব ব্রহ্মা ধ্যানে যাঁরে দেখিতে না পায়।।
 অনাহারে অহর্নিশি যত মুনিগণ।
 সমাধিযোগেতে ভাবে যেই নারায়ণ।।
 দেখিতে না পায় যাঁরে নানা ক্লেশ করি।
 যুধিষ্ঠির-স্মরণে আসেন সেই হরি।।
 দ্বারী গিয়া জানাইল ধর্মের গোচরে।
 শুন রাজা হৃষীকেশ আসিলেন দ্বারে।।
 শুন হরষিত হয়ে পাণ্ডুর নন্দন।

আগুসারি আনিবারে করেন গমন।।
 দ্রৌপদী সহিত রাজা ভ্রাতৃগণ লয়ে।
 ত্বরিত গেলেন রাজা আনন্দিত হয়ে।।
 যুধিষ্ঠিরে প্রণমেন দেব নারায়ণ।
 হরষিত হয়ে রাজা দেন আলিঙ্গন।।
 সবা সনে সম্ভাষণ করি যদুপতি।
 সভাতে বসেন আসি কৃষ্ণ মহামতি।।
 ভীমাজ্জুন সহদেব নকুল কুমার।
 বৃষকেতু আদি যত বসিল অপার।।
 সভা সুশোভিত করিলেন নারায়ণ।
 দ্বিতীয় প্রহর রাত্রে কৃষ্ণ আগমন।।
 শুন রাজা জনোজয় কহি যে তোমারে।
 পাণ্ডব সমান কেহ নাহিক সংসারে।।
 দ্বিতীয় প্রহর রাত্রে আসিলেন হরি।
 পাণ্ডবের কত ভাগ্য বলিতে না পারি।।

তবে রাজা যুধিষ্ঠির করি যোড়হাত।
 নিবেদন কৈল, শুন দেব জগন্নাথ।।
 অভিষেক করি মোরে দিলে সিংহাসন।
 তোমার আজ্ঞায় করি প্রজার পালন।।
 কিন্তু মম চিত্ত স্থির না হয় শ্রীহরি।
 অন্তরে উদ্বেগ উঠে, বলিতে না পারি।।
 জ্ঞাতি গুরু নাশিলাম সংগ্রাম ভিতরে।
 সে কারণে সুখ মোর নাহিক অন্তরে।।
 বিষাদিত হয়ে আমি মনে মনে গণি।
 হেনকালে আসিলেন ব্যাস মহামুনি।।
 যত দুঃখ নিবেদন করিলাম আমি।
 কহিলেন অশ্বমেধ যজ্ঞ কর তুমি।।
 বলিলাম নিঃস্ব আমি, করিব কেমনে।
 ধনের সন্ধান মুনি কহিলা যতনে।।
 অর্জুন আনিবে ধন হিমালয় হতে।
 উপদেশ করিলেন তুরঙ্গ আনিতে।।
 যুবনাশ্ব-পুরে আছে অশ্ব মনোহর।
 ভীম আনিবেক ঘোড়া করিয়া সমর।।
 প্রতিজ্ঞা করিল তবে সভা বিদ্যমানে।
 বৃষকেতু মেঘবর্গ আর ভীমসেনে।।
 তবে যজ্ঞ বিবরণ কহিলেন মুনি।
 অসিপত্র-ব্রত শুনি মনে ভয় গণি।।
 সে কারণে স্তুতি আমি করিনু তোমারে।
 তুরায় আসিলে কৃষ্ণ আমার গোচরে।।
 পাণ্ডবে আছেয়ে কৃপা শুন যদুরায়।
 যজ্ঞসিদ্ধি হেতু আমি জিজ্ঞাসি তোমায়।।
 পারি কি না পারি আমি যজ্ঞ করিবারে।
 বিচারিয়া কৃষ্ণচন্দ্র বলহ আমারে।।
 শুনিয়া বলেন হাসি দেব নারায়ণ।

জলগ গস্তীর স্বরে মধুর বচন।।
 শুন রাজা যুধিষ্ঠির আমার ভারতী।
 ঘোটক আনিবে ভীম নহে হেন কৃতী।।
 যুবনাশ্ব মহারাজ মহাবলবান।
 তার সঙ্গে যুদ্ধ করা সঙ্কটের স্থান।।
 সংগ্রামে জিনিতে না পারিবে বৃকোদর।
 ভীম হৈতে কৰ্ম্ম সিদ্ধি নহে নৃপবর।।
 অপকৰ্ম্মান্বিত ভীম সৰ্ব্বলোকে জানে।
 কামাতুর হয়ে মজে রাক্ষসীর সনে।।
 রাক্ষস আকার তার, রাক্ষস আচার।
 মনুষ্যের রক্ত খায়, রাক্ষস আহার।।
 কোন গুণ নাহি দেখি ভীমের শরীরে।
 হেন জনে বল তুমি অশ্ব আনিবারে।।
 ভীম হৈতে না হইবে সিদ্ধ প্রয়োজন।
 নিশ্চয় জানিহ ইহা ধর্ম্মের নন্দন।।
 ক্রেতায়ুগে যজ্ঞ করিলেন রঘুনাথ।
 ব্রহ্মবধ করেছিল পূর্বে তাঁর তাত।।
 নিয়োজিল লক্ষ্মণেরে অশ্ব রাখিবারে।
 আনন্দে ভ্রময়ে ঘোড়া পৃথিবী ভিতরে।।
 অক্ষৌহিণী সঙ্গে করি সুমিত্রা-নন্দন।
 অশ্ব লয়ে করিলেক পৃথিবী ভ্রমণ।।
 দৈবযোগে গেল ঘোড়া বিষ্ণুপদীপুরে।
 লব কুশ দুই ভাই ধরিল ঘোড়ারে।।
 আনিতে নারিল ঘোড়া সুমিত্রা-নন্দন।
 আপনি গেলেন তথা কমললোচন।।
 শ্রীরাম আনেন অশ্ব, যজ্ঞ সাঙ্গ হয়।
 এই সব কথা রাজা জানিহ নিশ্চয়।।
 এত যদি কহিলেন দেব গদাধর।
 তাহা শুনি কহিতে লাগিল বৃকোদর।।

নিবেদন করি শুন দেব নারায়ণ।
কহিলে আমারে তুমি গর্বিত বচন।।
তুমি যদি বল, আমি কি করিতে পারি।
কিস্তি আপনার ছিদ্র নাহি জান হরি।।
ডাগর উদর মম দেখ নারায়ণ।
তোমার উদরে কৃষ্ণ এ তিন ভুবন।।
আমা সম কামাতুর না দেখ আপনি।
ষোল শত অষ্ট হয় তোমার রমণী।।
তাহা লয়ে ক্রীড়া কর দিবস রজনী।
আমা কিসে কামাতুর বল গুণমণি।।
নিন্দিলে আমার আছে রাক্ষসী বনিতা।
তোমার গৃহেতে আছে ভল্লুক-দুহিতা।।
আপনা না জানি কৃষ্ণ নিন্দহ অন্যেরে।
কত কীর্তি রাখিয়াছ গোকুল নগরে।।
পাসরিলে সেই কথা রাধার জীবন।
আমায় নিন্দিয়া কহ কুৎসিত বচন।।
ভয় নাহি করি আমি যুবনাশ্ব বীরে।
তুরঙ্গ আনিব আমি জিনিয়া তাহারে।।
তুমি যারে প্রসন্ন আছহ যদুরায়।
ইন্দ্রে পরাজিতে পারি, এবা কোন্ দায়।।
আমা সবাকার নাথ তুমি নারায়ণ।
সত্য বলি এই কথা বলে সর্বজন।।
আমার অসাধ্য নাহি এই চরাচরে।

শুন কৃষ্ণ কহিলাম তোমার গোচরে।।
ভীমের বচনে তুষ্ট হয়ে নারায়ণ।
যুধিষ্ঠিরে কহিলেন মধুর বচন।।
অশ্বমেধ যজ্ঞ সিদ্ধ হইবে তোমার।
অসিপত্র আচরিবে ধর্মের কুমার।।
অন্য মত না হইবে, বলিলাম আমি।
তুরঙ্গ আনিবে ভীম, স্থির জেন তুমি।।
কৃষ্ণের বচনে হরষিত যুধিষ্ঠির।
পুনরপি কহিতে লাগিল ভীম বীর।।
শুনহ অর্জুন বীর আমার বচন।
সতত করিবে তুমি রাজার রক্ষণ।।
পালিহ হস্তিনাপুরী রাজার সহিতে।
তিনজন যাই মোরা তুরঙ্গ আনিতে।।
এতেক কহিল যদি পবন-কুমার।
শুনিয়া অর্জুন তাহা করেন স্বীকার।।
যুধিষ্ঠির-পদে ভীম করিল প্রণাম।
আশীর্ব্বাদ দেন তারে ধর্ম গুণধাম।।
যাহ ভীম, অশ্ব তুমি আনহ ত্বরিতে।
বিলম্ব না কর ভাই, ইহা রাখ চিতে।।
ইহা শুনি ভীম বীর চলিল সত্বরে।
বৃষকেতু মেঘবর্গ লইয়া দোঁহারে।।
বিজয় পাণ্ডব-কথা অমৃতলহরী।
কাশী কহে, শুনিলে তরয়ে ভববারি।।

অশ্ব আনিতে ভীম, বৃষকেতু ও মেঘবর্গের যাত্রা

শ্রীজনমেজয় বলে, কহ মহামুনি।
অপূর্ব্ব কাহিনী আমি তোমা হৈতে শুনি।।
কেমনে আনিল অশ্ব বীর বৃকোদর।
বিবরিয়া সেই কথা কহ মুনিবর।।

যত কথা শুনি মুনি তত বাড়ে সুখ।
অমৃত করিতে পান কে হয় বিমুখ।।
বলেন বৈশম্পায়ন, শুন জনোজয়।
ভীম আনিবারে গেল অশ্বমেধ হয়।।

বৃষকেতু মেঘবর্ণে করিয়া সংহতি।
 গোবর্দ্ধন গিরিপরে গেল শীঘ্রগতি।।
 সেই গোবর্দ্ধন গিরি সহস্র শিখর।
 তাহে আরোহণ কৈল তিন বীরবর।।
 পর্বতে বসিল বীর হরষিত হয়ে।
 দেখিল রাজার পুরী দুরেতে থাকিয়ে।।
 সুবর্ণে রচিত পুরী মুণিমুক্তাময়।
 পুরী দরশনে ভীম মানিল বিস্ময়।।
 ভীম বলে, বৃষকেতু শুনহ বচন।
 জিনিয়া কনকলঙ্কা পুরীর গঠন।।
 মনোহর রাজপুরী অতি অনুপম।
 কতেক বসতি পুরে, নাহিক নিয়ম।।
 পুরীর বাহিরে দেখি রম্য সরোবর।
 সলিলে করিছে শোভা কমল নিকর।।
 নানা বৃক্ষ পুষ্প শোভে সরোবর পাশে।
 চম্পক মালতী যুথী মল্লিকা বিকাশে।।
 মধুলোভে অলিগণ ভ্রমিয়া বেড়ায়।
 দেখহ কোকিলগণ কুহুস্বরে গায়।।
 কলকর্প-বিহঙ্গম নানা শব্দ করে।
 মনোহর উপবন সরোবর-তীরে।।
 ওই দেখ বিটপীর তলে দিব্য ছায়।
 বনিতা বসিয়া তথা নানা গীত গায়।।
 কাঁখে হেমকুম্ভ করি যতেক অবলা।
 সরোবর-তীরে আসে যেন চন্দ্রকলা।।
 গন্ধর্ব্ব কিন্নর যেন দেবের রমণী।
 উর্ব্বশী জিনিয়া রূপ হেন মনে গণি।।
 এক আসে, এক যায় সরোবর-তীরে।
 দৃষ্টি করি বৃষকেতু দেখহ অন্তরে।।
 অমর-নগর জিনি যুবনাশ্ব-পুরী।

প্রবেশিব কোন্ পথে মনে ভয় করি।।
 গড়ের প্রাচীর দুই যোজন বিস্তার।
 ভয় লাগে দেখিয়া রাজার সিংহদ্বার।।
 রক্ষক সকল দেখ নানা অস্ত্র হাতে।
 অগম্য রাজার পুরী যাইব কিমতে।।
 পুরীর ভিতরে আছে অশ্ব মনোহর।
 কেমনে আনিব ঘোড়া বড়ই দুষ্কর।।
 ভীমের বচন শুনি কর্ণের নন্দন।
 যোড়হাত করি ভীম করে নিবেদন।।
 রাজপুরী মনোহর, অতি অনুপাম।
 অমর-নগর জিনি পুরী যে সুঠাম।।
 প্রবেশিতে না পারিব যুবনাশ্ব-পুরে।
 আসিবে যজ্ঞের ঘোড়া এই সরোবরে।।
 আসিবে অনেক সৈন্য ঘোড়ার সংহতি।
 ধরিয়া লইব ঘোড়া করিয়া শকতি।।
 ভীম বলে, বৃষকেতু কহিলে প্রমাণ।
 নিতান্ত ধরিতে ঘোড়া করহ সন্ধান।।
 তুরঙ্গ ধরিলে যুদ্ধ হইবে বিস্তর।
 কি কৰ্ম্ম করিব বল কর্ণের কোণ্ডর।।

বৃষকেতু বলে, আমি করিব সমর।
 আমা নিবারিতে পারে, নাহি হেন নর।।
 তবে মেঘবর্ণ বলে, শুন পিতামহ।
 ধরিয়া আনিব ঘোড়া যদি আজ্ঞা দেহ।।
 অশ্ব লয়ে থাকিব যে পর্বত উপরে।
 তোমরা প্রবৃত্ত দোঁহে হইবে সমরে।।
 মেঘবর্ণ-বাক্য শুনি ভীম হৈল প্রীত।
 পর্বতে রহিল সবে হয়ে হরষিত।।
 শিখরে বসিয়ে তিনে করে নিরীক্ষণ।

জলপান করিতে আইল অশ্বগণ।।
অযুত অযুত ঘোড়া সরোবরে আইল।
আপনার সুখে ঘোড়া জলপান কৈল।।
জলপান করিয়া চলিল অশ্বগণ।
তাহে না দেখিল অশ্ব সর্ব সুলক্ষণ।।
শ্যামবর্ণ পীত পুচ্ছ তাহে না দেখিয়ে।
পর্বতে আছেন তিন পথপানে চেয়ে।।

ভীম বলে, বৃষকেতু হেন লয় মনে।
অন্তঃপুরে আছে ঘোড়া না এল এখানে।।
বাহির না করে ঘোড়া, ইহা জান স্থির।
আইল অনেক ঘোড়া, খাইবারে নীর।।
কোন্ কর্মে করিলাম প্রতিজ্ঞা করিয়া।
হস্তিনাতে যাব আমি কি বোল বলিয়া।।
অব্যর্থ প্রতিজ্ঞা মম, সর্বলোকে জানে।
ঘোড়া না পাইয়া মোর দুঃখ বাড়ে মনে।।

বৃষকেতু বলে, খুড়া শুন অবধানে।
এখনি আসিবে অশ্ব দেখ জলপানে।।
শ্রীকৃষ্ণ দিলেন আজ্ঞা তুরঙ্গ আনিতে।
কার্য্যসিদ্ধি হবে, কেন দুঃখ কর চিতে।।
ঐ শুন নগরেতে বিবিধ বাদ্যধ্বনি।
ঢাক ঢোল বাজে আর বরাক খঞ্জনী।।

খমক ঠমক বাজে মৃদঙ্গ ঝাঁঝরি।
বরঙ্গ মাধুরী বাজে বিশাল ধুধুরি।।
জয়ঢাক বীরঢাক কাংস্য করতাল।
দগড়ি দগড় বাজে দামামা বিশাল।।
কোলাহল শুনি বড় গড়ের ভিতরে।
অভিপ্রায় বুঝি ঘোড়া আসে সরোবরে।।
রাজার গমনে যেন বাজে বাদ্যচয়।
শুন খুড়া জলপানে আসে সেই হয়।।
একদৃষ্টি করি তুমি চাহ হয় পানে।
শব্দ কোলাহলে কিছু নাহি শুনি কাণে।।
আগে পাছে গজ বাজী কত শোভা করে।
সর্বসুলক্ষণ ঘোড়া দেখহ মাঝারে।।
চামর চাঁদোয়া দেখ ঘোড়ার দু-পাশে।
পদধূলি উঠিল যে দেখহ আকাশে।।
অশ্ব দেখি ভীম বীর আনন্দিত মনে।
ঘটোৎকচ-সুতে আজ্ঞা দিল সেইক্ষণে।।
মেঘবর্ণ বলে, তুমি দেখ না বসিয়া।
সৈন্যের মাঝারে ঘোড়া আনিব ধরিয়া।।
এত বলি মেঘবর্ণ হইল বিদায়।
চন্দ্রকে ধরিতে যেন রাহুগ্রহ ধায়।।
মহাভারতের কথা সুধার সুসার।
কাশী কহে, শুন যদি হৈবে ভবপার।।

যুবনাশ্ব রাজার অশ্বহরণ

মেঘবর্ণ মহাবলী, হয়ে মহা কুতুহলী,
প্রণমিল ভীমের চরণে।
ভীম বড় কুতুহলে, তাহারে করিল কোলে,
আশীর্ব্বাদে হরষিত মনে।।
প্রণমিয়া কর্ণসুতে, মেঘবর্ণ আনন্দেতে,

অন্তরীক্ষে করিল গমন।
প্রকাশি রাম্ভস মায়া, দূর কৈল রবিছায়া,
অন্ধকারে না চলে নয়ন।।
আকাশে খেচর সব, করে মহাকলরব,
বরিষে মুষলধারে জল।

প্রচণ্ড মারুত বয়, ঘোর শীলাবৃষ্টি হয়,
পূর্ণিত হইল ধরাতল।।
বাত হৈল অতি গুরু, ভাঙ্গিল যতেক তরু,
পত্র পুষ্প পড়িল ভূতলে।
তাহা দেখি নৃপসেনা, হইলেক অন্যমনা,
অশ্বনিতে না পারিল শালে।।
মারুতি রুধিল বাট, ত্রাসিত রাজার ঠাট,
পরস্পর কহে নানা কথা।
কিবা হৈল দুরদৃষ্ট, অকস্মাৎ জলবৃষ্ট,
মায়া কৈল কেমন দেবতা।।
মনে উপজিল ভয়, এ কৰ্ম্ম অন্যের নয়,
ঘোড়া নিতে আসে পুরন্দর।
শ্যামবর্ণ পীতপুচ্ছে, হেন অশ্ব কোথা আছে,

শিলাঘাতে শরীর জর্জর।।
নৃপসেনা হেনমতে, বিষাদ করিয়া চিতে,
অন্ধকারে না দেখি নয়নে।
চান্দোয়া চামর কোথা, খণ্ডখণ্ড হৈল ছাতা,
করি দন্ত খসি পড়ে ভূমে।।
মেঘবর্ণ হেনকালে, ঘোটক লইয়া কোলে,
লয়ে গেল পর্বত উপরে।
বৃষকেতু বৃকোদর, আনন্দিত বহুতর,
আলিঙ্গন করিল তাহারে।।
ভারতের পুণ্যকথা, শুনিলে ঘুচয়ে ব্যথা,
কলির কলুষ বিনাশন।
সেবি কৃষ্ণ পদাম্বুজ, কহে কৃষ্ণ দাসানুজ,
কৃষ্ণপদে থাকে যেন মন।।

বৃষকেত ও যুবনাশ্বের যুদ্ধ

রাক্ষসের মায়া যত, সব দূর হৈল।
শিলাবৃষ্টি বরিষণ ঝড় কোথা গেল।।
দূর হৈল অন্ধকার, সুপ্রকাশ ভানু।
পরস্পর নিরীক্ষয়ে নিজ নিজ তনু।।
কেহ বলে, আরে ভাই অনর্থ হইল।
রাজার যজ্ঞের ঘোড়া কেবা লয়ে গেল।।
কেহ বলে, অশ্বেকে ধরিয়া একজন।
দেখিনু আকাশপথে করিল গমন।।
কি বলিয়া যাব মোরা নৃপ সন্নিধানে।
ঘোড়া না দেখিয়া রাজা বধিবেক প্রাণে।।
গন্ধৰ্ব্ব কিন্নর কেবা ঘোড়া নিল হরি।
ধেয়ে যায় নৃপসৈন্য হাতে ধনু ধরি।।
আকাশপথেতে কেহ করে নিরীক্ষণ।
কেহ বলে, ঘোড়া নিল সহস্রলোচন।।

কোলাহল করি সৈন্য ধাইল পর্বতে।
আণ্ড হৈল ভীমসেন ধনুর্বাণ হাতে।।
মেঘবর্ণ বলে, শুন পিতামহ বীর।
ঘোড়া লয়ে যাই চলি হস্তিনা নগর।।
অগোচরে যাই, যুদ্ধ নাহি প্রয়োজন।
তত্ত্ব নাহি পায় যেন নৃপ সৈন্যগণ।।
ভীম বলে, মেঘবর্ণ কি কর বিচার।
শুনিলে হাসিবে কৃষ্ণ সংসারের সার।।
উপহাস করিবেন মোরে ধনঞ্জয়।
চুরি করি বৃকোদর আনিলেক হয়।।
এ সব নিন্দিত কৰ্ম্ম আমি না করিব।
বাহুবলে নৃপসৈন্য আমি পরাজিব।।
বক হিড়িম্বক মারি কির্ষীর দুর্বার।
শত ভাই কীচকেরে করিনু সংহার।।

বিনাশ করিনু শত ভাই দুৰ্য্যোধনে।
 অশ্ব লুকাইয়া লব, এ বল কেমনে।।
 অপযশ থাকিবেক অবনী-মণ্ডলে।
 পাণ্ডবের সখা কৃষ্ণ সৰ্ব্বলোকে বলে।।
 ইহা যদি বলিলেন বীর বৃকোদর।
 ঘটোৎকচ-সুত বলে যুড়ি দুই কর।।
 ঘোড়া লয়ে তোমরা থাকহ দুই জন।
 আজ্ঞা কর যাই আমি করিবারে রণ।।
 এত বলি ভীমসেনে করিয়া প্রণাম।
 মেঘবর্ণ বীর যায় করিতে সংগ্রাম।।
 উপাড়ি পাথরখণ্ড নিল বাম হাতে।
 সিংহনাদ করি যায় সংগ্রাম করিতে।।
 এড়িল পাথরখান দিয়া হুঙ্কার।
 পাথর চাপনে হৈল সৈন্যের সংহার।।
 চারি শত সেনাপতি গেল যমঘরে।
 দুই শত হস্তী মরে শিলার প্রহারে।।
 গাছ শিলা আঘাতে পড়িল সেনাচয়।
 একলা করিছে যুদ্ধ রাক্ষস দুর্জয়।।
 পরস্পর নৃপসেনা মনে বিচারিল।
 সঙ্কট সংগ্রাম দেখি রণে ভঙ্গ দিল।।
 উর্দ্ধশ্বাসে ধেয়ে গেল পুরীর ভিতরে।
 যোড়হাতে বার্তা কহে নৃপতি গোচরে।।
 শুন রাজা, ঘোড়া নিল সহস্রলোচন।
 শিলাবৃষ্টি ঘোরতর কৈল বরিষণ।।
 অন্ধকার কেহ নাহি চিনে আত্ম-পর।
 ধরিয়া যজ্ঞের ঘোড়া নিল পুরন্দর।।
 ঘোড়া লয়ে পৰ্ব্বতে গেলেন সুরপতি।
 কুবের বরণ যম আছেন সংহতি।।
 তাঁর সহ যুদ্ধ করিলাম প্রাণপণে।

শরীর জর্জর হৈল দেবতার বাণে।।
 গজ বাজী পড়িল বিস্তর সেনাগণ।
 পলাইনু প্রাণ লয়ে পরিহরি রণ।।
 শুনিয়া কুপিল যুবনাশ্ব নৃপবর।
 সাজ সাজ বলি ঘন ডাকে নরেশ্বর।।
 নৃপআজ্ঞা পাইয়া যতেক সেনাগণ।
 হরিষেতে গেল সবে করিবারে রণ।।
 গজ বাজী বিমানেতে আরোহণ করি।
 পদাতিকগণ যায় হাতে খড়া ধরি।।
 ধনুর্বাণ লয়ে হাতে সাজে যত জন।
 কোলাহল করি যায় নৃপ সেনাগণ।।
 যুঝিতে চলিল যুবনাশ্ব মহাবল।
 ভূজঙ্গনাথের ফণা করে টলমল।।
 আপনি নৃপতি এল যুদ্ধ করিবারে।
 বৃষকেতু কহে কথা ভীমের গোচরে।।
 আজ্ঞা কর, খুড়া আমি করি গিয়া রণ।
 আজি যুবনাশ্বে আমি করিব নিধন।।
 অনুমতি দিল ভীম বৃষকেতু বীরে।
 কর্ণের নন্দন যায় হাতে ধনু ধরে।।
 আকর্ণ পূরিয়া বীর টঙ্কারিল ধনু।
 সিংহনাদে কম্পমান নৃপতির তনু।।
 সিংহনাদে নৃপতির মন উচাটন।
 ডাক দিয়া বলে রাজা, শুন সেনাগণ।।
 একেশ্বর আসে মোর সৈন্যের ভিতরে।
 অসীম সাহস বীর শঙ্কা নাহি করে।।
 কিবা ইন্দ্রদেব কিবা শমন পবন।
 মানুষের রূপে এল করিবারে রণ।।
 সাহস করিয়া সবে কর গিয়া রণ।
 নৃপাদেশে সাহস করিল সেনাগণ।।

মার মার শব্দে সবে আরস্তিল রণ।
 নানা অস্ত্র বরিষয়ে না হয় গণন।।
 রাজপুত্র সুবেগ সে বড় বীরবর।
 করিপৃষ্ঠে আসে সেই করিতে সমর।।
 হংসব্যূহ করি সেই আরস্তিল রণ।
 ব্যূহ ভেদি বৃষকেতু মারে সেনাগণ।।
 একত্র হইয়া যত নৃপতির সেনা।
 বাণবৃষ্টি করে সবে, নাহিক গণনা।।
 বৃষকেতু-শিরে পড়ে লক্ষ লক্ষ বাণ।
 তথাপি সে নহে ভীত হেন বলবান্।।
 কাতর হইল বীর বাণের প্রহারে।
 তাহা দেখি ভীম বীর কুপিল অন্তরে।।
 ভীম বলে, মেঘবর্ণ শুনহ বচন।
 একা গেল বৃষকেতু করিবারে রণ।।
 পর্বতে থাকহ তুমি ঘোটক লইয়া।
 যুদ্ধ করিবারে আমি যাইব সাজিয়া।।
 এত বলি ভীমসেন করিল গমন।
 বৃষকেতু সম্মুখে আইল সেইক্ষণ।।
 ভীমে দেখি বৃষকেতু হরিষ অন্তরে।
 যোড়হাত করি বীর নিবেদন করে।।
 আপনি আসিলে কেন সংগ্রাম ভিতর।
 আমি যুদ্ধ জিনিতে পারিব একেশ্বর।।
 ভীম বলে, নৃপতির বহুতর সেনা।
 দরশনে আমি বড় হইনু উন্মানা।।
 একলা করিছ যুদ্ধ, ভয় করি মনে।
 বিনাশিব নৃপসেনা মোরা দুই জনে।।
 এত বলি দুই জনে করেন সন্ধান।
 ঈষৎ হাসিয়া এড়ে শত শত বাণ।।
 বৃষকেতু দেখিয়া বলিছে নৃপবর।

কাহার তনয় তুমি মহাধনুর্ধর।।
 কি নাম তোমার হে, আসিলে কি কারণ।
 পরিচয় দেহ আগে তোমরা দুজন।।
 যুবনাশ্ব-বচনেতে বৃষকেতু বীর।
 পরিচয় দিল নৃপে প্রফুল্ল শরীর।।
 রবির তনয় কর্ণ জানে এ জগতে।
 জনম হইল তাঁর কুন্তীর গর্ভেতে।।
 কর্ণের তনয় আমি নাম বৃষকেতু।
 তুরঙ্গ লইনু যুধিষ্ঠির-যজ্ঞ-হেতু।।
 তাহা শুনি যুবনাশ্ব আনন্দিত মন।
 ধন্য ধন্য মহাবীর কর্ণের নন্দন।।
 এ নহে উচিত, শুন কর্ণের নন্দন।
 আমার বচনে কর রথে আরোহণ।।
 তবে সে করিব দুই জনে ঘোর রণ।
 এত শুনি ডাকি বলে কর্ণের নন্দন।।
 শুন রাজা মম রথে নাহি কোন কাজ।
 তুমি রথে যুদ্ধ কর, শুন মহারাজ।।
 বৃষকেতু-বাক্য রাজা দুঃখিত অন্তরে।
 রথ ত্যজি নামিলেন ধরণী উপরে।।
 দোঁহে যুদ্ধে বিশারদ, কেহ নহে উন।
 দোঁহে দোঁহাকার কাটি পাড়ে ধনুর্গুণ।।
 পুনরপি ধনুক লইল দুই জন।
 বাণ বরিষিয়ে দোঁহে ছাইল গগন।।
 বাণে বাণে দোঁহে কৈল অনেক সংগ্রাম।
 কেহ কারো উন নহে, দোঁহে অনুপাম।।
 তবে যুবনাশ্ব রাজা ক্রোধযুক্ত হয়ে।
 অগ্নিবাণ এড়িলেক আকর্ণ পুরিয়ে।।
 এড়িল বরণ বাণ কর্ণের তনয়।
 নিব্বাণ হইল অগ্নি, নাহি আর ভয়।।

বায়ু-অস্ত্র নরপতি এড়িলেক রণে।
 পর্বতাস্ত্রে নিবারয় কর্ণের নন্দনে।।
 সর্পবাণ যুবনাশ্ব কৈল অবতার।
 গরুড়াস্ত্রে কর্ণসুত করিল সংহার।।
 হেনমতে দৌঁহে কৈল অনেক সংগ্রাম।
 বাণের উপরে বাণ করেন সন্ধান।।
 তবে বৃষকেতু বীর কর্ণের নন্দন।
 কোপযুক্ত হয়ে করে বাণ বরিষণ।।
 নিবারয়ে যুবনাশ্ব ধনুঃশর হাতে।
 তাহা দেখি ভীমসেন দুঃখ ভাবে চিতে।।
 তবে যুবনাশ্ব রাজা মারে দশ বাণ।
 বৃষকেতু উপরে সে করিয়া সন্ধান।।
 মহাকোপে ভীমসেন গদা নিল হাতে।
 গজ বাজী রথ মারিলেন যুখে যুখে।।
 ভীম-গদাঘাতে সেনা হইল চঞ্চল।
 রণে ভঙ্গ দেয় সবে করি কোলাহল।।
 সৈন্যভঙ্গ দেখি বীর সুবেগ আইল।
 ভীমের সহিত আসি যুদ্ধ আরম্ভিল।।
 বুভুক্ষিত সিংহ যেন গজেন্দ্র পাইল।
 গদা হাতে ভীমসেন রণে প্রবেশিল।।
 তা দেখি সুবেগ বীর গদা নিল হাতে।
 আরম্ভিল গদাযুদ্ধ ভীমের সহিতে।।
 সুবেগ মারিল গদা ভীমের উপরে।
 গদাঘাতে ভীমসেন সিংহনাদ করে।।
 সুবেগ উপরে ভীম করে গদাঘাত।
 হাহাকার করে সৈন্য, সুবেগ নিপাত।।
 চৈতন্য পাইল নৃপসুত কতক্ষণে।
 পুনঃ গদাযুদ্ধ করে বৃকোদর সনে।।
 যুবনাশ্ব সনে যুঝে কর্ণের নন্দন।

দৌঁহে মহাধনুর্ধর করে মহারণ।।
 এড়িল পঞ্চাশ বাণ বীর বৃষকেতু।
 যুবনাশ্ব নৃপতির বিনাশের হেতু।।
 অচেতন মহারাজ পড়িল ভূমিতে।
 তাহা দেখি বৃষকেতু দুঃখ পায় চিতে।।
 ধনুর্বাণ ভূমে রাখি কর্ণের নন্দন।
 যোড়হাতে নারায়ণে করেন স্তবন।।
 পাণ্ডবে প্রসন্ন যদি হও চক্রপাণি।
 তবে যুবনাশ্ব রাজা বাঁচিবে এখনি।।
 যদি কিছু কর্ণের থাকয়ে পুণ্যফল।
 নৃপতিরে তবে রক্ষ ভকতবৎসল।।
 এত বলি বৃষকেতু মাগিলেন বর।
 চৈতন্য পাইয়া রাজা উঠিল সত্বর।।
 নৃপতি চৈতন্য পায় হরষিত সেনা।
 মহাকোলাহল করি বাজায় বাজনা।।
 যুবনাশ্ব বলে, শুন কর্ণের তনয়।
 তুমি মেরা পিতা সম, আমি ত তনয়।।
 বাপের সমান তুমি হও মহামতি।
 বৃকোদর সনে মোর করাহ পীরিতি।।
 আর যুদ্ধে কাজ নাই কর্ণের নন্দন।
 আমি লইলাম এবে পাণ্ডব-শরণ।।
 মারিয়া জীবন দিলে কি আশ্চর্য্য কথা।
 মহাধর্ম্মবস্ত ছিল কর্ণ তব পিতা।।
 তেমতি দেখিনু ধর্ম্ম তোমার শরীরে।
 আমা লৈয়া চল তুমি ভীমের গোচরে।।
 ভীম-সুবেগের যুদ্ধ অপূর্ব্ব-কথন।
 গদাযুদ্ধে বিশারদ রাজার নন্দন।।
 বাহুবলে ভীম তারে তুলিল উপরে।
 আছাড়িয়া ফেলিলেক নৃপতি-কুমারে।।

নৃপতি-নন্দন তাহে ভয় না পাইল।
 সিংহনাদ করি পুনঃ গদা হাতে নিল।।
 পুত্রের বিক্রম দেখি সুখী নরপতি।
 ডাক দিয়া কহে রাজা আনন্দিত মতি।।
 শুন পুত্র যুদ্ধে আর নাহি প্রয়োজন।
 প্রাণপণে লইলাম পাণ্ডব-শরণ।।
 সংগ্রাম ত্যাজহ পুত্র আমার বচনে।
 যুদ্ধযোগ্য নহ তুমি ভীমসেন সনে।।
 ভীমের বিক্রম আমি করেছি শ্রবণ।
 পাণ্ডবের সহায় আপনি নারায়ণ।।
 পরাজয় পাণ্ডবের নাহি ত্রিভুবনে।
 সংগ্রাম ত্যাজহ পুত্র আমার বচনে।।
 বাপের বচন শুনি সুবেগ কুমার।
 আনন্দিত হইয়া ত্যজিল মহামার।।
 তবে বৃষকেতু বলে ভীমের সাক্ষাতে।
 যুবনাশ্ব-পরিবার ভজিল তোমাতে।।
 এই দেখ নৃপতি মাগিল পরাজয়।
 অভয় প্রসাদ দেহ পাণ্ডুর তনয়।।
 বৃষকেতু বচনেতে ভীম মহাবলী।
 ত্যজিল সংগ্রাম হইয়া কুতূহলী।।
 তবে রাজা যুবনাশ্ব আনন্দ পাইয়া।
 ভীমেরে প্রণাম কৈল সাষ্টাঙ্গ হইয়া।।
 রাজারে তুষিল ভীম আলিঙ্গন দানে।
 সুবেগ প্রণাম কৈল ভীমের চরণে।।
 বৃষকেতু সহিত করিয়া সম্ভাষণ।
 ঘোড়াহাতে যুবনাশ্ব করে নিবেদন।।
 নিবেদন করি শুন ভীম মহাশয়।
 আজি যে হইল মম তপের উদয়।।
 পূর্বপুণ্য মানিলাম তব দরশনে।

পবিত্র হইল পুরী তব আগমনে।।
 ধন্য ধন্য বৃষকেতু কর্ণের কুমার।
 নয়নে দেখিনু আজি চরণ তোমার।।
 কতেক আমার ভাগ্য বলিতে না পারি।
 পবিত্র হইল আজি ভদ্রাবতীপুরী।।
 আমার পুরেতে তুমি চল এইক্ষণে।
 ঘোড়া লয়ে যাব আমি ধর্ম বিদ্যমাণে।।
 অনুমতি দিল ভীম রাজার বচনে।
 প্রীতি পেয়ে যুবনাশ্ব গেল নিকেতনে।।
 সুবেগে রাখিয়া এল বৃকোদর সনে।
 ঘরে গিয়া নৃপতি ডাকিল পাত্রগণে।।
 পূর্বে সুরাসুর বলি ছিল অনুমান।
 তাহা নহে, আসে ভীম পাণ্ডুর সন্তান।।
 অন্তঃপুরে গিয়া কহে প্রভাবতী স্থান।
 বৃষকেতু সহ পাণ্ডবের আগমন।।
 মঙ্গল সামগ্রী শীঘ্র কর প্রভাবতী।
 মম পুরে আসিবেন ভীম মহামতি।।
 পাণ্ডুর তনয় তাঁরা ভাই পঞ্চজন।
 যুধিষ্ঠির ভীমার্জুন কুন্তীর নন্দন।।
 সহদেব নকুল দৌহে মাদ্রীর তনয়।
 কৃষ্ণ হেতু পাণ্ডবের নাহি পরাজয়।।
 যুদ্ধ-বিবরণ যত সকলি কহিল।
 তাহা শুনি রাজরাণী অদ্ভুত মানিল।।
 মঙ্গলায়োজন সবে করিল হরিষে।
 মেঘবর্ণ এল তথা বৃকোদর পাশে।।
 ঘোড়া লয়ে ঘটোৎকচ-সুত মহাবলী।
 দাণ্ডাইলা ভীম পাশে হয়ে কৃতাঞ্জলি।।
 গজপৃষ্ঠে চাপিলেন ভীম কর্ণসুত।
 ভদ্রাবতী-পুরে যান আনন্দ বহুত।।

আগে যায় মেঘবর্ণ অশ্বরশ্মি ধরি।
পিছে সেনাগণ যায় সিংহনাদ করি।।

মহাভারতের কথা সুধার ভাণ্ডার।
কাশীরাম দাস কহে, রচিয়া পয়ার।।

যুবনাশ্বগৃহে ভীমের আগমন

নৃপ হরষিত, অমাত্য সহিত,
করিলেক বিবেচনা।
আমার বৈভব, আর কত কব,
বিধি করিল ঘটনা।।
পাণ্ডুর তনয়, ভীম মহাশয়,
আসিবে আমার পুরে।
নগর শোভন, কর প্রজাগণ,
আনন্দ করি অন্তরে।।
পেয়ে নৃপাদেশ, ঘুচে সর্বক্লেশ,
করে পুরী সংস্কার।
ছড়াইল জল, করি সমস্থল,
ঘটে শোভে আত্মসার।।
নগর শোভন, কৈল প্রজাগণ,
চান্দোয়া চামর দোলে।
রাগ-তাল-ধরা, নাচিছে অঙ্গরা,
শত শত কুতূহলে।।
কুসুম চন্দন, লয়ে দ্বিজগণ,
দাঙাইল রাজপথে।
শঙ্খ বীণা বেণী, কাঁসী বাজে সানী,
আনন্দিত নগরেতে।।
ভূষা শোভে গায়, দেখিবারে ধায়,
বৃদ্ধ শিশু আর যুবা।
ভট্ট রায়বার, পড়িছে সুধার,
অমর নগর কিবা।।
পথেতে অম্বর, পাতে নরবর,

মহাভারত (অশ্বমেধ পর্ব)

ভীম আগমন আশে।

ঘট বহুতর, রাখিল সত্বর,
পথের উভয় পাশে।।

মূর্ত্তি যেন বিধু, যত কুলবধু,
রহিল গবাক্ষদ্বারে।

দেখি বৃকোদর, হরিষ অন্তর,
আর বৃককেতু বীরে।।

হেথা নৃপজায়া, হর্ষে পূর্ণকায়া,
ডাকি সহচরীগণে।

সবাই সুবেশা, করি বেষভূষা,
চলে ভীম দরশনে।।

হাতে হেমখালা, নৃপতি-মহিলা,
শুভসজ্জা তদুপরি।

পুরনারী যত, চৌদিকে বেষ্টিত,
ত্যজি যায় অন্তঃপুরী।।

রহি সিংহদ্বারে, শুভসজ্জা করে,
হেথা আসে বৃকোদর।

প্রবেশি পুরেতে, আনন্দিত চিতে,
দেখি পুরী মনোহর।।

আগে দ্বিজগণ, অগুরু চন্দন,
দিল ভীম মহাবীরে।

জিনি নরপতি, ভীমের মূর্ত্তি,
চারু গতি ধীরে ধীরে।।

নগরের রামা, দেখি তিন জনা,
দূর করে যত শোক।

রাম আগমনে, হরষিত মনে,
যেন অযোধ্যার লোক।।

এল রাজদ্বারে, তিন মহাবীরে,
করয়ে পটহ-ধ্বনি।

মহাভারত (অশ্বমেধ পর্ব)

মঙ্গলায়োজন, করি নির্মগ্ধন,
আনন্দ করিল রাণী।।
আপনি রাজন, আনি সিংহাসন,
বসাইল বৃকোদরে।
চামর ব্যজন, করে সখীগণ,
ভীমসেন-কলেবরে।।
কর্ণের নন্দনে, বসায় আসনে,
নির্মগ্ধ করিল সুখে।
ঘটোৎকচ-সুতে, হরষিত চিতে,
বসায় ভীম সম্মুখে।।
পূজিল পাণ্ডবে, পরম গৌরবে,
যুবনাশ্ব নৃপবর।
কহে কাশীদাস, কৃষ্ণপদে আশ,
কথা হয় মনোহর।।

যুবনাশ্ব রাজার হস্তিনা গমন ও শ্রীকৃষ্ণ দর্শন

বলেন বৈশম্পায়ন শুনহ নৃপতি।
এই বিবরণ কহিলাম তোমা প্রতি।।
জন্মোজয় বলিলেন শুন তপোধন।
এবে কহ যুবনাশ্ব রাজার কথন।।
ভীমেরে পূজিল রাজা অতি সমাদরে।
কহ সে কেমনে গেল হস্তিনা নগরে।।
কি কহিল নরপতি যুধিষ্ঠির স্থানে।
সে কথা শুনিব প্রভু তোমার বদনে।।

বলেন বৈশম্পায়ন, শুন জন্মোজয়।
সিংহাসনে বসিলেন ভীম মহাশয়।।
নানা উপহারে রাজা ভীমেরে তুষিল।
মহাসুখে বৃকোদর ভোজন করিল।।

তবে যুবনাশ্ব রাজা সম্প্রীতি পাইয়া।
ভীমের সম্মুখে রহে যোড়হাত হৈয়া।।
তোমার প্রসাদে দেখি গোবিন্দ চরণ।
যুধিষ্ঠির দর্শনে পাপ বিমোচন।।
গঙ্গাস্নান করিয়া দেখিব নারায়ণ।
শুন ভীমসেন মম এই নিবেদন।।
প্রভাত সময়ে রাজা দিলেন ঘোষণা।
কৃষ্ণ দর্শনে সব যাইব হস্তিনা।।
তবে যুবনাশ্ব রাজা আনন্দিত হৈয়া।
মায়ের নিকটে বলে প্রণাম করিয়া।।
চল গো জননি যাব হস্তিনানগরী।
গঙ্গাস্নান করি সবে দেখিব শ্রীহরি।।
ঘুচিবে সকল পাপ কৃষ্ণ দর্শনে।

বিলম্ব না কর মাতা চল ভীমসনে।।

এত যদি কহিলেন যুবনাশ্ব রাজ।
কহিতে লাগিল মাতা বুঝিয়া অকাজ।।
রাজার নন্দিনী হই আমি রাজরাণী।
দেশান্তরে যাব আমি কভু নাহি শুনি।।
ঘরে বাহির আমি না হই কখন।
কি বুঝিয়া বল বাপু কুৎসিত বচন।।

তবে যুবনাশ্ব বলে, শুন গো জননি।
থাকিলে অনেক ভাগ্য দেখে চক্রপাণি।।
কত জন্ম ফলেতে করয়ে গঙ্গাস্নান।
মরিলে গঙ্গার জলে পাইবে নিৰ্ব্বাণ।।
বধূগণ সঙ্গে লয়ে চলহ সত্বর।
দেখিবে পরমানন্দে হস্তিনানগর।।
শুভক্ষণে অশ্বেরে পালন কৈনু আমি।
দেখিব তুরগ হৈতে অখিলের স্বামী।।

পুত্রের শুনিয়া কথা বলিল আবার।
এতধর্ম না করিল জনক তোমার।।
একহুত্রে ভুঞ্জিলেক ভদ্রাবতীপুরী।
নানা যজ্ঞদান কৈল বলিতে না পারি।।
আমার সবা লয়ে কভু না গেল বিদেশে।
কৃষ্ণ নাম না শুনিবু থাকি গৃহবাসে।।
ও ধন সম্পত্তি বাপু রাখি যাব কোথা।
তোমার বচনে বড় মনে পাই ব্যথা।।
কৃষ্ণ দরশনে বাপু কিছু নাহি কাজ।
পুরীর বাহির হ'লে বড় হবে লাজ।।
না যাইব বাপু আমি কৃষ্ণ-দরশনে।
লোকমুখ গঙ্গা-কথা শুনি যে শ্রবণে।।

ক্রোধিত হৈল রাজা মায়ের বচনে।
পাত্রে বলিল লহ করিয়া যতনে।।
ভূপাদেশে পাত্র তারে বন্ধন করিল।
দিব্য চতুর্দোল করি তাহাকে লইল।।
চতুর্দোল করি তারে করিলেক স্কন্ধে।
মহাপাপে রাজমাতা উচ্চৈঃস্বরে কান্দে।।
দেখিয়া রাজার ভক্তি বীর কৃকোদর।
ধন্য ধন্য প্রশংসা করিল বহুতর।।
সেই অশ্ব লয়ে রাজা চলিল আপনি।
অগ্রে গেল কৃকোদর বড় অভিমানী।।
বৃষকেতু মেঘবর্গ নৃপতির সাথে।
প্রবেশ করিল গিয়া পুর হস্তিনাতে।।
একা ভীমে দেখিয়া কহেন নরপতি।
বৃষকেতু কোথা ভীম কহ শীঘ্রগতি।।
মেঘবর্গ বীর কোথা কহ সমাচার।
কোথায় যজ্ঞের অশ্ব না দেখি আমার।।
অশ্ব লয়ে যুবনাশ্ব আইসে আপনি।
কৃষ্ণ দরশন আসে শুন নৃপমণি।।
পরিবার সহিত আইসে নরপতি।
বৃষকেতু মেঘবর্গ লইয়া সংহতি।।
ভীমের বচনে আনন্দিত যুধিষ্ঠির।
কোল দিয়া ভীমসেনে চিত্ত করে স্থির।।

তবে যুধিষ্ঠির কহিলেন ভীমসেনে।
কহ গিয়া এই কথা দ্রৌপদীর স্থানে।।
যুবনাশ্বে পূজা করি আনহ মন্দিরে।
শুন ভীম এই ভার দিলাম তোমারে।।
আজ্ঞা প্রাপ্তে সত্বরে চলিল কৃকোদর।
কহিল সকল কথা দ্রৌপদী গোচর।।

কুন্তী যাজ্ঞসেনী আদি যত নারীগণ।
 স্বর্ণথালে করিল মঙ্গল আয়োজন।।
 ধূপ দীপ শঙ্খঘণ্টা আদি যত দ্রব্য।
 কুসুম চন্দন আর নিল হব্য গব্য।।
 নৃপতির অভিলাষ বুঝি নারায়ণ।
 দিব্যাসনে বসিলেন প্রসন্নবদন।।
 নানামত বাদ্য বাজে হস্তিনানগরে।
 ভীমসেন গেল যুবনাশ্বে আনিবারে।।
 হেনকালে যুবনাশ্ব আইল নগরে।
 ভীম তাঁরে আনিলেন মহা সমাদরে।।
 অগ্রভাগে দ্রৌপদী করিতে নির্মঞ্জুন।
 কুসুম চন্দন নিল নানা আয়োজন।।
 পরিবার সহিত গেলেন নরপতি।
 যুধিষ্ঠির চরণেতে করিল প্রণতি।।
 নানাদান যজ্ঞ করে যাঁর দরশনে।
 দেখিলাম নারায়ণ তোমার মিলনে।।
 ধন্য ধন্য যুধিষ্ঠির পাণ্ডুর নন্দন।
 তোমা হৈতে দেখিলাম গোবিন্দ চরণ।।

এত বলি যুবনাশ্ব গলে বস্ত্র দিয়া।
 ধরিল গোবিন্দ পদ ভূমে লোটাইয়া।
 লক্ষ দণ্ডবৎ কৈল গোবিন্দ চরণে।
 আনন্দেতে অশ্রু বহে রাজার লোচনে।।
 সুবেগ রাজার পুত্র ভূমিষ্ঠ হইয়া।
 কৃষ্ণপদ পরশিল দুই হস্ত দিয়া।।
 পরে রাজনারী আসি করিল প্রণাম।
 আশীর্বাদ সবারে দিলেন ঘনশ্যাম।।
 তবে যুবনাশ্ব রাজা মাতারে ধরিয়া।
 কৃষ্ণস্থানে কহিলেন বিনয় করিয়া।।

আমার মায়ের দোষ ক্ষম চক্রপাণি।
 আপনার গুণে কৃপা করহ আপনি।।
 জীবের জীবন তুমি সংসারের সার।
 তুমি না করিলে কৃপা কে করিবে আর।।
 পরম কারণ তুমি পতিত পাবন।
 তোমার দর্শনে মম পাপ বিমোচন।।
 হিংসা করি পুতনাও পাইল তোমারে।
 স্নেহগুণে তোমায় পাইল যুধিষ্ঠিরে।।
 কামভাবে ব্রজবধু পাইল তোমাকে।
 এ সকল কথা শুনিয়াছি মুনি মুখে।।
 মহাপাপকারিণী হে আমার জননী।
 আপনার গুণে কৃপা কর চক্রপাণি।।

তবে কৃপাদৃষ্টিতে চাহিয়া নারায়ণ।
 তাহার যতেক পাপ করেন মোচন।।
 তবে যুবনাশ্ব রাজা সম্প্রীতি পাইয়া।
 কৃষ্ণকে করেন স্তব যোড়হস্ত হইয়া।।
 তুমি ব্রহ্মা তুমি বিষ্ণু তুমি ত্রিলোচন।
 তুমি ইন্দ্র তুমি যম কুবের পবন।।
 তুমি স্বর্গ তুমি মর্ত্য তুমি সে পাতাল।
 তুমি জল তুমি স্থল দশদিকপাল।।
 তুমি দিবা তুমি রাত্রি পর্বত সাগর।
 তুমি যোগ তুমি ভোগ তুমি চরাচর।।
 মাস তুমি বার তুমি, তিথি পঞ্চদশ।
 গন্ধর্ব্ব কিন্নর তুমি, তুমি সে তাপস।।
 তোমায় মহিমা প্রভু কে বলিতে পারে।
 এই তত্ত্ব জানি আমি বিদিত সংসারে।।
 এক সুবর্ণেতে হয় নানা অলঙ্কার।
 একেলা ধরিলে কত শত অবতার।।

তোমার সকল সৃষ্টি সর্বমূল তুমি।
ব্রহ্মাদি না পায় তত্ত্ব কি বলিব আমি।।
ধন্য যুধিষ্ঠির রাজা পাণ্ডুর নন্দন।
দেখিলাম তোমা হৈতে অভয় চরণ।।
ধন্য বৃষকেতু বীর কর্ণের নন্দন।
যাহা হৈতে দেখিলাম গোবিন্দ চরণ।।
আমার যতক ভাগ্য বলিতে না পারি।
তোমার অভয় পদ দেখিণু মুরারি।।

এত বলি বাজী বাগ ধরি নৃপবর।
আনিল যজ্ঞের ঘোড়া কৃষ্ণের গোচর।।
হরিষে আছেন যুধিষ্ঠির নরবর।
দ্বারকায় চলিলেন দেব দামোদর।।
অপার মহিমা তাঁর কে কহিতে পারে।
দ্বারকায় গেলেন না কহি পাণ্ডবেরে।।
মহাভারতের কথা অমৃত সমান।
কাশীরাম দাস কহে শুনে পুণ্যবান।।

শ্রীকৃষ্ণের আদর্শনে যুধিষ্ঠিরের উদ্বেগ ও শ্রীকৃষ্ণের পুনরাগমন

হেথা যুধিষ্ঠির রাজা রজনী প্রভাতে।
ডাক দিয়া অর্জুনে আনেন সাক্ষাতে।।
একেলা অর্জুনে দেখি কহেন রাজন।
বলহ কিরীটি কোথা বিপদ ভঞ্জন।।
অর্জুন বলেন হরি ছিলেন সভায়।
তত্ত্ব নাহি জানি, তিনি আছেন কোথায়।।
ধর্ম বলিলেন কৃষ্ণ তোমার গোচরে।
সতত থাকেন ইহা বিদিত সংসারে।।
না বলিয়া গোবিন্দ গেলেন নিজালয়ে।
কি পাপ জন্মিল ভাই আমার হৃদয়ে।।
এত বলি অধোমুখে আছেন নৃপতি।
ভীম সহদেব তথা আইল ঝটিতি।।
ধৃতরাষ্ট্র বিদুর আইল দুইজন।
হেনকালে আসিলেন ব্যাস তপোধন।।
ব্যাসে দেখি যুধিষ্ঠির করেন প্রণতি।
আশীর্ব্বাদ করিলেন ব্যাস মহামতি।।
অবধান কর শুন মুনি মহামতি।
ঘোড়া আনিলেক ভীম করিয়া শকতি।।
বৃষকেতু মেঘবর্গ বিক্রম করিল।

সহ পরিবার রাজা আমারে ভজিল।।
আপনি আইল রাজা তুরঙ্গ লইয়া।
সম্প্রীতি পাইল রাজা আমারে দেখিয়া।।
মুনি কন যুধিষ্ঠির শুনহ বচন।
আর ভয় নাই যজ্ঞ কর আরম্ভন।।
নিমন্ত্রিয়া আন যত ঋষি মুনিগণে।
যজ্ঞ আরম্ভন কর আজি শুভক্ষণে।।
উত্তম মধ্যমাধম এ তিন প্রকার।
সবাই পালিবে ধর্ম যথাশক্তি যার।।
উত্তম যে লোক তার শুন ব্যবহার।
অহিংসা পরম ধর্ম ধর্মের কুমার।।
লোভ মোহ ক্রোধ ত্যজি কৃষ্ণ কর মতি।
উত্তম সে ভাগবত শুনে নরপতি।।
শত্রু মিত্র বলি তত্ত্ব কিছুই না জানে।
মধ্যম সে ভাগবত জানে সর্ব্বজনে।।
পরনারী পরদ্রব্য হরিবারে মন।
অধম বলিয়া তারে জানিবে রাজন্।।
চণ্ডাল করয়ে যদি বৈষ্ণবের কাজ।
মহাজন বলিয়া জানিবে মহারাজ।।

ব্রাহ্মণ করয়ে যদি চণ্ডালের কৰ্ম্ম।
 চণ্ডাল বলিয়া তারে জানিহ হে ধৰ্ম্ম।।
 যার যেই নিজ বৃত্তি করে যেই জন।
 ধৰ্ম্মবস্ত বলি তারে জানিবে রাজন।।
 নিজবৃত্তি ছাড়ি যেবা পরবৃত্তি করে।
 সেই সে অধৰ্ম্ম বলি জানাই তোমাৰে।।
 পিতৃকাৰ্য্য দেবকাৰ্য্য অতিথি সেবন।
 যে জন করয়ে সেই হয় মহাজন।।
 শুচি আর সত্যবাদী পালে নিজ ধৰ্ম্ম।
 ইহাৰ সমান আর নাহি কোন কৰ্ম্ম।।
 কহিলাম সংক্ষেপে শুনহ নরপতি।
 কৃষ্ণে আনি যজ্ঞ কর রাজা মহামতি।।
 এ বড় বিস্ময় মম উপজিল মনে।
 তোমাৰ সংহতি কৃষ্ণ নাহি দেখি কেনে।।
 যুধিষ্ঠিৰ গেলেন ছিলা চক্রপাণি।
 দ্বারকা গেলেন হরি তত্ত্ব নাহি জানি।।
 কৃষ্ণ না দেখিয়া মম উচাটন মন।
 না কহিয়া আমাৰে গেলেন নারায়ণ।।
 সেই হেতু আমি বড় ভয় করি মনে।
 না বলিয়া শ্রীকৃষ্ণ গেলেন কি কাৰণে।।
 ব্যাস বলিলেন রাজা শুনহ বচন।
 দ্বারকা গেলেন হরি আছে প্রয়োজন।।
 ভীমে পাঠাইয়া তুমি আনহ কৃষ্ণেৰে।
 আমি তপোবনে যাই তপ করিবারে।।
 এত বলি ব্যাস চলিলেন তপোবন।
 ভীমেৰে ডাকেন তবে ধৰ্ম্মেৰ নন্দন।।
 কৃষ্ণকে না দেখে মম মন উচাটন।
 কৃষ্ণ বিনা নাহি রহে আমাৰ জীবন।।
 ভীম বলিলেক যাই কৃষ্ণ আনিবারে।

কি কাৰণে দুঃখ তুমি ভাবহ অন্তরে।।
 রথ আরোহিয়া গেল দ্বারকা নেগরে।
 দূত জানাইল গিয়া গোবিন্দ গোচরে।।
 ভীম আগমন শুনি দেব নারায়ণ।
 আনন্দে কহেন আন করিয়া যতন।।
 ভোজন করিতে সুখে ছিলেন শ্রীহরি।
 ভীমে আনিলেন দূত সমাদর করি।।
 ভোজন করেন সুখে বসি নারায়ণ।
 হেনকালে উপনীত পবন নন্দন।।
 এস এস বলি কৃষ্ণ ডাকেন ভীমেৰে।
 দাসীগণ পাদ্য অর্ঘ্য যোগাইল তারে।।
 গোবিন্দ বলেন ভাই করহ ভোজন।
 রুক্মিণী আনিয়া দিল দিব্যান্ন ব্যঞ্জন।।
 ভোজন করেন ভীম মনের হরিষে।
 যত দেন তত খান আঁখিৰ নিমিষে।।
 ভীমেৰ ভোজন দেখি হাসে সত্যভামা।
 ধন্য তব উদর না দিতে পারি সীমা।।
 লজ্জিত হইয়া ভীম গোবিন্দ মায়ায়।
 না শুনিয়া সেই কথা আচাঁন তুরায়।।
 কর্পূর তাম্বুল শেষে করিয়া ভক্ষণ।
 বিচিত্র প্যলঙ্কোপরে করিল শয়ন।।
 ভীম বলে কৃষ্ণচন্দ্র নিবেদি তোমাৰে।
 দ্বারকা আইলে তুমি না কহি রাজাৰে।।
 তোমা না দেখিয়া রাজা দুঃখ পায় মনে।
 ব্যাস বলিলেলেন তাঁৰে যজ্ঞ আরম্ভনে।।
 আপনি তথায় চল যজ্ঞ দেখিবারে।
 আমাকে পাঠান রাজা লইতে তোমাৰে।।
 গোবিন্দ বলেন ভাই বঞ্চ এ রজনী।
 প্রভাতে ভেটিব গিয়া ধৰ্ম্ম নৃপমণি।।

এত বলি নারায়ণ করেন শয়ন।
নানা কথা কুতূহলে রজনী যাপন।।
রজনী প্রভাতে হরি বিচারি অন্তরে।
ডাক দিয়া আনিলেন দেব হৃদধরে।।
অক্রুর উদ্ধব আর বিজ্ঞ সৰ্ব্বজনে।
গদ শাস্ত্র প্রদ্যুনাতি যত যদুগণে।।
কৃষ্ণে প্রণমিয়া সবে বসিল আসনে।
গোবিন্দ বলেন কথা সবা বিদ্যমানে।।
অশ্বমেধ যজ্ঞ করিবেন যুধিষ্ঠির।
আসিলেক আমারে লইতে ভীম বীর।।
যজ্ঞ দেখিবারে আমি করিব গমন।
করিবে সকলে মেলি দ্বারকা রক্ষণ।।
রাখিয়া দ্বারকাপুরী সযত্ন হইয়া।
আমি যাব কৃতর্মা উদ্ধবে লইয়া।।
দারুক আনিল রথ সাজায়ে সত্বরে।
শুভক্ষণে চাপিলেন হরি তদুপরে।।
অগ্র হয়ে ভীমসেন আইল সত্বরে।
কৃষ্ণ আগমন কথা কহিল রাজারে।।
শুনিয়া আনন্দ বড় ধর্ম নরপতি।
চলিলেন কৃষ্ণেরে আনিতে শীঘ্রগতি।।
সহদেব নকুল অর্জুন মহামতি।
বিদুরাদি সৰ্ব্বজন চলিল সংহতি।।
যুবনাশ্ব নরপতি যায় তার সঙ্গে।
কৃষ্ণ আনিবারে চলে অতি বড় রঙ্গে।।
হেনমতে আনন্দিত নগরের জনা।
কৃষ্ণ দরশনে যান সকল হস্তিনা।।
অগ্রগামী যুধিষ্ঠির কৃষ্ণ আনিবারে।
হেনকালে শ্রীকান্ত আসিলেন নগরে।।
পদব্রজে আসিলেন ধর্ম নরপতি।

দেখিয়া ত্যজেন রথ কৃষ্ণ মহামতি।।
কি কব তুলনা যাঁর দিতে নারে বেদে।
সেই হরি প্রণমিল যুধিষ্ঠির পদে।।
আলিঙ্গন কৃষ্ণেরে দিলেন নরপতি।
হরিষে চলেন কৃষ্ণ পাণ্ডব সংহতি।।
যুধিষ্ঠির পুরে প্রবেশিলেন শ্রীজানি।
রাজসভা সুসজ্জা করেন নৃপমণি।।
সভাসদাগণ সব বসিল সভাতে।
হেনকালে ব্যাস আসিলেন ইচ্ছামতে।।
কৃষ্ণ দেখি মহামুনি আনন্দ অপার।
প্রশংসা করেন ধন্য পাণ্ডুর কুমার।।
যজ্ঞ হোম দানে যাঁরে না পার দেখিতে।
হেন কৃষ্ণ দেখিলাম তোমার সাক্ষাতে।।
এত বলি সভাতে বসিল মহামুনি।
হেনকালে প্রসঙ্গ করেন চক্রপাণি।।
শুন রাজা যুধিষ্ঠির আমার বচন।
উপস্থিত কর যত আছে আয়োজন।।
দেশে দেশে পাঠাইয়া আন হব্য গব্য।
যজ্ঞ করিবারে চাহি ভাল ভাল দ্রব্য।।
বিলম্ব না হয় আন দূত পাঠাইয়া।
যতনে রাখিবে দ্রব্য ভাঙরে পূরিয়া।।
রাজাকে কহেন তবে ব্যাস তপোধন।
বিলম্ব না কর রাজা কর আয়োজন।।
আমার বচন তুমি শুন নরনাথ।
অশ্বমেধ যজ্ঞে বহু হইবে উৎপাত।।
সাধু কর্মে আছে বাধক বহুতর।
কিন্তু তব সখা এই দেব দামোদর।।
অতএব উদ্বেগ না হবে নরপতি।
তোমাতে জিনিতে কার নাহিক শকতি।।

দূত পাঠাইয়া শীঘ্র কর আয়োজন।
আমন্ত্রণ করি আন দেব মুনিগণ।।
ব্যাসের বচনে রাজা অর্জুনে ডাকেন।
যজ্ঞ আয়োজন হেতু যতনে কহেন।।
অর্জুন নিযুক্ত করিলেন যদুগণে।
নানা দ্রব্য আনে তারা পরম যতনে।।
পুরী পরিস্কার করে কত শত জন।
যজ্ঞের মণ্ডপ কেহ করয়ে গঠন।।
দধিকুল্য ঘৃতকুল্য দুগ্ধ সরোবর।

ত্রিবিধ করিল কত দেখিত সুন্দর।।
দধি সরোবর করে অতি মনোহর।
আয়োজনে পূর্ণ কৈল সকল ভাণ্ডার।।
কৃষ্ণ যাহে তুষ্ট তাহা হইল আপনি।
আইল কতেক দ্রব্য সংখ্যা নাহি জানি।।
কৃষ্ণ সঙ্গে যুধিষ্ঠির আছেন সভাতে।
হেনকালে উৎপাত হইল আচম্বিতে।।
মহাভারতের কথা অমৃত সমান।
কাশীরাম দাস কহে শুনে পুণ্যবান।।

অনুশাস্বের যুদ্ধ

জিজ্ঞাসেন জনোজয়, ওহে মহামুনি।
কহ দেখি কি উৎপাত, তব মুখে শুনি।।
বলেন বৈশম্পায়ন, শুনহ রাজন।
আরম্ভ না হতে যজ্ঞ যুদ্ধের পতন।।
অনুশাল্ব নামে এক দৈত্যের ঈশ্বর।
কৃষ্ণের উদ্দেশে আসে হস্তিনা নগর।।
গজ বাজী রথ রথী সেনাগণ লৈয়া।
বহু সৈন্যে অনুশাল্ব আইল সাজিয়া।।
বেড়িল হস্তিনাপুরী শঙ্কা নাহি করে।
হাট বাট বেড়িল পদাতি থরে থরে।।
উচ্চৈঃস্বরে ডাকে দৈত্য কোথা গদাধর।
পলায়ে আইলে মোর মারি সহোদর।।
আজি তোমা বিনাশিব, ইথে নাহি আন।
পাণ্ডবে শরণ নিলে রাখিবারে প্রাণ।।
পলাইয়া আইলে হে দ্বারকা ছাড়িয়া।
হস্তিনা আইনু আমি তোমার লাগিয়া।।
এত বলি অনুশাল্ব কহে সৈন্যগণে।
কৃষ্ণকে মারিব আমি আজিকার রণে।।

ভয় না করিহ কেহ করিতে সংগ্রাম।
আমার বিপক্ষ বড় দেব ভগবান।।
আজি কৃষ্ণে আমি যদি দেখিবারে পাই।
ক্ষণমাত্রে বিনাশিব, শুনহ সবাই।।
যতনে করহ সবে কৃষ্ণ অশ্বেষণ।
লুকাইল মোর ডরে যাদব-নন্দন।।
যে মোরে দেখাবে কৃষ্ণ সংগ্রাম ভিতরে।
নানা ধন দিয়া তুষ্ট করিব তাহারে।।
কৃষ্ণকে জিনিয়া আমি যত ধন পাব।
সত্য করি কহিলাম, সব তারে দিব।।
যে আমারে দেখাইবে, গোপের নন্দনে।
সেই সে পরম বন্ধু, শুন সর্ব্বজনে।।
এত অহঙ্কার করি প্রবেশে নগরে।
দূত গিয়া সমাচার কহে যুধিষ্ঠিরে।।
অনুশাল্ব দৈত্য আসি বেড়িল নগর।
অহঙ্কারে আসিতেছে করিতে সমর।।
কুবচন কহিলেক কত নারায়ণে।
সে সকল কথা রাজা না শুনি শ্রবণে।।

দূতের বচনে যুধিষ্ঠির নরপতি।
 সংগ্রাম করিতে আজ্ঞা দেন শীঘ্রগতি।।
 কৃষ্ণ-নিন্দা শুনি সব পাণ্ডবের গণ।
 দৈত্যের সহিত যায় করিবারে রণ।।
 সহদেব নকুল আর যে ভীমবীর।
 অর্জুন গাণ্ডীব লয়ে সাজিলেন ধীর।।
 মেঘবর্গ আর সাজে সুবেগ কুমার।
 নানা অস্ত্র লইয়া যতেক পরিবার।।
 নানা অস্ত্র লয়ে তবে পাণ্ডবের গণ।
 দৈত্যের সম্মুখে আসি দিল দরশন।।
 সৈন্য দেখি অনুশাল্য বলে উচ্চৈঃস্বরে।
 কোথা কৃষ্ণ সৈন্য সব, দেখাহ আমারে।।
 কোথা গেল গোপ উগ্রসেন-অনুচর।
 আইস আমার সঙ্গে করিতে সমর।।
 পাণ্ডব সহিত আমি যুদ্ধ নাহি করি।
 প্রতিজ্ঞা আমার আছে মারিব শ্রীহরি।।
 এত যদি অনুশাল্য বলিল বচন।
 তাহা শুনি কুপিত হইল সর্বজন।।
 রণে প্রবেশিল সবে ধনু টঙ্কারিয়া।
 দৈত্যকে বিক্ষিণ বাণ আকর্ণ পূরিয়া।।
 ভীম সহদেব দোঁহে ধনুক পাতিল।
 দেখি অনুশাল্য দৈত্য গর্জিত্তে লাগিল।।
 কুপিত হইয়া তবে দৈত্যের ঈশ্বর।
 ভীম সহদেবে বিক্ষি করিল জর্জর।।
 দৈত্য-শরে অচেতন হৈল দুই বীর।
 সহিতে নারিল রণে, হইল অস্থির।।
 ভয়ে ভঙ্গ দিল দোঁহে পরিহরি রণ।
 মার মার ডাক ছাড়ে দৈত্য-সেনাগণ।।
 দৈত্যের বিক্রম দেখি বীর ধনঞ্জয়।

লোহিত লোচন অতি কুপিত হৃদয়।।
 মহাক্রোধে পার্থ বীর করেন সমর।
 তাহা দেখি ডাকে তবে দৈত্যের ঈশ্বর।।
 শুনহ অর্জুন তুমি আমার বচন।
 তোমার প্রতিজ্ঞা যত জগতে ঘোষণ।।
 অম্বারে জিনিতে তব নাহিক শক্তি।
 সংগ্রাম করিব আমি শ্রীকৃষ্ণ সংহতি।।
 আমার বিবাদ-যোগ্য দেব নারায়ণ।
 তোমার সহিত আমি না করিব রণ।।
 অশক্ত জনের সনে না করি সংগ্রাম।
 তুলারাশি দেখি আমি তব যত বাণ।।
 এত যদি ডাকিয়া বলিল দৈত্যেশ্বর।
 কহিলেন কুপিয়া গাণ্ডীবী ধনুর্ধর।।
 কি বলিলি ওরে মূঢ়, নাহি তোর জ্ঞান।
 আমি কি সংগ্রামে নহি তোমার সমান।।
 খাণ্ডব দহিয়া আমি তুমি অনুলে।
 নিবাতকবচগণে জিনি নিপাতালে।।
 আমার সংগ্রামে তুষ্ট হইলা ঈশান।
 চিত্ররথ গন্ধর্বেরে কৈনু অপমান।।
 ভীষ্ম দ্রোণ কর্ণ আদি যত কুরুসেনা।
 সবারে জিনিয়া আমি রাখি নি ঘোষণা।।
 তোর সম নাহি পাপী, শুন রে বর্ষর।
 কৃষ্ণের সহিত চাহ করিতে সমর।।
 বামন হইয়া চাহ চন্দ্রমা ধরিতে।
 আমি তোমা বিনাশিব আজি সমরেতে।।
 যদ্যপি আমার হাতে পাও অব্যাহতি।
 তবে সে করিহ যুদ্ধ শ্রীকৃষ্ণ সংহতি।।
 ইহা বলি অর্জুন গাণ্ডীব লয়ে করে।
 অগ্নিবাণ মারিলেন দৈত্যের উপরে।।

ক্রুদ্ধ হৈল অনুশালু অর্জুনের বাণে।
 সংগ্রাম করয়ে বীর কঠোর সন্ধানে।।
 অর্জুনের যত বাণ নিবারিল শরে।
 দুই বীরে মহাযুদ্ধ সংগ্রাম ভিতরে।।
 বরুণাস্ত্র সন্ধানিল বীর ধনঞ্জয়।
 বায়ুবাণে নিবারিল দৈত্য দুরাশয়।।
 মারেন বরুণবাণ ইন্দ্রের নন্দন।
 অগ্নিবাণে দৈত্য বীর করে নিবারণ।।
 সর্পবাণ এড়িল অর্জুন মহামতি।
 গরুড়াস্ত্রে সংহার করিল দৈত্যপতি।।
 অর্দ্ধচন্দ্র বাণ এড়েন শ্বেতবাহন।
 ক্ষুরপা বাণেতে দৈত্য করে নিবারণ।।
 হেনমতে অর্জুনের যত অস্ত্র ছিল।
 অনুশালু দৈত্য তাহা বাণে নিবারিল।।
 হেনমতে অর্জুনের যত অস্ত্র ছিল।
 অনুশালু দৈত্য তাহা বাণে নিবারিল।।
 জিনিতে না পারিলেন ইন্দ্রের তনয়।
 দৈত্যের সমরে বড় উপজিল ভয়।।
 তবে অনুশালু দৈত্য বিচারিয়া মনে।
 অর্জুনে বিক্ষিপ্ত বীর এক লক্ষ বাণে।।
 মূর্ছিত হইয়া রথে পড়েন কিরীটি।
 তাহা দেখি ভঙ্গ দিল সেনা কোটি কোটি।।
 কৃতবর্মা সাত্যকি সুবেগ ধনুর্ধর।
 অনুশালু সহ গেল করিতে সমর।।
 বাণাঘাতে বীর সব অচেতন হৈল।
 সংগ্রাম ত্যজিয়া সবে রণে ভঙ্গ দিল।।
 যুবনাশ্ব রাজা তবে প্রবেশিল রণে।
 অনেক সংগ্রাম কৈল অনুশালু সনে।।
 দৈত্যবাণে নরপতি হইয়া জর্জর।

প্রাণভয়ে পলাইল ত্যজিয়া সমর।।
 গদ শালু আদি করি যত বীর ছিল।
 অনুশালু দৈত্য সহ অনেক যুঝিল।।
 জিনিতে নারিল যুদ্ধে প্রাণপণ করি।
 ভয়ে পলাইল সবে রণ পরিহরি।।
 চিন্তিত পাণ্ডব-সৈন্য দৈত্যের প্রহারে।
 প্রাণ লয়ে গেল সবে কৃষ্ণের গোচরে।।
 সংগ্রাম-বৃত্তান্ত যত কৃষ্ণেরে কহিল।
 তাহা শুনি শ্রীকৃষ্ণের দয়া উপজিল।।
 দৈত্য-যুদ্ধে পার্থ বীর হইল কাতর।
 শুনিয়া ঈষৎ হাসিলেন গদাধর।।
 হাতে পান করি বলে দেব নারায়ণ।
 অনুশালু দৈত্যে ধরি দিবে যেই জন।।
 আসিয়া লউক পান আমার গোচরে।
 ঘুষিবে তাহার যশ জগৎ ভিতরে।।
 বীরপুঞ্জ সমক্ষেতে কহিলাম আমি।
 ঘুষিতে থাকুক তার যশের কাহিনী।।
 ইহা শুনি প্রদ্যুম্ন সাহসে করি ভর।
 লইতে কৃষ্ণের পান সবার ভিতর।।
 অঙ্গীকার করিলেক কৃষ্ণের সাক্ষাতে।
 সাজিল মকরধ্বজ দৈত্যকে মারিতে।।
 ধনুর্বাণ নানা অস্ত্র নিল যুদ্ধ হেতু।
 সুসজ্জ হইয়া রথে চড়ে মীনকেতু।।
 অনুশালু দৈত্য যথা আছয়ে সমরে।
 তথাকারে গেল বীর যুদ্ধ করিবারে।।
 সৈন্যেতে বেষ্টিত হয়ে আইল অনঙ্গ।
 দুই বীরে দেখাদেখি হৈল বড় রঙ্গ।।
 আকর্ণ পূরিয়া কাম পূরিল সন্ধান।
 অনুশালু হৃদয়ে মারিল দশ বাণ।।

বাণাঘাতে দ্রুন্ধ হৈল দৈত্য-অধিপতি।
 ডাক দিয়া প্রদ্যুম্নেরে বলে শীঘ্রগতি।
 যুঝিতে আইলে তুমি লয়ে ধনুর্বাণ।
 দেখিলে না সংগ্রামে বীরের ভঙ্গীয়ান।।
 সম্মুখ হইয়া যদি যুঝ মোর সনে।
 তবে পাঠাইব তোমা যমের সদনে।।
 চোরবংশে জন্ম তোর, জানহ চাতুরী।
 গোপঘরে তোর বাপ ননী কৈল চুরী।।
 উদুখলে নন্দজায়া বান্ধিল তাহারে।
 মিথ্যা নহে এই কথা বিদিত সংসারে।।
 গোপিকার বসন হরিল যে শ্রীহরি।
 রুক্মিণীকে তোর বাপ আনে চুরি করি।।
 কপট করিয়া সে মারিল যত জনে।
 না বুঝি অবোধ লোক তাহারে বাখানে।।
 কিন্তু সে সকল কর্ম্ম নারিব করিতে।
 আমি তোরে যমঘরে পাঠাব নিশ্চিত।।
 এতেক বচনে কাম দ্রুন্ধ হৈল মনে।
 যুড়িল সহস্র বাণ ধনুকের গুণে।।
 আকর্ণ পূরিয়া মারে দৈত্যের উপরে।
 অনুশাল্য দৈত্য তাহা নিবারিল শরে।।
 তবে দৈত্য শত বাণ পূরিল সন্ধান।
 আকর্ণ পূরিয়া কামে মারিলেক বাণ।।
 বাণেতে কাটিল সব কৃষ্ণের কুমার।
 তাহা দেখি দৈত্য-কেপি বাড়িল অপার।।
 দিব্য অস্ত্র ধনুকে যুড়িল দৈত্যপতি।
 প্রদ্যুম্নে মারিল বাণ করিয়া শকতি।।
 সারথি সহিত উড়াইল রথখান।
 পড়িল প্রদ্যুম্ন গিয়া কৃষ্ণ-বিদ্যমান।।
 কামদেব দেখি ক্রোধ হৈল গদাধরে।

লাথি মারিলেন তার মস্তক উপরে।।
 দৈত্য-বাণে অচেতন ছিল শম্বরারি।
 চেতন পাইল বীর পরশিতে হরি।।
 তবে কৃষ্ণ কহিলেন প্রদ্যুম্নে চাহিয়া।
 রণে ভঙ্গ দিলে তুমি মম পুত্র হৈয়া।।
 শুন রে পামর পুত্র তুমি কুলাধম।
 তোমা হৈতে কলঙ্ক হইল অনুপম।।
 প্রাণভয়ে পলাইলি ত্যজিয়া সংগ্রাম।
 কিসের কারণে হেন রাখহ পরাণ।।
 আমার সম্মুখে গেলে করি অহঙ্কার।
 রণে ভঙ্গ অপযশ ঘুষিবে সংহার।।
 ইহা যদি নারায়ণ কহিলেন ক্রোধে।
 অধোমুখে রহে কাম মনের বিষাদে।।
 পুত্র-অপমান দেখি দুঃখিতা রুক্মিণী।
 চিন্তিত হইলেন যুধিষ্ঠির নৃপমণি।।
 অর্জুন আসিয়া তবে প্রদ্যুম্নে তুলিল।
 এ কর্ম্ম উচিত নহে, কৃষ্ণকে কহিল।।
 যুদ্ধে জয় পরাজয় আছে সবাকার।
 আপনি জানহ কৃষ্ণ সংসারের সার।।
 গরুড়ে চাপিয়া তবে গেলেন শ্রীহরি।
 প্রবেশ করেন রণে গদা চক্র ধরি।।
 কৃষ্ণে হেরি হরষিত হৈল দৈত্যপতি।
 নানা অস্ত্র লয়ে যুঝে কৃষ্ণের সংহতি।।
 শত শত বাণ দৈত্য কৈল অবতার।
 চক্রে নাশিলেন তাহা দেবকী-কুমার।।
 তবে গদা সন্ধান পূরিল নারায়ণ।
 প্রাণভয়ে পলাইল দৈত্য-সেনাগণ।।
 সৈন্য ভঙ্গ দেখিয়া কুপিল দৈত্যেশ্বর।
 ধনু ধরি যুদ্ধ করে কৃষ্ণের গোচর।।

অপার মহিমা কৃষ্ণের জানে কোন্ জন।
 দৈত্যসহ করিলেন ঘোরতর রণ।।
 দৈত্যশরে জর্জরিত হয়ে দেব হরি।
 রহিতে না পারিলেন গরুড় উপরি।।
 জর্জর হইল বাণে বিনতা-নন্দন।
 দৈত্যশরে কাতর অত্যন্ত নারায়ণ।।
 ক্রোধে অনুশালু দৈত্য গদা লয়ে হাতে।
 সক্রোধে মারিল গদা গরুড়ের মাথে।।
 মোহ গেল, পক্ষীরাজ পলায় সত্বরে।
 কৃষ্ণেরে লইয়া গেল ধর্মের গোচরে।।
 অচেতন নারায়ণ গরুড় উপরে।
 তা দেখি জনিল ভয় রাজা যুধিষ্ঠিরে।।
 চিন্তাকুল হৈল বড় পাণ্ডবের গণ।
 রণে ভঙ্গ দিয়া আইলেন নারায়ণ।।
 এই অমঙ্গল কথা শুনিয়া রুক্মিণী।
 কৃষ্ণের সম্মুখে আসি কহে প্রিয়বাণী।।
 বুঝিতে পরের দুঃখ কেহ নাহি জানে।
 ফলিল আপন অঙ্গে, জ্ঞান হয় মনে।।
 যুদ্ধ করি কামদেব হৈল হীনবল।
 পলাইল সারথি, পাইলে তুমি ছল।।
 চরণ-প্রহারে তারে কৈলে অপমান।
 তুমি কেন ভয়ে ভঙ্গ দিলে ভগবান।।
 দৈত্য-যুদ্ধ সহিবারে না পারিলে তুমি।
 প্রদ্যুম্নে মারিলে লাথি, কি বলিব আমি।।
 ঈষৎ হাসেন কৃষ্ণ রুক্মিণী-বচনে।
 হেনকালে ভীমসেন কহে নারায়ণে।।
 মোর এক নিবেদন শুন চক্রপাণি।
 হাসিয়া কলঙ্ক ঘুচাইতে চাহ তুমি।।
 না বুঝিয়া প্রদ্যুম্নে করিলে তিরস্কার।

রণভঙ্গ-কথা আমি শুনিনু তোমার।।
 তবে যুধিষ্ঠির রাজা ব্যাসে জিজ্ঞাসিল।
 দৈত্য-যুদ্ধে নারায়ণ কেন ভঙ্গ দিল।।
 ব্যাস বলিলেন, শুন ধর্মের নন্দন।
 অনন্ত-মহিমা কৃষ্ণ, বুঝে কোন জন।।
 ব্রাহ্মণের বাক্য কৃষ্ণ সত্য করিবারে।
 রণে ভঙ্গ দিয়া যান পুরীর ভিতরে।।
 গর্গমুনি অভিশাপ দিল নারায়ণে।
 অপমান পাবে তুমি অনুশালু-রণে।।
 সে কারণে রণে ভঙ্গ দিলেন শ্রীহরি।
 শুন রাজা, তোমারে কহিনু সত্য করি।।
 নহে কি কৃষ্ণের ভঙ্গ আছয়ে সংগ্রামে।
 উৎপত্তি প্রলয় হয় যাঁহার বচনে।।
 যন্ত্রের আকার প্রাণী, শুনহ রাজন।
 বেদশাস্ত্রে বাখানিল যন্ত্রী নারায়ণ।।
 ব্যাসের বচনে তাঁর বিস্ময় ঘুচিল।
 দৈত্য-সিংহনাদে মনে ভয় উপজিল।।
 হেনকালে বৃষকেতু রাজার সাক্ষাতে।
 অহঙ্কার করি বীর বলে যোড়হাতে।।
 আজ্ঞা দেহ, যাব আমি করিতে সমর।
 দৈত্যকে বান্ধিয়া আনি তোমার গোচর।।
 কৃষ্ণের প্রসাদে আমি জিনিব সমর।
 ভয় নাই, আজ্ঞা দেহ, শুন নৃপবর।।
 দৈত্য-সিংহনাদ আর না পারি সহিতে।
 আজ্ঞা দেহ, যাই আমি সংগ্রাম করিতে।।
 যুধিষ্ঠির বলিলেন, শুন বাছাধন।
 তোমারে পাঠাই, হেন নাহি লয় মন।।
 রণে ভঙ্গ দিল যবে স্বয়ং যদুপতি।
 কিমতে জিনিবে তুমি সে দুষ্ট দুর্মতি।।

ভীমার্জুন সহদেব কামদেব আর।
 না পারিল সহিবারে পরাক্রম যার।।
 তুমি শিশু হয়ে যুদ্ধ করিবে কেমনে।
 তাই বৃষকেতু আমি ভয় পাই মনে।।
 কর্ণশোক পাসরিণু তোমাকে দেখিয়া।
 সমরে নাহিক কাজ থাকহ বসিয়া।।
 বৃষকেতু বলে, মোর ভয় নাহি মনে।
 আজ্ঞা দেহ, যুদ্ধ আমি করি তার সনে।।
 তবে অনুমতি দেন রাজা যুধিষ্ঠির।
 ধনুর্বাণ হাতে করে যান মহাবীর।।
 সিংহনাদ করি সাজে বীর বৃষকেতু।
 গোবিন্দে প্রণমি চলে যুঝিবারে হেতু।।
 ধর্মরাজে প্রণমিল আর চারি জনে।
 সিংহনাদ করি বীর প্রবেশিল রণে।।
 ধনুর্বাণ হাতে করি কর্ণের কুমার।
 দৈত্যের সম্মুখে বীর বলে মার মার।।
 শত শত বাণ বীর এড়ে একবারে।
 অগ্নি হেন বাণ বিক্রে দৈত্যের শরীরে।।
 বাণে বাণ নিবারিল দৈত্য-মহামতি।
 হেনমতে দোঁহে কৈল অনেক শকতি।।
 তবে বৃষকেতু বীর কর্ণের নন্দন।
 হৃদয়ে ভাবনা কৈল অভয়-চরণ।।
 কৃষ্ণপদ ধ্যান করি যুড়িলেক শর।
 বাণাঘাতে মূর্ছাপন্ন দৈত্যের ঈশ্বর।।
 মূর্ছাগত অনুশালু হরিল চেতন।
 ধাইয়া ধরিল তারে কর্ণের নন্দন।।
 অনুশালু দৈত্যেশ্বরে ধরিয়া ত্বরিতে।
 আনিয়া দিলেক শীঘ্র ধর্মের অগ্রেতে।।
 ধন্য ধন্য বৃষকেতু করিয়া বাখান।

ধর্মপুত্র দেন তারে আলিঙ্গন দান।।
 যুদ্ধেতে রাখিলে তুমি আপনার যশ।
 বৃষকেতু-গুণে কৃষ্ণ হিইলেন বশ।।
 ভীমার্জুন সহদেব প্রীতি পায় মনে।
 আলিঙ্গন দিল সবে কর্ণের নন্দনে।।
 তবে অনুশালু দৈত্য পাইল চেতন।
 মায়া ঘুচাইল তার কমললোচন।।
 দিব্যজ্ঞান দেন তবে দৈত্যের ঈশ্বরে।
 কৃষ্ণে দেখি দৈত্যরাজ দণ্ডবৎ করে।।
 প্রণমিয়া কহে দৈত্য যোড় করি হাত।
 প্রসন্ন হইবে মোরে দেব জগন্নাথ।।
 ধন্য ধন্য বৃষকেতু কর্ণের নন্দন।
 বান্ধিয়া আনিল মোরে করিয়া যতন।।
 সে কারণে দেখিলাম চরণ তোমার।
 সফল হইল জন্ম আজি যে আমার।।
 যে চরণ হইতে আইল ভাগীরথী।
 যে চরণ পরশে সানন্দা বসুমতী।।
 যে চরণ সতত ভাবয়ে যোগিগণ।
 সে পদ দেখিণু, মোর সফল জীবন।।
 ধন্য যুধিষ্ঠির তুমি ধর্মের কুমার।
 কৃষ্ণ দরশন পাই মিলনে তোমার।।
 আমার অনেক ভাগ্য জন্মে জন্মে ছিল।
 সে কারণে কৃষ্ণ-পাদপদ্ম দেখা গেল।।
 মদে মত্ত হইয়া আমি করিলাম রণ।
 অপরাধ না লইবে ধর্মের নন্দন।।
 তুমি দোষ ক্ষমা কৈলে আর নাহি ভয়।
 প্রসন্ন হবেন মোরে কৃষ্ণ মহাশয়।।
 দৈত্যের বচনে কহিছেন ধর্মরাজ।
 শুন দৈত্য ক্ষমিলাম তোমার অকাজ।।

এত বলি প্রসাদ দিলেন নরপতি।
ধর্মরাজে দৈত্যরাজ করিল প্রণতি।।
দৈত্যকে কহেন ধর্ম মধুর বচনে।
বিদায় দিলাম আমি, যাহ নিকেতনে।।
তবে অনুশাল্য বলে করি যোড়হাত।
দেশে না যাইব আমি পাণ্ডবের নাথ।।
থাকিব তোমার সঙ্গে হস্তিনা নগরে।
সতত দেখিতে পাব দেব গদাধরে।।
রাজ্য ধনে মম কিছু নাহি প্রয়োজন।
আজ্ঞা কর, কি করিব ধর্মের নন্দন।।
যুধিষ্ঠির বলিলেন, শুন দৈত্যেশ্বর।
অর্জুন সহিত তুমি যাইবে সত্বর।।

রাখিবে যজ্ঞের ঘোড়া করিয়া শকতি।
এই ভার তোমাতে দিলাম দৈত্যপতি।।
তুমি আর যুবনাশ্ব অর্জুন সহিত।
রাখিবে যজ্ঞের ঘোড়া হয়ে অবহিত।।
তাহা শুনি অনুশাল্য আনন্দিত মন।
নিজ সৈন্য আনিলেক করিয়া সাজন।।
অশ্ব রাখিবারে দৈত্য কৈল অঙ্গীকার।
তাহা শুনি প্রীতি পান ধর্মের কুমার।।
এই বিবরণ কহি তোমার গোচর।
আর কি শুনিতে ইচ্ছা, কহ নৃপবর।।
ভারতে অমৃত-কথা আনন্দ লহরী।
কাশী কহে, শুন যদি যাবে ভবে তরি।।

অশ্বমেধ যজ্ঞের উদ্যোগ

জন্মোজয় কহিলেন কহ মহামুনি।
যজ্ঞের আরম্ভ কথা অপূর্ব কাহিনী।।
অর্জুন গেলেন যদি অশ্ব রাখিবারে।
ভ্রমণ করিল ঘোড়া পৃথিবী ভিতরে।।
ধরিয়া রাখিল ঘোড়া কোন্ বলবান।
কার সহ কি প্রকার সংগ্রাম বিধান।।
আমাকে সে সব কথা কহ তপোধন।
তোমার প্রসাদে শুনি পূর্ব বিবরণ।।
বলেন বৈশম্পায়ণ শুন জন্মোজয়।
অশ্ববেধ শ্রবণেতে পাপ নষ্ট হয়।।
বলিলেন ব্যাস তবে ধর্মরাজ প্রতি।
মুনি ঋষি আমন্ত্রিয়া আন শীঘ্রগতি।।
আরম্ভ করহ যজ্ঞ মধু পূর্ণিমাতে।
যজ্ঞের সামগ্রী তুমি আনহ ত্বরিতে।।
ব্যাসের বচনে রাজা ভীমে পাঠাইয়া।

ঋষি মুনি ব্রাহ্মণেতে অনেক ধরিয়া।।
পাণ্ডবের আমন্ত্রণ প্রাপ্তে মুনিগণ।
হস্তিনানগরে আসি দিল দরশন।।
পাদ্য অর্ঘ্যে যুধিষ্ঠির করিয়া পূজন।।
বসিলেন যুধিষ্ঠির কৃষ্ণকে স্মরিয়া।
ভীমার্জুন সহদেব নকুল লইয়া।।
অনুচরে আয়োজন সব যোগাইল।
যজ্ঞের মণ্ডপে যব যতনে থুইল।।
বেদের বিধানে মঞ্চ করিল নির্মাণ।
আশী হাত গর্ভ সেই সুন্দর গঠন।।
শাস্ত্রমত কুণ্ড শত হাত পরিসর।
নির্মাইল যজ্ঞবেদী পরম সুন্দর।।
সুবর্ণ রচিত ঘট অরোপিল তাতে।
পুষ্পঝারা বান্ধিল চান্দোয়া চারিভিতে।।
দ্রৌপদীর সহিত ধর্মরাজ করি স্নান।

করিলেন দোঁহে শুকুবস্ত্র পরিধান।।
 বেদধ্বনি করিলেন সর্ব মুনিগণ।
 ধৌম্য পুরোহিত করে বেদ উচ্চারণ।।
 সঙ্কল্প করেন শুভক্ষণে নরপতি।
 তবে ব্যাসদেব নৃপে দেন অনুমতি।।
 ব্রাহ্মণ বরণ কর বসন ভূষণে।
 তুরায় আনহ অশ্ব যজ্ঞ সন্নিধানে।।
 ব্যাসের বচনে রাজা সানন্দ হইয়া।
 আনাইল তুরঙ্গকে যজ্ঞে সাজাইয়া।।
 আসন বসন সব কনকে রচিত।
 সুবর্ণের থালি ঝারি মণিতে খচিত।।
 বিংশতি সহস্র বিপ্রে করিছে বরণ।
 প্রত্যক্ষ সবারে দেন আসন ভূষণ।।
 বরণ পাইয়া চিত্তে আনন্দিত মনে।
 বসিল সকল দ্বিজ যজ্ঞ আরম্ভনে।।
 দ্রৌপদী সহিত ব্রতী হইল রাজন।
 মধুপূর্ণিমাতে হৈল যজ্ঞ আরম্ভন।।
 সর্ব সুলক্ষণ ঘোড়া আনিয়া সত্বর।
 প্রক্ষালেন দুই পদ ধর্ম নরবর।।
 কুসুম চন্দনে ঘোড়া করিল ভূষণ।
 বান্ধিলেন অশ্বভালে সুবর্ণ দর্পন।।
 যুধিষ্ঠির নিজ নাম লিখেন দর্পণে।
 পৃথিবী ভ্রমিবে ঘোড়া আপনার মনে।।
 যদি কেহ বীর থাকে পৃথিবী ভিতরে।
 ধরিলে যজ্ঞের ঘোড়া জিনিব তাহারে।।
 নিজ বলে ছাড়াইয়া তুরগ আনিব।
 তবে অশ্বমেধ যজ্ঞে সঙ্কল্প করিব।।
 অশ্বভালে দর্পণেতে এ সব লিখিল।
 ঘোটক অঙ্গেতে নানা অলঙ্কার দিল।।

কুন্তী আর গান্ধারী প্রভৃতি যত নারী।
 হুলাহুলি মঙ্গল করিল আগুসরি।।
 সত্যভামা আমি যত কৃষ্ণের রমণী।
 মঙ্গল বিধানে অশ্ব পূজিল তখনি।।
 ধনঞ্জয়ে ডাকিয়া বলিল নরবর।
 অশ্ব রক্ষা হেতু ভাই সাজহ সত্বর।।
 আমি ব্রতী হইয়া রহিব যজ্ঞস্থানে।
 দিবানিশি দ্রৌপদী সহিত একাসনে।।
 অসিপত্র ব্রত আচরণে দিব মন।
 যতনে করিও ভাই ঘোটক রক্ষণ।।
 অশ্ব চুরি হৈলে যজ্ঞ সাজ নাহি হবে।
 ব্রত নষ্ট হবে আর কলঙ্ক রটিবে।।
 শুনিয়াছি মুনি মুখে এ সব কথন।
 অশ্বহারা হয়ে দুঃখ পায় কত জন।।
 যতনে রাখিবে অশ্ব বীর ধনঞ্জয়।
 পৃথিবী ভ্রমিলে ঘোড়া কার্য্য সিদ্ধি হয়।।
 নকুল থাকিবে মাত্র আমার সংহতি।
 সঙ্গেতে লইয়া যাও যত সেনাপতি।।
 খাণ্ডব দহিয়া তুমি তুষিলে অনলে।
 নিবাত কবচ বিনাশিলে বাহুবলে।।
 চিত্ররথ গন্ধর্বে করিলে অপমান।
 ভীষ্ম দ্রোণ কর্ণ সহ করিলে সংগ্রাম।।
 অর্জুন বলেন রাজা চিন্ত অকারণে।
 আমারে জিনিতে বীর নাহি ত্রিভুবনে।।
 পৃথিবী ভ্রমিয়া আমি তুরঙ্গ আনিব।
 যদি কেহ ঘোড়া ধরে তারে বিনাশিব।।
 কৃষ্ণের প্রসাদে ভয় না করি কাহারে।
 কহিলাম সত্য আমি সবার গোচরে।।
 এত বলি ধনঞ্জয় হইল বিদায়।

ঋষি মুনিগণ দিল জয়ধ্বনি তায়।।
অশ্ব পিছে ধনঞ্জয় করেন প্রয়াণ।।
বাজায় দামামা তেরি খমক নিশান।।
তবে কৃষ্ণ কহিলেন ভীম মহাবীরে।
অর্জুনের সঙ্গে যাও অশ্ব রাখিবারে।।
প্রদ্যুম্নকে ডাকিয়া বলিল নারায়ণ।
অশ্ব রাখিবারে পুত্র করহ গমন।।
কৃতবর্মা সাত্যকি যতেক ধনুর্ধর।
গদা শাম্ব সঙ্গে লয়ে চলহ সত্বর।।
রাখিও তুরগ সবে মন্ত্রণা করিয়া।
যুঝিও সমর মধ্যে সাবধান হৈয়া।।

এত বলি প্রত্যেকেরে করিলা বিদায়।
প্রণমিয়া নারায়ণে সব সৈন্য যায়।।
যুবনাশ্ব অনুশাল্য সুবেগ কুমার।
অর্জুনের সঙ্গে যান অশ্ব রাখিবার।।
বৃষকেতু বীর আদি কর্ণের নন্দন।
অনেকে অশ্বের সঙ্গে করিল গমন।।
দৈবযোগে তুরঙ্গ চলিল শুভক্ষণে।
প্রথমে যজ্ঞের ঘোড়া চলিল দক্ষিণে।।
বিজয় পাণ্ডব কথা অমৃত লহরী।
কাশী কহে শুনিলে তরয়ে ভবরারি।।

নীলধ্বজ রাজার সহিত যুদ্ধ

বৈশম্পায়ন কহেন শুন জনোজয়।
দক্ষিণ দিকেতে গেল পাণ্ডবের হয়।।
পশ্চাতে চলিল সৈন্য নানা অস্ত্র ধরি।
করিল প্রবেশ গিয়া মাহেশ্বরী পুরি।।
মাহেশ্বরী পুরে রাজা নীলধ্বজ নাম।
অস্ত্র শস্ত্র বিশারদ বীর গুণধাম।।
ধর্মেতে পৃথিবী পালে নীলধ্বজ রায়।
নানা সুখে আছে প্রজা ক্লেশ নাহি পায়।।
প্রবীর নামেতে তার প্রধান তনয়।
যৌবনে হইয়া মত্ত নাহি ধর্ম ভয়।।
যুবতী লইয়া সদা কেলি করে জলে।
নানা রঙ্গে নানা ভঙ্গে খেলে কুতূহলে।।
হেনকালে সেই অশ্ব যায় সেই পথে।
প্রবীর বনিতা তাহা পাইল দেখিতে।।
মদন মঞ্জুরী নামে প্রবীর বনিতা।
স্বামী আগে ঘোড়াহাতে কহে ধীরে কথা।।

হের দেখ অশ্ব আসে সর্বসুলক্ষণ।
ঘোড়ার অঙ্গেতে কত মুকুতা রতন।।
সোথার নূপুর বাজে অশ্বের চরণে।
ভুলিল আমার মন অশ্ব দরশনে।।
অশ্ব ধরি দেহ মোরে প্রাণের ঈশ্বর।
নহিলে মরিব আমি তোমার গোচর।।
বনিতার বাক্য শুনি রাজার নন্দন।
ছুটিয়া ধরিল ঘোড়া, সর্ব সুলক্ষণ।।
অশ্ব ভালে লিখন পড়িল নৃপসুত।
পড়ি লেখা অহঙ্কার বাড়িল বহুত।।
অশ্ব ধরি কুমার কহিল নারীগণে।
ঘোড়া লয়ে তোমরা চলহ নিকেতনে।।
অশ্বমেধ যজ্ঞ করে রাজা যুধিষ্ঠির।
অশ্বেরে রক্ষিতে এল ধনঞ্জয় বার।।
অহঙ্কারে অশ্বভালে করেছে লিখন।
ধরিতে আমার ঘোড়া, আছে কোনজন।।

যদি কেহ অশ্ব ধরে বিনাশিব তারে।
 আনিব যজ্ঞের ঘোড়া, হস্তিনানগরে।।
 কদাচিত আমি অশ্ব না দিব পাণ্ডবে।
 ঘোড়া না পাইলে আসি সংগ্রামে করিবে।।
 অতএব তোমা সবা যাও অন্তপুরে।
 বান্ধিয়া রাখহ ঘোড়া লয়ে পাক ঘরে।।
 হেথা অশ্ব না দেখিয়া পাণ্ডবেরগণ।
 নানা অস্ত্র লয়ে যায় করিবারে রণ।।
 আগে আসে পার্থ বীর ধনুঃশর হাতে।
 দেখা হল তবে তাঁর প্রবীরের সাথে।।
 জিজ্ঞাসা করেন তাঁরে বীর ধনঞ্জয়।
 ধরিলে যজ্ঞের ঘোড়া মনে নাহি ভয়।।
 অশ্বমেধ যজ্ঞ করিছেন যুধিষ্ঠির।
 ঘোড়া ধরে পৃথিবীতে আছে কোন বীর।।
 প্রবীর বলিল নাহি কর অহঙ্কার।
 ঘোড়া ধরি আমি নীলধ্বজের কুমার।।
 বুঝিব তোমার শক্তি পাণ্ডব নন্দন।
 লইবে কেমনে ঘোড়া করি তুমি রণ।।
 হাসিয়া অর্জুন বলে যুদ্ধ তোর সনে।
 একথা জানিলে হাসিবেক ক্ষত্রগণে।।
 বিবাদ করিব আমি বালক সংহতি।
 যুঝিবে তোমার সঙ্গে মম সেনাপতি।।
 অর্জুনের বাক্য রোষে রাজার কুমার।
 আকর্ণ পুরিয়া দিল ধনুকে টঙ্কার।।
 এত শুনি অগ্নিদেব প্রবেশিল রণে।
 অর্জুন কটক সব দহিল আগুনে।।
 দেখিয়া অর্জুন কহিছেন বৈশ্বানরে।
 ক্ষমা করি অগ্নি হও সদয় আমারে।।
 খাণ্ডব দহিয়া আমি তুবিণু তোমারে।

অক্ষয় কবচ তুমি দিয়াছ আমারে।।
 এখন শত্রুতা কর কিসের লাগিয়া।
 মিনতি করিয়া বলি যাহ নিবর্তিয়া।।
 অশ্বমেধ করিবেন পাণ্ডুর নন্দন।
 তাহাতে করিবে তুমি আহুতি ভক্ষণ।।
 অর্জুন বচনে অগ্নি সম্প্রীতি পাইল।
 তেজ নিবারণ করি অর্জুনে তুষিল।।
 অগ্নির পাইয়া আজ্ঞা বীর ধনঞ্জয়।
 এড়িলেন বরুণাস্ত্র হইয়া নির্ভয়।।
 নির্বাণ হইল অগ্নি সলিল পরশে।
 মন্দানল হয়ে গেল নৃপতির পাশে।।
 ভয়ে ভঙ্গ দিল যত নৃপ সেনাগণ।
 আপনি পলায় রাজা পরিহরি রণ।।
 প্রবীর রাজার পুত্র আছিল পশ্চাতে।
 দেখিয়া অর্জুনে সেই আইল ত্বরিতে।।
 অর্দ্ধচন্দ্রবাণে তার মুণ্ড কাটা গেল।
 প্রবীর রাজার পুত্র ভূমিতে পড়িল।।
 পুত্রশোকে নীলধ্বজ বিরস বদন।
 ভঙ্গ দিল মনোদুঃখ পাইয়া রাজন।।
 নীলধ্বজে কহে অগ্নি মধুর ভারতী।
 অর্জুনে জিনিতে নাহি তোমার শকতি।।
 আমার বচনে তুমি পরিহর রণ।
 মনুষ্য না হয় পার্থ নর নারায়ণ।।
 আমি অগ্নি শুন রাজা পাণ্ডবের পক্ষ।
 পাণ্ডবের সখ্যকরি না করি অসখ্য।।
 তুরগ অর্পিয়া তুমি দ্রুত কর প্রীতি।
 রাজ্য প্রজা রক্ষা পাবে শুন নরপতি।।
 নহেত অসাধ্য বড় হইবে দুষ্কর।
 রাখিতে নারিব আমি শুন নৃপবর।।

জামাতার বাক্য শুনি নীলধ্বজ রায়।
অশ্ব আনিবার তরে অন্তঃপুরে যায়।।
পুত্রশোকে নৃপতির অন্তর জর্জর।
নয়নে সলিল ধারা বহে নিরন্তর।।
বিরস বদনে রাজা গেল অন্তঃপুরে।
কহিল সকল কথা প্রিয়ার গোচরে।।
সংগ্রামে পড়িল পুত্র সমাচার পেয়ে।
ক্রন্দন করেন রাণী অচেতন হয়ে।।
কোথা সে প্রবীর বলি কাঁদে নরপতি।
পুত্রশোকে অচেতনা জনা গুণবতী।।
নৃপতি বলেন তুমি না কাঁদিও আর।
অশ্ব দিয়া রাজ্য আমি রাখি আপনার।।
ছিলাম পুরুষ আমি, হইলাম নারী।
এ সব ঈশ্বরলীলা বুঝিতে না পারি।।
সম্প্রীতি করিব আমি অর্জুনের সনে।
সংগ্রামে মরিল পুত্র কার্য্য নাহি রণে।।
জনা বলে কি কথা কহিলে নরপতি।
শত্রু সঙ্গে কেমনেতে করিবে পিরীতি।।
প্রবীরে মারিয়া সে হইল মোর অরি।
তার সঙ্গে প্রীতি কর কহিতে না পারি।।
সাহস করিয়া তুমি কর গিয়া রণ।
অর্জুনে নাশিয়া কর শোক নিবারণ।।
নীলধ্বজ রাজা বলে শুন রূপবতী।

জামাতা হারিল রণে অর্জুন সংহতি।।
যার বাহুবলে আমি জিনি সবাকারে।
স্থির হতে নারে সেই অর্জুনের শরে।।
তুমি কি বুঝাবে নীতি সব আমি জানি।
পাণ্ডবের সহায় আপনি চক্রপাণি।।
প্রীতি করি তীর সনে অশ্ব সমর্পিয়া।
অশ্বরক্ষা হেতু প্রয়ে যাব গোড়াইয়া।।
শুনি তাহা জনা বলে ধিক্ বীরপণা।
রহিল ঘৃষিতে অপযশের ঘোষণা।।
ক্ষত্রকূলে জনমিয়া ত্যজিলে সংগ্রাম।
শত্রুর আশ্রয় লয়ে বৃথা ধর নাম।।
তোমর সম্মুখে মৈল কোলের কুমার।
পুত্র শোকে মরি এই তোমার গোচর।।
এত বলি রাজরাণী কাঁদে উচ্চৈঃস্বরে।
অশ্ব লয়ে নরপতি আইল বাহিরে।।
অর্জুনের অশ্ব দিল নীলধ্বজ রায়।
যোড়হাতে বলে ক্ষমা করহ আমায়।।
না জানিয়া মোর পুত্র তুরঙ্গ ধরিল।
বিধাতা তাহার ফল হাতে হাতে দিল।।
এত বলি নীলধ্বজ অর্জুনের সঙ্গে।
তুরঙ্গ রাখিতে রাজা গেল অতি রঙ্গে।।
তাহা শুনি রাণী অতি ক্রুদ্ধা হয়ে মনে।
অন্তঃপুর ত্যজি গেল ভ্রাতার সদনে।।

পুত্রশোকে জনার ভ্রাতৃগৃহে গমন

তবে জনাবতী নারী, অন্তরেতে ক্রোধ করি,
ত্যজিয়া আলায় ধন জন।
পুত্রশোকে অধোমুখ, মনেতে ভাবিছে দুঃখ,
স্বামী নিল বিপক্ষ শরণ।।
পথে যেতে যুক্তি করে, বিনাশিব অর্জুনেরে,
সহোদর সহায় করিয়া।
না পুরিল মনোরথ, দৈবে মোর এই পথ,
কি করিব ঘরেতে বসিয়া।।
বিনাশিলে অর্জুনেরে, তবে মোর আশা পূরে,
নহে আমি ত্যজিব শরীর।
কাতর হইল রাজ, দুঃখতে নাহিক লাজ,
কোথা গেল সে পুত্র প্রবীর।।
লাজ অধোমুখ হৈয়া, মনে যুক্তি বিচারিয়া,
ভ্রাতার ভবনে গেল চলি।
উলূকের বিদ্যমানে, জনা কাঁদে সক্রমে,
পুনঃ পুনঃ লোটাইয়া ধূলি।।
ভগিনীর দশা দেখি, উলূক হইল দুঃখী,
হাতে ধরি তুলিল তাহারে।
না কহিয়া বিবরণ, কাঁদে কেন অকারণ,
কেবা বল দুঃখ দিল তোরে।।
জনা বলে ওগো ভাই, কহিবারে আসি নাই,
প্রবীর মরিল আজি রণে।
অর্জুন আইল পুরে, অশ্ব রাখিবার তরে,
সে হেতু সংগ্রাম তার সনে।।
যুদ্ধ করে ধনঞ্জয়, জামাতা পাইল ভয়,
পরাজয় হইল নৃপতি।
পুত্রশোক না ভাবিয়া, তুরগ দিলেন লৈয়া,
পার্থসহ করিলেক প্রীতি।।

শুনিয়া পাইনু তাপ, না ঘুচিল মনস্তাপ,
স্বামী নিল শত্রুর শরণ।
বিনাশিয়া অর্জুনেরে, যদি রাজ্য দেহ মোরে,
তবে শোক হয় নিবারণ।।
এ বড় অধিক লাজ, নীলধ্বজ মহারাজ,
পুত্রশোক না করিল মনে।
জনমিয়া ক্ষত্রকূলে, অশ্ব রাখিবার ছলে,
ভয়ে গেল অর্জুনের সনে।
ধরিনু চরণ তোর, প্রতিজ্ঞা রাখহ মোর,
অর্জুনের বধিয়া জীবন।
আমি সে অবলাজাতি, কলঙ্কে আছয়ে ভীতি,
নহে আমি করিতাম রণ।।
ভাই যে উলূক নাম, ধর্মবুদ্ধি অনুপাম,
লজ্জাতে করিল হেঁটমাথা।
অবলা প্রবলা হয়ে, নিজ পুরী তেয়াগিয়ে,
কি কারণে আসিয়াছ হেথা।।
পার্থ নর নারায়ণ, কহে যত মুনিগণ,
রণে কেহ জিনিতে না পারে।
পাণ্ডবের সখা গুরু, কৃষ্ণ বাঙ্গকল্পতরু,
কেবা তাঁর কি করিতে পারে।।
আপনার ভাল চাহ, নিজালয়ে চলি যাহ,
তবে সে আমার ক্রোধ নাই।
কি কর্মকরিলে তুমি, কভু নাহি শুনি আমি,
প্রতিফল পাবে মোর ঠাই।।
রহিবেক দুষ্ট ভাষা, নহে কাটিতাম নাসা,
অবলার এত অহঙ্কার।
ভ্রাতৃমুখে কথা শুনি, জনা অপমান গণি,
নাহি গেল পুরে আপনার।।

মহাভারতের কথা, শুনিলে খণ্ডে ব্যথা,
কলির কলুষ বিনাশন।

গোবিন্দ চরণে মন, নিয়োজিয়া সর্বক্ষণ,
কাশীরাম দাস বিরচন।।

জনার দেহত্যাগ ও অর্জুনের প্রতি গঙ্গার অভিশাপ

শ্রীজনমেজয় বলে শুন তপোধন।
কি যুক্তি করিল জনা কহ বিবরণ।।
বলেন বৈশম্পায়ন শুন নরপতি।
দুর্ভাক্য শুনিল বহু জনা গুণবতী।।
ভ্রাতার নিকট বড় পেয়ে অপমান।
মনেতে করিল যুক্তি ত্যজিব পরাণ।।
ভাগীরথী তীরে জনা গেল শীঘ্রগতি।
যোড় হাত হয়ে বলে আপন ভারতী।।
শুন গঙ্গাদেবী আমি করি নিবেদন।
তোমার সলিলে আমি ত্যজিব জীবন।।
নাশিল অর্জুন মম পুত্র ধন প্রাণ।
আপনি করিবে মাতা ইহার বিধান।।
সেই হেতু চিন্তে বড় হৈল অভিমান।
কাতর হইয়া বলি তোমা বিদ্যমান।।
এত বলি গঙ্গাজলে প্রবেশ করিল।
পুত্রশোক পেয়ে জনা শরীর ত্যজিল।।
জনার মরণে শোক পেয়ে ভাগীরথী।
ক্রোধে অভিশাপ দিল অর্জুনের প্রতি।।
সতীকন্যা মরে পার্থ তোমার কারণে।
সে সকল ভয় তোর নাহি হয় মনে।।
ভীষ্মে নিপাতিলে তুমি কপট করিয়া।
ভয় না করিলে পিতামহ যে বলিয়া।।
কৃষ্ণ সখা বলি তোর বাড়ে অহঙ্কার।
না বুঝ দেবের মায়া পাণ্ডুর কুমার।।
পৌত্র হস্তে ভীষ্ম বীর ত্যজিল পরাণ।

তুমি ও পুত্রের হস্তে হারাইবে প্রাণ।।
শাপিলেন গঙ্গাদেবী তবে অর্জুনের।
তাহা শুনি নারায়ণ চিন্তিত অন্তরে।।
ঈষৎ হাসেন কৃষ্ণ পাণ্ডব সভায়।
ব্যাসদেব বুঝিলেন তার অভিপ্রায়।।
জিজ্ঞাসেন যুধিষ্ঠির দেব নারায়ণে।
কহ কৃষ্ণচন্দ্র তুমি হাস্য কৈলে কেনে।।
গোবিন্দ বলেন শুন ধর্ম নৃপবরে।
অভিশাপ হইল যে পার্থ ধনুর্দ্বারে।।
গঙ্গা অভিশাপ দেন দুঃখ পেয়ে মনে।
তার মৃত্যু হবে বক্রবাহনের রণে।।
যুধিষ্ঠির বলিলেন হইবে কেমনে।
অভিশাপ দেন গঙ্গা কিসের কারণে।।
গোবিন্দ বলেন রাজা কর অবধান।
মাহেশ্বরীপুরে রাজা নীলধ্বজ নাম।।
ধরিল যজ্ঞের ঘোড়া তাহার নন্দন।
অশ্ব হেতু অর্জুনের সঙ্গে হৈল রণ।।
প্রবীর তাহার পুত্র হত হৈল রণে।
রাজারানী তনুত্যাগ কৈল অভিমানে।।
গঙ্গাতে মরিল সেই পুত্রশোক পেয়ে।
গঙ্গা অভিশাপ দেন দুঃখিত হইয়ে।।
নীলধ্বজ অশ্ব দিল ধনঞ্জয় বীরে।
আপনি চলিল বীর অশ্ব রাখিবারে।।
অর্জুন কারণে ভয় না করিহ তুমি।
সঙ্কট হইলে রক্ষা করিব সে আমি।।

এত বলি কৃষ্ণ প্রবোধেন যুধিষ্ঠিরে।
এই বিবরণ রাজা কহিনু তোমায়ে।।

অমৃত সমান এই ভারত কাহিনী।
আর কি কহিব আমি বল নৃপমণি।।

নীলধ্বজ-জামাতা অগ্নির বিবরণ

শ্রীজনমেজয় বলে, শুন তপোধন।
এই আমি তোমায়ে করি যে নিবেদন।।
রাজার জামাতা অগ্নি হইল কেমনে।
এই কথা কৃপা করি কহিব আপনে।।

বলেন বৈশম্পায়ন, শুন নরপতি।
এবে কহি নীলধ্বজ রাজার ভারতী।।
জনা নাম ধরে নীলধ্বজের মহিষী।
রতি জিনি রূপ তার পরমা রূপসী।।
জনা সঙ্গে নীলধ্বজ নানা কেলি করে।
দৈবযোগে গর্ভ তার হইল উদরে।।
লক্ষ্মী-শাপে সেই গর্ভে এল বসুমতী।
স্বাহা নাম হৈল তার, শুন নরপতি।।
পরমা সুন্দরী কন্যা বাড়ে দিনে দিনে।
চন্দ্রমার শোভা যেন পৌর্ণমাসী দিনে।।
কন্যা দেখি নৃপতির আনন্দ অপার।
স্বাহা বলি নাম রাজা রাখিল তাহার।।
হইল বিবাহকাল ভাবে মনে মনে।
অনুক্ষণ যুক্তি করে পাত্র মিত্র সনে।।
কারে কন্যা দান দিব, কোথা পাব বর।
কালাতীত হৈলে হবে অতি মন্দতর।।

কন্যা বলে, শুন পিতা আমার বচন।
মনুষ্যালোকেতে মম নাহি লয় মন।।
দেবপত্নী হব আমি ইথে নাহি আন।
সত্য কহিলাম পিতা তব বিদ্যমান।।

স্বাহা-বাক্যে পুছে রাজা হরিষ অন্তরে।
কাহারে বরিবে তুমি বলহ আমারে।।
কিবা ইন্দ্র চন্দ্র কিবা শমন পবন।
কুবের বরুণ অগ্নি কারে তব মন।।
শিব ব্রহ্মা বিষ্ণু আর যত দেবগণ।
কার পত্নী হবে তুমি, বলহ বচন।।
আমার অনেক ভাগ্য ইথে নাহি আন।
দেবপত্নী হবে তুমি আমার সম্মান।।

স্বাহা বলে, শুন পিতা আমার বচন।
জীবনে মরণে অগ্নি, বলে সর্বজন।।
শিশুকাল হৈতে মোর অনলে ভকতি।
শুন পিতা অগ্নিপূজা কর নিতি নিতি।।
অনল আমার স্বামী, কহিনু তোমায়ে।
তাঁহাকে আনিয়া দেব বিবাহ আমারে।।

রাজা বলে, কোথা পাব তাঁর দরশন।
স্বাহা বলে, আসিবেন করিলে স্বরণ।।
এত বলি রাজকন্যা পূজে বৈশ্বানরে।
স্তুতি করে স্বাহাদেবী যুড়ি দুই করে।।
স্বাহার স্তবেতে বশ হৈল বৈশ্বানর।
রহিতে না পারি আসি কহেন সত্বর।।
নিজ অভিলাষ মোরে কহ গুণবতী।
কিসের কারণে মোরে পূজ নিতি নিতি।।
স্বাহা বলে, তুমি মোরে করহ গ্রহণ।
তব পত্নী হব আমি, এই নিবেদন।।

এই হেতু স্তব করি, পূজি যে তোমারে।
এই অভিলাষ, বর দেহ ত আমারে।।
এবমস্ত বলি অগ্নি সেই বর দিল।
বর পেয়ে স্বাহা মনে সম্প্রীতি পাইল।।
জানাইল পিতৃদেবে অগ্নি- আগমন।
শুনিয়া হইল রাজা আনন্দিত মন।।
যোড়হাতে বিনয় করেন নরপতি।
কন্যাদান অগ্নিদেবে করে শীঘ্রগতি।।
যোড়হাত হয়ে রাজা বলিল অগ্নিরে।
স্বাহা নামে কন্যা আমি দিলাম তোমারে।।

আপনি করিবে দেব আমার রক্ষণ।
ধন জন রাজ্য তোমা করিনু অর্পণ।।
বিপক্ষ না আসে যেন আমার নগরে।
সতত থাকিবে তুমি আমার মন্দিরে।।
তথাস্ত বলিয়া অগ্নি সেই বর দিল।
স্বাহার সহিত তার বিবাহ হইল।।
বিপক্ষ না যায় কেহ নীলধ্বজ-পুরে।
ওহে রাজা কহি শুন অনলেন ডরে।।
কন্যা দিয়া অগ্নিদেবে রাখে নরপতি।
কহিনু তোমারে আমি পূর্বের ভারতী।।

পৃথিবীর প্রতি লক্ষ্মীর অভিশাপ

শ্রীজনমেজয় বলে, শুন মহামুনি।
পূর্ব বিবরণ কথা তোমা হৈতে শুনি।।
লক্ষ্মী কেন পৃথিবীকে অভিশাপ দিল।
কহ দেখি পৃথিবীর কি পাপ আছিল।।
বলেন বৈশম্পায়ন, শুনহ রাজন।
সংক্ষেপে তোমারে কহি সে সব কথন।।
লক্ষ্মী সঙ্গে নারায়ণ থাকেন সতত।
নানা কেলি কলারস করেন বহুত।।
অপার মহিমা তাঁর কে বুঝিতে পারে।
অবিরত কমলা থাকেন বক্ষোপরে।।
তাহা দেখি বসুমতী কহেন লক্ষ্মীরে।
তোমার সমান তপ কেহ নাহি করে।।
না দেখি এমন তপ, না শুনি শ্রবণে।
নারায়ণ সঙ্গে তুমি থাক রাত্রি দিনে।।
বক্ষঃস্থলে তোমারে ধরেন যদুপতি।
তোমার সমান কেহ নহে ভাগ্যবতী।।

কিন্তু কৃষ্ণ সনে তোমা বিচ্ছেদ করাব।
নারায়ণ সঙ্গে আমি সতত থাকিব।।
মহীবাক্য শুনি দেবী দ্রোণ উপজিল।
মনোদুঃখ পেয়ে অভিশাপ প্রদানিল।।
জন্মিবে জনার গর্ভে, হবে স্বাহা নাম।
অনল তোমার স্বামী, ইথে নাহি আন।।
পৃথিবী বলেন, তুমি শাপ দিলে মোরে।
নারায়ণ সহ দেখা নহিবে তোমারে।।
পৃথিবী পালিতে জন্মিবেন নারায়ণ।
সতত পাইব আমি তাঁর দরশন।।
অনুক্ষণ থাকিবেন গোবিন্দ আমাতে।
এত বলি বসুমতী গেলেন ত্বরিতে।।
শাপে বর পেয়ে তুষ্টা হইল ধরণী।
স্বাহা নাম হৈল নীলধ্বজের নন্দিনী।।
মহাভারতের কথা অমৃত সমান।
কাশীরাম দাস কহে, শুনে পুণ্যবান।।

পাষণ হইতে অশ্ব উদ্ধার

তপোবনে মুনিস্থানে করহ প্রস্থান।
দুঃখ না ভাবিও তুমি শুনহ অর্জুন।।
প্রদ্যুম্ন অর্জুন আর কত রথিগণে।
মুনি সম্ভাষিতে সবে গেল তপোবনে।।
সৌভরি রহিয়াছেন আপন আশ্রমে।
শিষ্যগণ বসিয়াছে তাঁর বিদ্যামানে।।
বেদ শাস্ত্র পাঠ দেন আনন্দিত মনে।
বনঞ্জয় কামদেব গিয়া সেইখানে।।
প্রণিপাত করিলেন ভূমিষ্ঠ হইয়া।
নিজ পরিচয় দেন বিনয় করিয়া।।

পাণ্ডুর তনয় যুধিষ্ঠির নরপতি।
অশ্বমেধ করিলেন কৃষ্ণের সংহতি।।
আমরা আইনু অশ্ব করিতে রক্ষণ।
অর্জুন আমার নাম শুন তপোধন।।
ভ্রমিতে ভ্রমিতে অশ্ব আইল কানন।
পাষণে ধরিল গোড়া না জানি কারণ।।
ভয় পেয়ে নিবেদন চরণে তোমার।
কহ কহ মহামুনি কি হবে আমার।।
জ্ঞাতিবধ পাপে রাজা উৎকর্ষিত মন।
না হইল যজ্ঞ সাজ্জ শুন তপোধন।।

অর্জুন কহেন যদি এতেক উত্তর।
শুনিয়া ঈষৎ হাসি কহে মুনিবর।।
শুন শুন পার্থ তুমি বচন আমার।
চিত্তের সন্দেহ কেন না ঘুচে তোমার।।
অখিল ব্রহ্মাণ্ডনাথ তোমার সারথি।
তথাপিও পাপ বলি মনে ভাব ভীতি।।

কোটি ব্রহ্মহত্যা যায় যাঁহার স্মরণে।
হেন কৃষ্ণ নাম তুমি নাহি লও কেনে।।
না দেখি যে কিছু ভক্তি তোমার অন্তরে।
সখা বলি জান তুমি দেব গদাধরে।।
হিংসাতে পূতনা পায় কৃষ্ণের শরীর।
জ্ঞাতিবধ পাপে কেন ভাবে যুধিষ্ঠির।।
সতত সম্মুখে যেই দেখে নারায়ণ।
পাপ নাহি থাকে তার পাণ্ডুর নন্দন।।
তবে যদি অশ্বমেধে করিয়াছ মতি।
পাইবে যজ্ঞের হয় না করহ ভতি।।
ব্রহ্মশাপে শিলাতনু হইল ব্রাহ্মণী।
চণ্ডী নামে উদ্দালক মুনির রমণী।।
তুমি পরশিলে তার হইবে মুকতি।
পাইবে পূর্বের তনু শুন মহামতি।।
মুক্ত হইবেক অশ্ব শুন মহাশয়।
গোবিন্দ বাক্যব তুমি না করহ ভয়।।

শুনিয়া এসব কথা সৌভরি বদনে।
অশ্ব পাশে আইলেন আনন্দিত মনে।।
মুনির বচনে তবে আনন্দ অন্তরে।
শিলা পরশিয়া উদ্ধারেন অশ্ববরে।।
অর্জুন শিলাকে স্পর্শিলেন দুই করে।
শিলারূপ পরিহরি নারীরূপ ধরে।।
বহুমতে অর্জুনেরে করিল স্তবন।
তোমার পরশে হৈল এ পাপ মোচন।।
তুমি নারায়ণ ইথে নাহি করি আন।
শাপ হতে আমারে করিলে পরিত্রাণ।।
মুক্ত হয়ে নিজালয়ে গেলেন ব্রাহ্মণী।

পাণ্ডবের সৈন্য দিল জয় জয় ধ্বনি।।
মহাভারতের কথা অমৃত লহরী।

কাশীরাম দাস কহে ভবভয় তরি।।

ব্রাহ্মণীর পাষণ্ড হইবার বৃত্তান্ত

জন্মোজয় রাজা বলে শুন তপোধন।
ব্রাহ্মণী পাষণ্ড হৈল কিসের কারণ।।
অভিশাপ কেন মুনি দিলেন তাহাকে।
কৃপা করি সেই কথা কহিবে আমাকে।।

বলেন বৈশম্পায়ন শুন নরপতি।
মন দিয়া শুন কহি ব্যাসের ভারতী।।
উদালক নামে মুনি ছিল তপোবনে।
চণ্ডী নামে তাঁর ভার্য্যা বিখ্যাত ভুবনে।।
বিবাহ করিয়া মুনি ছিল নিকেতনে।
চণ্ডীকে বুঝান মুনি বিবিধি বিধানে।।
আমি তব স্বামী বটে হই গুরুজন।
যতনে পালিবে তুমি আমার বচন।।
চণ্ডী বলে তব বাক্য আমি না শুনিব।
তুমি যাহা বল তাহা আমি না করিব।।
দুঃখ পায় উদালক তাহার বচনে।
কহিল সকল কথা মুনিপত্নীগণে।।
তারা বলে বাল্যকালে কত বড় জ্ঞান।
পালিবে তোমার বাক্য হৈলে বুদ্ধিমান।।
হেমতে কতকাল বঞ্চিলেন মুনি।
চণ্ডী সে না শুনে কিছু উদালক বাণী।।
দুঃখ পায় উদালক তাহার মিলনে।
স্বামীর বচন সে কদাচ নাহি শুনে।।
কমণ্ডলু আনিতে বলিল মুনিবর।
দেবতা পূজিব আমি শুনহ উত্তর।।
যজ্ঞ করি মনোনীত বর মাগি লন।

চণ্ডী বলে আমি কমণ্ডলু না আনিব।।
না আনিব কমণ্ডলু যজ্ঞে নাহি কাজ।
কি হইবে সেবিলে গোবিন্দ দেবরাজ।।
বরে প্রয়োজন নাহি প্রাক্তন যে মূল।
বৃথা উপদেশ দেহ নহে সমতুল।।
চণ্ডীর বচনে মুনি যন্ত্রণা পাইল।
বাক্য নাহি শুনে নানামতে বুঝাইল।।
তীর্থ হেতু এল কৌণ্ডিন্য মুনিবর।
উদালক আশ্রমেতে আইল তৎপর।।
শিষ্যসহ আইল কৌণ্ডিন্য মহামুনি।
প্রীতি পান উদালক সেই কথা শুনি।।
চণ্ডীকে ডাকিয়া কহিলেন মুনিবর।
না আনিব কৌণ্ডিন্য করিয়া সমাদর।।
কোথায় পাইব ফল নাহি তপোবনে।
না করিব সম্প্রীতি কৌণ্ডিন্যের সনে।।
চণ্ডী বলে মুনিরে করিব সমাদর।
ফল মূল আনি আমি দিব তা সত্বর।।
কমণ্ডলু দেহ নিয়া পদ প্রক্ষালনে।
ঈষৎ হাসিয়া মুনি চণ্ডীর বচনে।।
সমাদর করি মুনি কৌণ্ডিন্যে আনিল।
পাদ্য অর্ঘ্য যথাযোগ্য কুশাসন দিল।।
কৌণ্ডিন্য বলেন শুন উদালক মুনি।
কহ কহ কৃষ্ণ কথা তোমা হৈতে শুনি।।
উদালক বলে মোর ভার্য্যা দুষ্টমতি।
আশ্রমে রহিতে আমি না পাই পিরীতি।।

পিতৃশ্রাদ্ধ আসিয়া হইল উপনীত।
বাক্য নাহি শুনে চণ্ডী মম হয় ভীত।।
কৌণ্ডিন্য বলেন শ্রাদ্ধ করহ প্রভাতে।
দেখি চণ্ডী বাক্য নাহি শুনয়ে কিমতে।।
রজনী বঞ্চিয়া মুনি প্রতুষ্য বিহানে।
জিজ্ঞাসেন চণ্ডীকে মুনির বিদ্যামানে।।
আজি মম পিতৃশ্রাদ্ধ শুনহ বচন।
চণ্ডী সে বলিল শ্রাদ্ধে নাহি প্রয়োজন।।
তাহা দেখি কৌণ্ডিন্যের ক্রোধ উপজিল।
আরক্ত লোচন করি চণ্ডীরে কহিল।।
স্বামী বাক্য পাপীয়সি নাহি শুন কাণে।
শিলারূপ হও গিয়া আমার বচনে।।
অব্যর্থ মুনির বাক্য হৃদয়ে ভাবিয়া।
হোড়হাতে চলে চণ্ডী বিনয় করিয়া।।
অব্যর্থ তোমার বাক্য শুন তপোধন।
কতকালে হবে মম শাপ বিমোচন।।

দোষ অনুরূপ দণ্ড তুমি দিলা মোরে।
শাপান্ত করহ প্রভু নিবেদি তোমারে।।
কৌণ্ডিন্য বলেন তুমি থাক গিয়া বনে।
অভিশাপে মুক্ত হবে অর্জুন মিলনে।।
অশ্বমেধ যজ্ঞ করিবেন যুধিষ্ঠির।
রাখিতে আসিবে ঘোড়া ধনঞ্জয় বীর।।
ধরিয়া রাখিবে ঘোড়া তুমি বাহুবলে।
অর্জুন পরশে পাপ ঘুচিবে সকলে।।

এত বলি নিজালয়ে গেল তপোধন।
চণ্ডীকা পাষণরূপা হৈল সেইক্ষণ।।
চিরকাল শিলা হয়ে আছিল কাননে।
শাপমুক্ত হৈল এবে অর্জুন মিলনে।।
অশ্বমেধ যজ্ঞ কথা শুন জনোজয়।
ভদ্রাবতীপুরে গেল পাণ্ডবের হয়।।
বিজয় পাণ্ডব কথা অমৃত লহরী।
কাশী কহে শুনিলে তরয়ে ভববারি।।

হংসধ্বজ রাজার নগরে অশ্বের গমন ও তদুপলক্ষে নানা সংবাদ

সেই দেশে হংসধ্বজ নামে নৃপবর।
বড়ই ধার্মিক রাজা ধর্ম্মেতে তৎপর।।
সুরথ সুধন্বা তার দুইটি নন্দন।
বিষ্ণুভক্ত দুইজন বিষ্ণুপরায়ণ।।
ঘোড়া উপনীত হৈল তাহার নগরে।
দূত গিয়া সমাচার কহিল রাজারে।।
যুধিষ্ঠির করিলেন অশ্বমেধ ক্রতু।
অর্জুন আইল অশ্ব রাখিবার হেতু।।
নগরে আইল ঘোড়া শুনহ রাজন।
সঙ্গে আসিয়াছে তার বহু সৈন্যগণ।।
দূতমুখে কথা শুনি রাজা আনন্দিত।

আলিঙ্গন দূতে দেন মনে হয়ে প্রীত।।
কি কহিলে আরে দূত শুভ সমাচার।
আইল আমার পুরে পাণ্ডুর কুমার।।
আজি সে আমার জন্ম হইল সফল।
অর্জুন আগত পুরে বড়ই মঙ্গল।।
যেখানে অর্জুন তথা দেব নারায়ণ।
এই কথা অতি সত্য কহে মুনিগণ।।
দেখিব মাধবে আমি পাণ্ডব মিলনে।
চিরদিন সাধ আছে কৃষ্ণ দরশনে।।
ধরিয়া যজ্ঞের ঘোড়া আনহ সত্বরে।
এত বলি নৃপতি ডাকিল অনুচরে।।

পাইয়া রাজার আজ্ঞা অনুচরগণ।
 সরিল যজ্ঞের ঘোড়া করিয়া যতন।।
 অশ্ব লয়ে দিল হংসধ্বজের গোচরে।
 মহানন্দে নরপতি আপনা পাসরে।।
 সতন করিয়া অশ্ব রাখিল রাজন।
 অর্জুনে ধরিতে পুনঃ করিলেক মন।।
 হংসধ্বজ বলে ওহে শুন বীরগণ।
 যতন করিয়া সবে ধরিবা অর্জুন।।
 তবে সে পাইব আমি কৃষ্ণ দরশন।
 সবাক্রবে পরশিব তাঁহার চরণ।।
 এ বড় আমার সাধ আছে অস্তরে।
 দেখিব সে নারায়ণ আপনার ঘরে।।
 আমার তপের ফল হইল উদয়।
 সে কারণে আইলেন পাণ্ডুর তনয়।।
 বান্ধহ যজ্ঞের ঘোড়া আর নাহি ডর।
 এখনি অর্জুন সহ হইবে সমর।।
 ঘোড়া বান্ধা গেলে পার্থ কোথাও না যাবে।
 অর্জুন হইতে সবে গোবিন্দ দেখিবে।।
 উত্তপ্ত করহ তৈল তাম্বের কুণ্ডেতে।
 শীঘ্র রণে না আসিলে ফেলিবে তাহাতে।।
 এত বলি রাজা দিল দামামা ঘোষণা।
 পরস্পর সে কথা শুনিল সর্বজন।।
 রাজার আদেশ পেয়ে রাজ পুরোহিত।
 তাম্বের কটাহে কৈল তৈলেতে পূর্ণিত।।
 তৈল তপ্ত যতনে করিল মুনিবর।
 তাহা শুনি ভয় পায় যত ধনুর্ধর।।
 সত্বরে আইল সবে নানা অস্ত্র ধরি।
 বিমানে চড়িয়া কেহ তুরঙ্গ উপরি।।
 নৃপতি তনয় যে সুধন্বা ধনুর্ধর।

শীঘ্রগতি আইসে সেই করিতে সমর।।
 হেনই সময়ে তবে সুধন্বার নারী।
 যোড়হস্ত করি বরে লজ্জা পরিহরি।।
 শুন প্রাণনাথ তব কোথায় গমন।
 নানা অস্ত্র বান্ধিয়াছ কিসের কারণ।।
 সুধন্বা বলেন তত্ত্ব নাহি জান তুমি।
 যুদ্ধ হেতু আদেশ করেন নৃপমণি।।
 অর্জুন আইল পুরে তুরঙ্গ লইয়া।
 ঘোড়া ধরিলেন পিতা দূত পাঠাইয়া।।
 অর্জুন সারথি কৃষ্ণ জানিয়া শ্রবণে।
 যুদ্ধ অভিলাষ পিতা কৈল সে কারণে।।
 চিরদিন আছে সাধ কৃষ্ণ দরশনে।
 অর্জুন ধরিতে আজ্ঞা দিল সে কারণে।।
 সেই হেতু দিল রাজা নগরে ঘোষণা।
 সাজিয়া চলিল যুদ্ধে যত রাজসেনা।।
 শুন প্রিয়ে পিতার মনের অভিলাষ।
 আনিয়া দেখাব আজি দেব শ্রীনিবাস।।
 যাত্রা করি যাই আমি করিবারে রণ।
 জয়ধ্বনি দিয়া গৃহে করহ গমন।।
 প্রভাবতী বলে নাথ শুন সাবধানে।
 আজি ঋতুভোগ তুমি কর মম সনে।।
 একে প্রতিব্রতা আমি শুন প্রাণেশ্বর।
 প্রভাতে যাইবে কালি করিতে সমর।।
 ঋতুস্মান করিয়াছি নিবেদি তোমারে।
 পুত্রদান দিয়া যাও যুদ্ধ করিবারে।।
 অর্জুন সহিত যাও করিবারে রণ।
 এ কথা শুনিয়া মম চমকিত মন।।
 পাণ্ডবের সখা কৃষ্ণ বিদিত সংসারে।
 কেমন করিয়া তুমি জিনিবে তাহারে।।

আমি যে অবলা জাতি তাহে কুলনারী।
 পুত্র না হইলে তবে কি প্রকারে তরি।।
 তোমার ঔরসে মম হইবে তনয়।
 ঋতুর পালন কর শুন মহাশয়।।
 শুন প্রাণনাথ মোরে না কর নিরাশ।
 পিতৃলোকে রাখ জল গণ্ডেষের আশ।।
 সংসার অসার দেখ সার নারায়ণ।
 পুত্রদান দিয়া মোরে করহ গমন।।
 সুধন্বা বলিল তবে শুনহ সুন্দরী।
 মিথ্যা পুত্রে কিবা কার্য্য যদি তুষ্ট হরি।।
 প্রভাবতী বলে নাথ এ নহে বিচার।
 জনম বিফল অঙ্কে পুত্র নাহি যার।।
 পুন্নাম নরকে তার নাহিক নিষ্কৃতি।
 এ সব শাস্ত্রের কথা শুন প্রাণপতি।।
 ব্যাস বশিষ্ঠাদি যত মহামুনিগণ।
 পুত্র জন্মাইল সবে শুন নিবেদন।।
 ইথে দোষ নাহি, মোরে দেহ পুত্রদান।
 তবে গিয়া সংগ্রামে দেখিবে ভগবান।।
 সুধন্বা বলিল শুন আমার বচন।
 করিল আমার পিতা নিদারুণ পণ।।
 শীঘ্রগতি যেইজন না আসে সমরে।
 তাহারে ফেলিবে তপ্ত তৈলের উপরে।।
 তপ্ত তৈলে ফেলাইবে তবে নরপতি।
 প্রাণভয়ে সর্বজন গেল শীঘ্রগতি।।
 পশ্চাৎ যাইব আমি নহে ভাল কাজ।
 ক্রোধ করি তৈলেতে ফেলিবে মহারাজ।।
 শুন প্রভাবতী তুমি আজ থাক ঘরে।
 সংগ্রাম জিনিয়া আমি তুষিব তোমারে।।
 প্রভাবতী বলে কথা শুন প্রাণেশ্বর।

অর্জুনে জিনিবা তুমি অতি সে দুষ্কর।।
 সখা যাঁর নারায়ণ সংসারের সার।
 এ তিন ভুবনে পরাজয় নাহি তাঁর।।
 ভকতবৎসল হরি রাখেন অর্জুনে।
 পুরিয়া আমার আশ তুমি যাহ রণে।।
 পঞ্চশরে জর্জর হইল কলেবর।
 আলিঙ্গন দিয়া মোরে তোষহ সত্বর।।
 ঋতুর রক্ষণে নাহি দিনের বিচার।
 এ সকল শাস্ত্র কথা তব জ্ঞাত সার।।
 ভার্য্যার বচন বীর নারিল লেঞ্জিতে।
 হাসিয়া যুদ্ধের সাজ এড়িল ভূমেতে।।
 সুধন্বা শয়ন কৈল খট্টার উপরে।
 ভুঞ্জিয়া শৃঙ্গার তুষ্ট করিল ভার্য্যারে।।
 প্রভাবতী গর্ভ ধরে বীর কৈল স্নান।
 যুঝিতে সুধন্বা যুদ্ধে করিল প্রয়াণ।।
 কুবলয়া নামে তার আইল ভগিনী।
 সুধন্বা গমনে দেয় জয় জয় ধ্বনি।।
 যাহ যাহ সাধু ভাই অর্জুনের রণে।
 তোমা হৈতে কৃষ্ণ আমি দেখিব নয়নে।।
 সুধন্বার জননী পাইল সমাচার।
 পুত্রের সম্মুখে আসে আনন্দ অপার।।
 শীঘ্র যাহ আরে পুত্র করিতে সমর।
 তোমা হৈতে আজি সে দেখিব গদাধর।।
 যেখানে অর্জুন তথা দেব নারায়ণ।
 সত্য বলি এই কথা বলে সর্বজন।।
 বিলম্ব না কর পুত্র চলহ সত্বরে।
 পূর্ব পুণ্যফলে ঘোড়া আইল নগরে।।
 চিরদিন আছে সাধ কৃষ্ণ দরশনে।
 দেখিব পরমানন্দে অর্জুন মিলনে।।

জননীৰ বচন শুনিয়া হরষিত।
 প্রণাম করিয়া মায়ে চলিল ত্বরিত।।
 হেথা দেখ সৰ্ব সৈন্য সাজিয়া আইল।
 হংসধ্বজ মহারাজ সবारे দেখি।।
 সুধন্বারে না দেখিয়া বলে নরপতি।
 কেন দিল নারায়ণ এমন সন্ততি।।
 কোপে হংসধ্বজ কহিলেন পুরোহিতে।
 আজি সুধন্বাকে তৈলে ফেলহ নিশ্চিতে।।
 পুত্র হয়ে না পালিল পিতার বচন।
 হেন ছার পুত্র মম নাহি প্রয়োজন।।
 পুরোহিত সহ রাজা এ কথা কহিতে।
 সুধন্বা আইল তথা পিতার সাক্ষাতে।।
 প্রণাম করিয়া পুরোহিতের চরণে।
 রাজারে প্রণাম করে রাজ সস্তাষণে।।
 সুধন্বারে দেখি রাজা বলে কুবচন।
 এখন বাহির দুষ্ট হলি কি কারণ।।
 ঘোড়া রাখিবারে পার্থ আসে মম পুরে।
 যত্ন করিলাম তারে ধরিবার তরে।।
 অর্জুন ধরিলে পাব কৃষ্ণ দরশন।
 বুঝিয়া করিনু আমি নিদারণ পণ।।
 ত্বরায় সাজিয়া য়েবা না আসে সমরে।
 তাহারে ফেলিব তপ্ত তেলের ভিতরে।।
 ভয়েতে সাজিয়া এল যত সেনাগণ।
 সে ভয় তোমার মনে নাহিক স্মরণ।।
 সুধন্বা বলেন পিতা কর অবধান।
 অস্ত্র লয়ে আসি আমি করিতে সংগ্রাম।।
 হেনকালে প্রভাবতী সম্মুখে আইল।
 ঋতুর রক্ষণ হেতু আমারে কহিল।।
 মহাপাপ হয় ঋতু না কৈলে রক্ষণ।

অতএব বিলম্ব হইল সে কারণ।।
 ইহা শুনি বলে হংসধ্বজ নরপতি।
 জন্মিলে আমার কুলে তুমি পাপমতি।।
 যুদ্ধের সময় তোর নারীতে যতন।
 আরে দুষ্ট দেখিব কেমনে নারায়ণ।।
 তুমি সে আমার কুলে পাপিষ্ঠ হইলে।
 ছাড়িয়া ক্ষত্রিয়ধর্ম কামে মন দিলে।।
 কৃষ্ণেতে বিমুখ হৈলে যাহ তৈল পাশে।
 উচিত যে শাস্তি হয় ভুঞ্জহ বিশেষে।।
 না করিলে ঋতু রক্ষা হয় মহাপাপ।
 কি বুঝিয়া সুধন্বারে দেহ মনস্তাপ।।
 সুধন্বা বৈষ্ণব বড় জানহ আপনি।
 লঘুপাপে গুরদণ্ড নহে নৃপমণি।।
 পাত্রেব বচনে রাজা বলে পুরোহিতে।
 সুধন্বা আমার পুত্র আসিল পশ্চাতে।।
 ঋতুরক্ষা হেতু যে বিলম্ব হৈল তার।
 কহ প্রভু কি হইবে ইহার বিচার।।
 ওহে রাজা সৰ্বগুণে তুমি নরপতি।
 প্রতিজ্ঞা লজ্জিতে চাহ দেখিয়া সন্ততি।।
 ক্ষত্রেয় প্রতিজ্ঞা ধর্ম ঘোষে সৰ্বজন।
 পুত্রস্নেহে ধর্মপথ করিছ লঙ্ঘন।।
 এত বলি সভা হৈতে যায় পুরোহিত।
 মহাক্রোধভরে চলে অধর কম্পিত।।
 না থাকিব তোর দেশে শুন নরপতি।
 দেখিনু তোমার রাজা এবে পাপেমতি।।
 এত শুনি হংসধ্বজ কহিল পাত্রেবেরে।
 আমি যাই পুরোহিত আনিবার তরে।।
 তপ্ত তৈলে সুধন্বাকে ফেলাইবে তুমি।
 সুধন্বারে পুনঃ যেন নাহি দেখি আমি।।

অন্যের বচনে পুরোহিত না আসিবে।
যতন করিয়া আম আনি গিয়া তবে।।
এত বলি হংসধ্বজ চলিল সত্বরে।
সুমতি পাত্রের পুত্র বলে সুধম্বারে।।
আপনি শুনিলে তুমি রাজার বচন।

তৈল পাশে দ্রুত যাও রাজার নন্দন।।
সুধম্বা বলেন তৈলে ত্যজিব জীবন।
বড় দুঃখ না দেখিনু কমললোচন।।
মহাভরতের কথা অমৃত সমান।
কাশীরাম দাস কহে শুনে পুণ্যবান।।

সুধম্বাকে তপ্ত তৈলে নিক্ষেপ

এত বলি সুধম্বা আইল তৈলে পাশে।
ভয় পেয়ে লোক সব দেখিতে না আসে।।
তপ্ত তৈল দেখি বীর নাহি করে ভয়।
গোবিন্দ চরণ ভাবে রাজার তনয়।।
জয় জয় নারায়ণ পরম কারণ।
আমি মূঢ় না দেখিনু তোমার চরণ।।
এ বড় অধিক দুঃখ রহিল অন্তরে।
অর্জুন সহিত কৃষ্ণ না দেখি সমরে।।
ওহে কৃষ্ণ রক্ষা কর অকাল মরন।
তপ্ত তৈলে মোরে রক্ষা কর নারায়ণ।।
উচ্চৈঃস্বরে সুধম্বা ডাকিছে নারায়ণে।
সঙ্কটে রাখিতে কেহ নাহি তোমা বিনে।।
এত বলি সুধম্বা জপিছে কৃষ্ণ নাম।
ইহা শুনি শোকে লোক হইল অজ্ঞান।।
সুমতি পাত্রের পুত্র ধরি সুধম্বারে।
ফেলাইয়া দিল তপ্ত তৈলের উপরে।।
ভক্ত বুঝি তাহারে রাখেন নারায়ণ।
তপ্ত তৈল হৈতে তার নহিল মরণ।।

সুধম্বা বসিয়া আছে তৈলের ভিতরে।
তৈলে বসি কৃষ্ণনাম ডাকে উচ্চৈঃস্বরে।।
ঘন ঘন হরিনাম ডাকিছে সুধম্বা।
নৃপতির সভায় হেথা উঠিলেক কান্না।।
শুন রাজা জনোজয় কহিনু তোমারে।
পড়িল সুধম্বা তপ্ত তৈলের ভিতরে।।
ভক্ত বুঝি তাহারে রাখেন নারায়ণ।
তপ্ত তৈল হৈতে তার নহিল মরণ।।
সুধম্বা বসিয়া আছে তৈলের ভিতরে।
তৈলে বসি কৃষ্ণনাম ডাকে উচ্চৈঃস্বরে।।
ঘন ঘন হরিনাম ডাকিছে সুধম্বা।
নৃপতির সভায় হেথা উঠিলেক কান্না।।
শুন রাজা জনোজয় কহিনু তোমারে।
পড়িল সুধম্বা তপ্ত তৈলের ভিতরে।।
ভক্ত বুঝি তাহারে রাখেন নারায়ণ।
তপ্ত তৈলে সুধম্বার নহিল মরণ।।
শ্রীজনোজয় বলে কহ মহামুনি।
কি কর্ম্ম সুধম্বা কৈল কহ দেখি শুনি।।

তপ্ত তৈলে সুধম্বার পতনে রাজা ও রাণীর শোক

না দেখিয়া সুধম্বারে, কান্দিতেছে উচ্চৈঃস্বরে,
ভূমিতে লোটায়ে সর্বজন।

মহাভারত (অশ্বমেধ পর্ব)
কেহ মনে দুঃখ পেয়ে, রাজার সম্মুখে গিয়ে,
কহিলেন সুধম্মা নিধন।।
তাহা শুনি পুরোহিতে রাজা কহে দুঃখচিত্তে,
সুধম্মা মরিল তৈল পাশে।
রক্ষা পায় ধর্মপথ, রহিল শাস্ত্রের মত,
দেখিবারে চলহ হরিষে।।
তবে হংধ্বজ রায়, ধরি পুরোহিত পায়,
তৈল পাশে আনিল সত্বরে।
তাহাতে বেড়িয়া লোক, করে নানাবিধশোক,
না দেখি বৈষ্ণব সুধম্মারে।।
হংসধ্বজ নরপতি, বিহবলে পড়িয়া ক্ষিতি,
পুত্রশোকে হরিল চেতন।
কেহ জল দেয় মুখে, কর্ণমূলে কেহ ডাকে,
পুত্রশোকে মুচ্ছিত রাজন।।
নগরে বনিতা ধেয়ে, সমাচার দিল গিয়ে,
সুধম্মার জননি যেখানে।
শুন শুন ঠাকুরাণী, সুধম্মা ত্যজিল প্রাণী,
অগ্নি সহ তৈলের মিলনে।।
শুনি অমঙ্গল কথা, চলে সুধম্মার মাতা,
ত্যজিয়া চলেন অন্তঃপুরী।
বধূগণ চলে সাথে, শোকাকূল হয়ে চিতে,
প্রভাবতী সুধম্মার নারী।।
লজ্জা ভয় নাহিকরে, কান্দে রামা উচ্চৈঃস্বরে,
কোথা প্রভু বৈষ্ণব সুধম্মা।
রণস্থলে প্রবেশিয়ে, কে ধরিবে ধনঞ্জয়ে,
কৃষ্ণকে দেখাবে কোন জনা।।
ধরিয়া রাজার পায়, কান্দে রাণী উভরায়,
কেন কৈলা নিদারুণ পণ।
রণস্থলে প্রবেশিবে, অর্জুনেরে পরাজিবে,

মহাভারত (অশ্বমেধ পর্ব)
 মিছে তুমি করিলে ভাবনা।।
 রাজা বলে উঠ পুত্র, লহ তুমি নানা অস্ত্র,
 পরাভব করহ অজ্জুনে।
 আছিল সে অভিলাষ, দেখিবারে শ্রীনিবাস,
 আনিয়া দেখাও নারায়ণে।।
 এত বলি সে রাজন, পুত্রশোকে অচেতন,
 প্রবোধ করয়ে রাজরাণী।
 শোকসিন্ধু তেয়োগিয়া, অজ্জুনেরে পরাজিয়া,
 আনিয়া দেখাও চক্রপাণি।।
 পুলকে পূর্ণিত হয়ে, নৃপ অগ্রে পাত্র ধেয়ে,
 কহিছেন শুন মহারাজ।
 সুধম্বা না মরে তৈলে, বসিয়াছে কুতূহলে,
 যেন দেখি প্রফুল্ল পঙ্কজ।।
 মহাভারতের কথা, শ্রবণে ঘুচয়ে ব্যথা,
 কলির কলুষ হয় নাশ।
 কমলাকান্তের সুত, সুজনের মনঃপুত,
 বিরচিল কাশীরাম দাস।।

তপ্ত তৈল হইতে সুদম্বার উখান ও পাণ্ডব সৈন্যের সহিত যুদ্ধ

সুমতি পাত্রের মুখে শুনিয়া বচন।
 সুধম্বা দেখিতে রাজা করিল গমন।।
 বসিয়া সুধম্বা আছে তৈলের ভিতরে।
 কাঞ্চন প্রতিমা যেন দেখে মহাবীরে।।
 নাহি মরে সুধম্বা দেখিল নৃপমণি।
 হরিষে করয়ে লোক জয় জয় ধ্বনি।।
 শঙ্খ পুরোহিত বলে শুন নরপতি।
 তৈল নাহি তাতে তেই হরিষিতে স্থিতি।।
 পুত্রস্নেহ হেতু তুমি ভাণ্ডো আমারে।
 তপ্ত নাহি হয় তৈল কহিনু তোমারে।।

পরীক্ষা করিয়া তৈল কহিনু তোমারে।
 পরীক্ষা করিয়া তৈল জানিব সকল।।
 আমারে আনিয়া দেহ নারিকেল ফল।
 নারিকেল অনুচরে আনয়ে সত্বরে।
 পুরোহিত ফেলে তাহা তৈলের উপরে।।
 তৈল পরশিতে ফল শতখান হৈল।
 শঙ্খ পুরোহিত ভালে আসিয়া বাজিল।।
 অচেতন হয়ে দোঁহে পড়িল ধরণী।
 ভয় প্রাপ্তে দোঁহারে তুলিল নৃপমণি।।
 কতক্ষণে দুইজন পাইলা চেতন।

সুমতি পাত্রে রাজা জিজ্ঞাসে কারণ।।
 তৈল পরশিতে শিশু কি বাক্য বলি।
 অপূর্ব ঔষধ মুখে কিবা দিয়াছিল।।
 পাত্র বলে অবধান কর দ্বিজবর।
 নারায়ণে সুধন্বা ডাকিল বহুতর।।
 কৃষ্ণ কৃষ্ণ বলি মুখে, তৈলেতে পড়িল।
 সকল লোকেতে ইহা নয়নে দেখিল।।
 রক্ষা করিলেন হরি এই সুধন্বারে।
 ঔষধ না জানে কিছু, কহিনু তোমারে।।
 পাত্র বোলে দুইজন হৈল হরষিত।
 বাঁপ দিতে তৈলকুণ্ডে চলিল ত্বরিত।।
 আমরা পাষণ্ড বড় হিংসিনু বৈষ্ণবে।
 রাখিলে এ পাপ তনু নরকে ডুবিলে।।
 এত বলি তৈলেতে পড়িল দুইজন।
 সুধন্বার অঙ্গ স্পর্শে এড়ায় মরণ।।
 শঙ্খ পুরোহিত লয়ে রাজার কুমার।
 তৈল হৈতে উঠিলেন আনন্দ অপার।।
 হরষিত হংসধ্বজ পুত্র দরশনে।
 সুধন্বা প্রণাম কৈল পিতার চরণে।।
 তবে দুই পুরোহিত কহিল রাজারে।
 সুধন্বা সমান ভক্ত নাহিক সংসারে।।
 বৈষ্ণব হিংসিয়া মোরা পাইনু যন্ত্রণা।
 শুন হংসধ্বজ বড় বৈষ্ণব সুধন্বা।।
 সুধন্বা জিনিবে রণ ইথে নাহি আন।
 আনিয়া তোমারে দেখাইবে ভগবান।।
 পুরোহিত মুখে রাজা শুনিয়া বচন।
 সুধন্বাকে তুষিলেন দিয়া আলিঙ্গন।।
 হেনকালে রাজরাণী কহে সুধন্বারে।
 শুভক্ষণে তোমা আমি ধরিনু উদরে।।

শুন পুত্র শীঘ্র যাও করিবারে রণ।
 আনিয়া দেখাও মোরে কমললোচন।।
 এত বলি রাজরাণী গেল নিজঘরে।
 হরিষে সুধন্বা যায় যুদ্ধ করিবারে।।
 সুধন্বা সংগ্রাম করে হাতে ধনুর্বাণ।
 চঞ্চল পাণ্ডব সৈন্য নাহি ধরে টান।।
 তবে বৃষকেতু বীর কর্ণের তনয়।
 রথ আরোহিয়া আসে সমরে নির্ভয়।।
 ধনুকে টঙ্কার দিয়া প্রবেশিল রণে।
 যুদ্ধ আরম্ভিল তবে সুধন্বার সনে।।
 বৃষকেতু শত বাণ পূয়িল সন্ধান।
 সুধন্বা কাটিয়া তাহা কৈল খান খান।।
 পঞ্চশত বাণ এড়ে রাজার নন্দন।
 বাণাঘাতে বৃষকেতু হৈল অচেতন।।
 সুধন্বা বিস্ময়ে তবে কর্ণের নন্দনে।
 আশু হৈল কামদেব ক্রোধ করি মনে।।
 চেতন পাইয়া উঠে কর্ণের কুমার।
 ধনুক পাতিল বীর আসি পুনর্বার।।
 সুধন্বাকে ডাকিয়া বলিল ক্রোধমনে।
 আমার সহিত যুদ্ধ বিস্ম অন্যজনে।।
 এ নহে ক্ষত্রিয় ধর্ম শুনহ সুধন্ব।
 আজি তোমা বধি আমি রাখিব ঘোষণা।।
 এত বলি বৃষকেতু বাণবৃষ্টি করে।
 নিবারে সুধন্বা তাহা চোখ চোখ শরে।।
 বৃষকেতু রথধ্বজ সুধন্বা কাটিল।
 সারথির মাথা কাটি ভূমেতে পাড়িল।।
 বাণ গুণ ধনু তার কাটিলেক শরে।
 মারিল সহস্র বাণ বৃষকেতু বীরে।।
 ভঙ্গ দিয়া গেল তবে কর্ণের নন্দন।

প্রদ্যুম্ন আইল তবে করিবারে রণ।।
 মহাক্রোধভরে বীর আইল সমরে।
 বাণাঘাতে পড়িল যতেক বীরবরে।।
 তাহা দেখি সুধম্মার ক্রোধ উপজিল।
 একবারে শতবাণ সন্ধান পূরিল।।
 প্রদ্যুম্নে বিক্ষিপ্ত বীর করিয়া যতন।
 শোণিত ভূষিত তনু রুক্মিণী নন্দন।।
 পুনঃ পুনঃ বিক্ষেপে বাণ পূরিল আকর্ণ।
 বাণাঘাতে সুধম্মা যে হইল বিবর্ণ ।।
 সুধম্মা সহিত রণ কৈল বহুতর।
 কেহ পরাভব নহে দোঁহাতে সোসর।।
 হেনমতে দুইজনে হইল সমর।
 কৃতবর্মা আইলেন লয়ে ধনুঃশর।।
 সুধম্মা সহিত রণ কৈল বহুতর।
 সহিতে না পারি যুদ্ধ হইল ফাঁপর।।
 বাণাঘাতে কৃতবর্মা পড়ে গিয়া দূরে।
 অনুশাল্ল দৈত্য আসে যুদ্ধ করিবারে।।
 ধনুক পাতিল সুধম্মার সন্নিধানে।
 আবারে আকাশ দোঁহে বাণ বরিষণে।।
 ডাক দিয়া অনুশাল্ল বলে ক্রোধ বাণী।
 আজি শরাঘাতে তোর বধিব পরাণী।।
 ভয় পেয়ে দৈত্যেশ্বর সুধম্মার রণে।
 সহিতে না পারে বীর বাণের সন্ধানে।।
 পরশু পট্টিশ গদা এড়ে দৈত্যপতি।
 সুধম্মা নিবারে তাহা করিয়া শকতি।।
 শিলীমুখ সুচীমুখ অর্দ্ধচন্দ্র বাণ।
 সুধম্মা উপরে দৈত্য পূরিল সন্ধান।।
 নিবারয়ে রাজসুত বাণের আঘাতে।
 তাহা দেখি অনুশাল্ল ভীত হৈল চিতে।।

সুধম্মা করিল তবে বাণের সন্ধান।
 শরজালে দৈত্যের কাটিল ধনুর্বাণ।।
 কাটিল রথের ঘোড়া সারথির মুণ্ড।
 বাণ গুণ ধনু কাটি কৈল খণ্ড খণ্ড।।
 মারিল সহস্র বাণ দৈত্যের উপরে।
 মুচ্ছা হৈয়া অনুশাল্ল পড়ে গিয়া দূরে।।
 আগে হৈয়া যুবনাশ্ব পুত্রের সংহতি।
 বাণবৃষ্টি করে দোঁহে যতেক শকতি।।
 সুধম্মা নিবারে বাণ হাতে ধরি চাপ।
 বাণবৃষ্টি করিলেন দুর্জয় প্রতাপ।।
 সুধম্মার বাণ যেন অগ্নির সমান।
 সহিতে না পারে রাজা কাতর পরাণ।।
 সুবেগ সাহস করি প্রবেশিল রণে।
 পিতা পুত্রে অচেতন সুধম্মার বাণে।।
 রথ হৈতে দূরেতে পড়িল দুইজন।
 সাত্যকি আইল তবে করিবারে রণ।।
 সাত্যকি সহিত পরে যুঝয়ে সুধম্মা।
 ভয়েতে কাতর হয় পাণ্ডবের সেনা।।
 যুঝিতে নারিল কেহ সুধম্মার সাথে।
 পলায় পাণ্ডব সেনা ভয় পেয়ে চিতে।।
 বিমুখ হইল তবে যত সেনাপতি।
 তাহা দেখি আইলেন পার্থ মহামতি।।
 ধনঞ্জয় ডাকিয়া বলে সুধম্মারে।
 ভঙ্গ দিল সৈন্য মম তোমার সমরে।।
 পরাক্রম যত তব দেখিলাম আমি।
 সাহস করিয়া মম সঙ্গে যুঝ তুমি।।
 সুধম্মা বলেন শুন বীর ধনঞ্জয়।
 যুঝিব তোমার সনে মম নাহি ভয়।।
 কিন্তু এক কথা আমি জিজ্ঞাসি তোমারে।

কৃষ্ণেরে না দেখি কেন তব রথোপরে।।
 সারথি তোমার রথে নাহি নারায়ণ।
 কেমনে করিবে তুমি মম সহ রণ।।
 কুরুক্ষেত্র যুদ্ধে তমি জিনিলে সবায়।
 তব রথে সারথি ছিলেন যদুরায়।।
 এবে কৃষ্ণহীন তুমি কিসের লাগিয়া।
 নারিবে জিনিতে যুদ্ধ, যাওত ফিরিয়া।।
 তোমার প্রতিজ্ঞা আমি শুনি লোকমুখে।
 খাণ্ডব দাহন তুমি করিলা কৌতুকে।।
 কিরাত শঙ্কর সঙ্গে করিলা সমর।
 ত্রিভুবনে বীর নাহি তোমার সোসর।।
 শুনহ অর্জুন তোমায় করি নিবেদন।
 কোন্ স্থানে কৃষ্ণ বিনা জিনিয়াছ রণ।।
 সংগ্রাম জিনিয়া তব প্রকাশিল যশ।
 হারিলে আমার যুদ্ধে হবে অপযশ।।
 যদি যুদ্ধ করিতে তোমার থাকে মন।
 আপনি সারথি লহ দেব নারায়ণ।।
 সুধম্বার বচনে অর্জুন ক্রোধবান।
 গাণ্ডীব লইয়া হাত পুরেন সন্ধান।।
 আকর্ষণ পূরিয়া মারিলেন সুধম্বারে।
 হংসধ্বজ সুত তাহা নিবারিল শরে।।
 ক্রোধে বাণ মারিলেন রাজার নন্দন।
 বাণের উপর বাণ করে বরিষণ।।
 অর্জুনের বাণ বৃষ্টি আকাশ ছাইল।
 ঘোরতর অন্ধকার করি আচ্ছাদিল।।
 ভয়েতে পলায় যত নৃপ সেনাগণ।
 অর্জুনের বাণে কেহ নহে স্থির মন।।
 গজবাজী রথে পড়ে গণিতে না পারি।
 রুধিরে কর্দম ভূমি দেখে ভয় করি।।

অর্জুনের যুদ্ধ দেখি কম্পবান সেনা।
 সাহস করিয়া যুদ্ধ করিছে সুধম্বা।।
 কাটিল সকল অস্ত্র চক্ষুর নিমিষে।
 সুধম্বা বিক্রম দেখি অর্জুন প্রশংসে।।
 সুধম্বা সাহস করি করিছে সংগ্রাম।
 অর্জুন উপরে অস্ত্র পড়ে অবিশ্রাম।।
 অর্জুনের রথ বীর করে নিরীক্ষণ।
 সারথি চালায় রথ নাহি নারায়ণ।।
 নৃপতি তনয় তবে বিচারিল মনে।
 অর্জুনের সারথি কাটিলে এক বাণে।।
 তবে আসিবেন কৃষ্ণ অর্জুনের রথে।
 এতবলি দশ বাণ যুড়িল ত্বরিতে।।
 সুধম্বা এড়িল বাণ পুরিয়া সন্ধান।
 সারথির মাথা কাটি কৈল দুইখান।।
 অর্জুর অর্জুন তনু সুধম্বার বাণে।
 রথ নাহি চলে বীর যুবেন কেমনে।।
 হইলেন কাতর তখন ধনঞ্জয়।
 স্মরণ করিবামাত্র কৃষ্ণের উদয়।।
 সুধম্বা দেখিল কৃষ্ণ রথের উপর।
 যোড়হস্ত হয়ে বীর নানা স্তুতি করে।।
 আজি যে সকল হৈল আমার জীবন।
 একত্র দেখিনু আজি নর নারায়ণ।।
 ব্রহ্মাদি দেবতা যাঁরে না পায় দেখিতে।
 হেন কৃষ্ণ দেখিলাম অর্জুনের রথে।।
 ধন্য হে অর্জুন তুমি পাণ্ডুর নন্দন।
 স্মরণে আনিলে তুমি দেব নারায়ণ।।
 চিরদিন যোগাসনে ভাবে যোগীগণ।
 বহু তপ করিয়া না পায় দরশন।।
 হেন কৃষ্ণ আইলেন স্মরণ করিতে।

হস্তেতে পাঁচনী ধরি রথ চালাইতে।।
 ধন্য হে অর্জুন তুমি পাণ্ডুর কুমার।
 এ তিন ভুবনে নাহি তুলনা তোমার।।
 এখন যুঝিব আমি তোমার সংহতি।
 প্রতিজ্ঞা করহ তুমি পার্থ মহামতি।।
 অর্জুন বলেন তোমা পরাজিব রণে।
 প্রতিজ্ঞা করিনু আমি কৃষ্ণ বিদ্যমানে।।
 সুধন্বা বলেন শুন বীর ধনঞ্জয়।
 আমি তব তিন বাণ কাটিব নিশ্চয়।।
 কাটিয়া তোমার বাণ ফেলিব ভূমিতে।
 সত্য করি কহিলাম কৃষ্ণের সাক্ষাতে।।
 সুধন্বার বচন শুনিয়া নারায়ণ।
 প্রবোধ করিয়া পার্থে কহেন তখন।।
 এমত প্রতিজ্ঞা তুমি কর কি কারণ।
 এমত প্রতিজ্ঞা কভু না হয় শোভন।।
 সুধন্বা বৈষ্ণব বড় শুন ধনঞ্জয়।
 কাটিবে তোমর অস্ত্র কহিনু নিশ্চয়।।
 তিনবানে সুধন্বাকে কাটিবে কেমনে।
 তৃণ তুল্য নহ তুমি সুধন্বার রণে।।
 মহাবলবন্ত হংসধ্বজের নন্দন।
 শুন সখা প্রতিজ্ঞা করিলে কি কারণ।।
 অর্জুন বলেন কৃষ্ণ তুমি যার সাথ।
 কখন কি হয় তার প্রতিজ্ঞা ব্যাঘাত।।
 কখন প্রতিজ্ঞা মম ব্যর্থ নাহি হয়।
 তোমার প্রসাদে মম সর্বত্রিতে জয়।।
 ঈষৎ হাসেন হরি অর্জুনের বোলে।
 সুধন্বা ধনুক হাতে নিল সেইকালে।।
 অর্জুন গাণ্ডীব ধরিলেন হৃষ্টমনে।
 সাহস করিয়া যুদ্ধ করে দুইজনে।।

সুধন্বা যতেক বাণ পূরিল সন্ধান।
 বাণেতে অর্জুন করিলেন খান খান।।
 অর্জুন এড়েন বাণ সুধন্বা উপরে।
 নৃপতি তনয় তাহ নিবারিল শরে।।
 হেনমতে দোঁহে যুদ্ধ করিলেন নানা।
 দেবাসুরে দিতে নাহি তাহার তুলনা।।
 অগ্নিবাণ সুধন্বা করিল অবতার।
 বারণাস্ত্রে নিবারিল ইন্দ্রের কুমার।।
 যুড়িল বায়ব্য অস্ত্র পাণ্ডুর কুমার।
 পর্বতাস্ত্রে সুধন্বা করিলেন সংহার।।
 দোঁহে মহাবলবন্ত বিক্রমে বিশাল।
 দুইজনে যুঝে যেন প্রলয়ের কাল।।
 কোপেতে সুধন্বা দিব্য অস্ত্র নিল হাতে।
 আকর্ণ পূরিয়া মারে অর্জুনের মাথে।।
 বাণাঘাতে হইলেন অর্জুন ফাঁপর।
 পড়িলেন কৃষ্ণ কোলে হইয়া কাতর।।
 হাত বলায়েন হরি পার্থের শরীরে।
 শ্রম দূর করিয়া নিলেন ধনু করে।।
 অর্জুন মারেন বাণ দিয়া হুল্লুকার।
 দশযোজন পাছু হৈল রাজার কুমার।।
 কতক্ষণে সুধন্বা আইল পুনর্বার।
 মহাক্রোধে বাণ মারে অর্জুন উপর।।
 সেই বাণে রথ গেল উভয় যোজন।
 দেখিয়া কহেন কৃষ্ণ পাণ্ডুর নন্দন।।
 হে কৃষ্ণ দেখিয়া কি করিলা নিরূপণ।
 দোঁহা মধ্যে বলবান হয় কোন্ জন।।
 হাসিয়া অর্জুন বাক্যে কহেন শ্রীহরি।
 তোমা হৈতে সুধন্বারে আমি ব্যাখ্যা করি।।
 আমি রথে বিশ্বস্তর ধ্বজে হনুমান।

আমা দোঁহে ঠেলি গেল উভয় যোজন।।
আমি নামি রথ হৈতে দেখ বীরবর।
কিমতে রাখহ রথ আমার গোচর।।
এত বলি নামিলেন হরি বিশ্বস্তর।
মারিলেন ত্রোদে বাণ রাজার কুমার।।
সেই বাণে রথ গেল চল্লিশ যোজন।
দেখিয়া বিস্ময় মানে অর্জুনের মন।।
কতক্ষণে আইলেন ইন্দ্রের নন্দন।

কহিলেন বন্দি প্রভু কমললোচন।।
তোমার মায়ায় মুগ্ধ আছে সর্বজন।
তোমর মহিমা প্রভু জানে কোন্ জন।।
অনেক সঙ্কটে প্রভু করেছ তারণ।
এবার করহ রক্ষা শ্রীমধুসূদন।।
মহাভারতের কথা অমৃত সমান।
কাশীরাম দাস কহে শুনে পুণ্যবান।।

সুধম্বার মুণ্ডচ্ছেদন ও সেই মুণ্ড প্রয়াগে নিক্ষেপ

জন্মোজয় জিজ্ঞাসিল মুনিবর স্থানে।
কহিল বৈশম্পায়ন রাজা বিদ্যমানে।।
শেলপাট হাতে নিয়া পাণ্ডুর কুমার।
সুধম্বারে মারিলেন দিয়া হুঙ্কার।।
সুধম্বা কাটিল শেল দিয়া দশ শর।
অর্জুন চিন্তিত তবে দেখিয়া সমর।।
সুধম্বারে জিনিতে নারিল ধনঞ্জয়।
তিন বাণ লইলেন হইয়া নির্ভয়।।
সন্ধান করেন পার্থ ধনুকের গুণে।
সুধম্বা দেখিয়া তাহা ভীত হৈল মনে।।
অর্জুন বলেন তুমি ভীত অকারণ।
মরিবে আমার বাণে নাহি পরিত্রাণ।।
সুধম্বা বলেন মম যদি ভাগ্য থাকে।
শরীর ত্যজিব আমি কৃষ্ণের সম্মুখে।।
চিরদিন সাধ আছে কৃষ্ণ দরশনে।
দেখিনু সে নারায়ণ আপন নয়নে।।
ক্ষত্রিয় প্রধান কর্ম সম্মুখ সংগ্রাম।
মরিলে পাইব আমি সক্ষম নিব্বাণ।।
কাটিব তোমায় বাণ শুন ধনঞ্জয়।

রাখিতে না পারিবেন হরি দয়াময়।।
এত যদি সুধম্বা করিল অহঙ্কার।
কোপে বাণ এড়িলেন পাণ্ডুর কুমার।।
অনন্তের ভয় হৈল চঞ্চলা ধরণী।
বাণ দেখি সুধম্বা জপিছে চক্রপাণি।।
হুঙ্কার দিয়া বাণ এড়েন অর্জুন।
সুধম্বা সে তিন বাণ কাটে সেইক্ষণ।।
তাহা দেখি পার্থে পাইলেন অপমান।
হেঁটমাথা করিলেন ব্যর্থ দেখি বাণ।।
মনোহর কৃষ্ণলীলা কে বুঝিতে পারে।
ভূমিতে পড়িয়া বাণ উঠিল সত্বরে।।
মহাবেগে অর্দ্ধশর শীঘ্রগতি যায়।
ভগ্নবাণ সুধম্বাকে কাটিয়া ফেলায়।।
মহাশব্দে হাহাকার করে সেনাগণে।
পড়িল সুধম্বা বীর অর্জুনের বাণে।।
অর্জুন কাটিল যদি সুধম্বার মাথা।
কাটামুণ্ড ডাকি বলে প্রাণকৃষ্ণ কোথা।।
বিষ্ণু অনুগত সেই সুধম্বা বৈষ্ণব।
হাসিয়া তাহার তেজ নিলেন মাধব।।

সুধন্বা হইল লিপ্ত কৃষ্ণ কলেবরে।
 তাহা দেখি পার্থ বীর বিস্ময় অন্তরে।।
 হরি পদতলে তার পড়িলেক শির।
 সেই শির হস্তে লইলেন যদুবীর।।
 ভক্তের মস্তক দেখি দয়া হৈল মনে।
 গরুড়েরে নারায়ণ ডাকেন তখনে।।
 বিনতা নন্দন রহে যোড়হাত হৈয়া।
 কহিলেন তাঁরে হরি ঈষৎ হাসিয়া।।
 সুধন্বার মুণ্ড লয়ে চলহ সত্বরে।
 ফেলাইয়া এস মুণ্ড প্রয়াগের নারে।।
 প্রয়াগ পবিত্র হবে মস্তক পরশে।
 শুনহ গরুড় যাহ আমার আদেশে।।
 পাইয়া হরির আজ্ঞা কশ্যপনন্দন।
 সুধন্বার শির লয়ে করিল গমন।।
 হিমালয়ে থাকিয়া দেখেন পশুপতি।
 বৃষকে ডাকিয়া তবে বলেন ঋটিতি।।
 শুনহ বৃষভ তুমি আমার বচন।
 গরুড়ের স্থানে তুমি করহ গমন।।
 সুধন্বার মুণ্ড তুমি আনহ সত্বরে।
 ফেলিতে না পারে যেন প্রয়াগের নীরে।।
 তাহা শুনি শঙ্করে বলেন ভগবতী।
 আনিতে নারিবে মুণ্ড বৃষ অল্পমতি।।
 গরুড়ের স্থানে মুণ্ড কে আনিতে পারে।
 অপমান পাবে প্রভু কহিনু তোমারে।।
 প্রয়াগে ফেলিতে আজ্ঞা দিলেন শ্রীহরি।
 বৃষভ অশক্ত হবে আনিতে না পারি।।
 শিবের হইল ক্রোধ শিবাব বচনে।
 ত্বরায় বৃষভ গেল গরুড়ের স্থানে।।
 বিনতানন্দন জিজ্ঞাসিল বৃষভেরে।

শিবের বাহন তুমি যাবে কোথাকারে।।
 বৃষভ বলিল শুন বিনতানন্দন।
 সুধন্বার মুণ্ডেতে শিবের প্রয়োজন।।
 পাঠাইল মহাদেব মস্তক লইতে।
 এই হেতু আইলাম তোমার সাক্ষাতে।।
 গরুড় বলিল মুণ্ড দিতে নাহি পারি।
 প্রয়াগে ফেলিতে মুণ্ড কহিলেন হরি।।
 তাঁর বাক্য লজ্জিব্বারে আমি নাহি পারি।
 প্রয়াগে ফেলিব মুণ্ড শুন সত্য করি।।
 বৃষভ বলিল মুণ্ড নারিবা ফেলিতে।
 সুধন্বার মুণ্ড আমি লৈব বলেতে।।
 হাসিয়া গরুড় বলে নাহি তোর লাজ।
 শুন নাহি শিবমুখে আমি পক্ষীরাজ।।
 গরুড়ের বাক্যে বৃষভের ক্রোধ হৈল।
 মস্তক কারণ দোঁহে যুদ্ধ উপজিল।।
 গরুড়ের সনে বৃষ বুঝিতে নারিয়া।
 ভাবিতে লাগিল বৃষ পরাভব পাইয়া।।
 পাখসাটে বৈনতেয় ফেলাইল তায়ে।
 বৃষভ পড়িল গিয়া শিবের গোচরে।।
 অচেতন বৃষভেরে দেখিয়া ভবানী।
 মুখে জল দিয়া তার রাখিল পরাণী।।
 শঙ্করে কহেন ক্রোধে দেবী ভলবতী।
 যতেক ভাদড়লা তোমার সম্ভৃষ্টি।।
 বিষ্ণুর বাহন পক্ষী মহাবল ধরে।
 বৃষভ পাঠাও তুমি মুণ্ড আনিবারে।।
 গৌরীর বচনে ক্রুদ্ধ হয়ে গঙ্গাধর।
 নন্দীকে বলেন তুমি যাহত সত্বর।।
 গরুড়ে জিনিয়া মুণ্ড আনিবে সত্বরে।
 হিমালয় নন্দিনী আমাকে তুচ্ছ করে।।

এত বলি শূল দেন দেব পঞ্চগনন।
নন্দী মহাবীর তবে করিল গমন।।
গরুড় দেখিয়া তবে শিবের কিঙ্কর।
মহাবলবান নন্দী শিবের সোসর।।
ইহা দেখি পক্ষীরাজ আকাশে উঠিল।
দেখিয়া শিবের দূতে ভয় উপজিল।।
গরুড় ফেলিল মুণ্ড প্রয়াগের জলে।
হাত পাতি নন্দী মুণ্ড ধরিল সে কালে।।
আনিয়া মস্তক দিল শঙ্করের হাতে।
তাহা দেখি পার্বতী রহিল হেঁটমাথে।।
সুধন্বার মস্তক পাইয়া শূলপাণি।
মালাতে সুমেরু করিলেন মহাজ্ঞানী।।
শুন রাজা জনোজয় কহিনু তোমারে।
সুধন্বা নিপত হৈল অর্জুনের শরে।।
হংসধ্বজ শুনিল এ সব বিবরণ।
কোথায় সুধন্বা বলি করয়ে রোদন।।
পিতার ক্রন্দন দেখি সুরথ সত্বরে।

যোড়হাতে বলিলেন পিতার গোচরে।।
শুন পিতা আর তুমি না কর ক্রন্দন।
আমি তোমা আনিয়া দেখাব নারায়ণ।।
সেনাগণ লয়ে বীর প্রবেশিল রণে।
কামদেব আইল করিয়া বীরপণে।।
যুবনাশ্ব অনুশাল্ব নীলধ্বজ রায়।
বৃষকেতু মেঘবর্ণ শীঘ্রগতি ধায়।।
সুরথ উপরে সবে বরিষয়ে বাণ।
নিবারয়ে ভূপতি তনয় সাবধান।।
সুরথ জর্জর হৈল বাণ বরিষণে।
মোহ গেল কামদেব বাণের আঘাতে।।
সারথি লইয়া রথ গলায় ত্বরিতে।
বৃষকেতুব বীরে মারে এক শত বাণ।।
ভঙ্গ দিল বৃষকেতু লইয়া পরাণ।
মহাভারতের কথা অমৃত সমান।।
কাশীরাম দাস কহে শুনে পুণ্যবান।

সুরথের যুদ্ধ ও মৃত্যু এবং হংসধ্বজ রাজার শ্রীকৃষ্ণ দর্শন

জনোজয় বলিলেন শুন মুনিগণ।
অপূর্ব ভারত কথা শুনিতে সুন্দর।।
দুই বাণে যুবনাশ্ব হৈল হতজ্ঞান।
রথ লয়ে সারথি হৈল পাছুয়ান।।
সুবেগে বিক্ষিণ বীর ষষ্ঠি গোটা বাণে।
ভঙ্গ দিল সৈন্যগণ ভয় পেয়ে মনে।।
সৈন্য ভঙ্গ দেখিয়া কুপিত ধনঞ্জয়।
জিজ্ঞাসেন নারায়ণে করিয়া বিনয়।।
সংগ্রাম করিতে আসে কোন্ মহারথী।
সৈন্য ভঙ্গ দিল মম যত সেনাপতি।।

সুরথ উহার নাম বড় বলবান।
সংগ্রামে না হয় কেহ উহার সমান।।
অর্জুন বলেন রথ চালাও শ্রীহরি।
আজি সুরথেরে পাঠাইব যমপুরী।।
পার্শ্বে দেখি সুরথ করয়ে অহঙ্কার।
পড়িলে আমার হাতে নাহিক নিস্তার।।
সুরথের বচনে অর্জুন ক্রুদ্ধ হৈল।
এক শত বাণ বীর ধনুকে যুড়িল।।
মারেন আকর্ণ পূরি সুরথ উপরে।
ভূপতি তনয় তাহা নিবারিল শরে।।

তবেত সুরথ হংসধ্বজের কোঙর।
 হুঙ্কারে এড়িল অস্ত্র অর্জুন উপর।।
 লুপ্ত হৈল রবিকর সব অন্ধকার।
 দিব্য অস্ত্রে সংগ্রাম করয়ে বার বার।।
 জিনিতে না পারে যুদ্ধ সুরত চিন্তিত।
 চঞ্চল নয়ন বীর দৃষ্টি চারিতিত।।
 কপিধ্বজ রথখান দেখিয়া সম্মুখে।
 দুই হাতে সাপটিয়া ধরিল তাহাকে।।
 সাপটি তুলিল রথ নিজ বাহুবলে।
 ফেলাইয়া দিতে চাহে সমুদ্রের জলে।।
 তাহা দেখি ঈষৎ হাসিয়া গদাধর।
 বিশ্বস্তুর মূর্তি হইলেন রখোপর।।
 তুলিতে নারিল রথ ভূমিতে পাড়িল।
 আপনার রথে গিয়া আরোহণ কৈল।।
 সুরথের বিক্রম দেখিয়া ধনঞ্জয়।
 গাঞ্জীব নিলেন বীর অত্যন্ত নির্ভর।।
 অর্জুন এড়েন বাণ পূরিয়া সন্ধান।
 সুরথের মাথা কাটি করে দুই খান।।
 পড়িল সুরথ হংসধ্বজের নন্দন।
 মুণ্ড লয়ে শিবদূত করিল গমন।।
 বৈষ্ণবের মুণ্ড বলি নিলেন শঙ্কর।
 সুরথ পড়িল বার্তা পায় নৃপবর।।
 পুত্রশোকে হংসধ্বজ করয়ে রোদন।
 প্রবোধ করেন পাত্র মিত্র সর্ব্বজন।।
 কেমনে দেখিব হরি বল না আমারে।
 পাত্র বলে মহারাজ চলহ সত্বরে।।
 রথ পদাতিক লয়ে করহ গমন।
 অর্জুনের সারথি দেখিব নারায়ণ।।
 আপনি যজ্ঞের ঘোড়া লহ নরপতি।

হরির সম্মুখে রাখি করহ প্রণতি।।
 নানা উপহার লয়ে চলে নরপতি।
 দূত গিয়া শ্রীহরিরে কহেন ভারতী।।
 অশ্ব লয়ে আসে হংসধ্বজ নরবর।
 শরণ লইবে তব শুন গদাধর।।
 নৃপতির অভিপ্রায় বুঝি যদুবর।
 বারণ করেন পার্থে করিতে সমর।।
 হেনমতে হংসধ্বজ আইল ত্বরিতে।
 দেখিলেন নারায়ণে অর্জুনের রথে।।
 শঙ্খ চক্র গদাপদ্ম চতুর্ভুজ লীলা।
 মকর কুণ্ডল কর্ণে গলে বনমালা।।
 নবজলধর জিনি শ্রীমঙ্গের আভা।
 দক্ষিণ বামেতে লক্ষা সরস্বতী শোভা।।
 পারিষদগণ তাঁর সঙ্গেতে দেখিল।
 রথ হৈতে হংসধ্বজ ভূমেতে নামিল।।
 অষ্টাঙ্গে প্রণাম করি পড়িল ভূমেতে।
 গোবিন্দ চরণে মাথা লাগিল ভূমিতে।।
 যোড়হস্ত হয়ে রাজা করিল স্তবন।
 তুমি ব্রহ্মা তুমি বিষ্ণু তুমি ত্রিলোচন।।
 কুবের বরুণ তুমি দেব পুরন্দর।
 তুমি চন্দ্র তুমি সূর্য্য তুমি বৈশ্বানর।।
 তুমি স্বর্গ তুমি মর্ত্ত্য তুমি দিবারাতি।
 সলিল সাগর তুমি সর্ব্ব অব্যাহতি।।
 তা সবার মূল তুমি দেব নারায়ণ।
 তোমাতেই সর্ব্ব সৃষ্টি লভিল জনম।।
 অপার মহিমা তব কেহ নাহি জানে।
 বলিতে না পারে ব্রহ্মা সহস্র বদনে।।
 আমার মনেতে প্রভু এই ছিল সাধ।
 অর্জুন সহিত তোমা দেখি কালাচাঁদ।।

সে সাধ সম্পূর্ণ আজি হইল আমার।
দয়াময় দয়া করি করহ নিস্তার।।
ধন্য ধনঞ্জয় বীর পাণ্ডুর নন্দন।
যার রথে আছ তুমি ব্রহ্ম সনাতন।।
সফল জনম মম হৈল এতদিনে।
দেখিনু তোমার রূপ আপন নয়নে।।
এত বলি হংসধ্বজ স্তবন করিলে।
ভক্তপ্রিয় হরি তারে করিলেন কোলে।।
হরির প্রসাদ পেয়ে সুখী নরপতি।
অর্জুন চরণে রাজা করিল প্রণতি।।
আলিঙ্গনে রাজারে তোষেন ধনঞ্জয়।
হেনকালে অনুচরে আনিলেক হয়।।
হংসধ্বজ বলিলেন পাণ্ডুর নন্দন।

ঘোড়া ধরিলাম দেখিবারে নারায়ণ।।
পূর্ণ হৈল অভিলাষ হরিকে দেখিয়া।
শুন অর্জুন তুমি যাহ অশ্ব লৈয়া।।
কিন্তু এক ভিক্ষা আমি মাগিছে তোমারে।
আজি তুমি বিশ্রাম করহ মম পুরে।।
অনুমতি দেন পার্থ রাজার বচনে।
কৃষ্ণ লয়ে গেল রাজা নিজ নিকেতনে।।
সবাক্ষবে নৃপতি দেখিল নারায়ণে।
যতেক আনন্দ হৈল না যায় লিখনে।।
যথাযোগ্য আহারে তুষিল সবাকারে।
রজনী বন্ধন দ্বার ধ্বংসজ্ঞ পুরে।।
বিজয় পাণ্ডব কথা অমৃত লহরী।
কাশীরাম দাস কহে তরি ভববারি।।

যজ্ঞাশ্বের ব্যাঘ্ররূপ ধারণ

জন্মোজয় বলিলেন শুন তপোধন।
শুনিলাম হংসধ্বজ রাজার কথন।।
বিবরিয়া কহ শুন মুনি মহাশয়।
ঘোড়া সঙ্গে কোথায় গেলেন ধনঞ্জয়।।
মুনি বলে অশ্ব গিয়া প্রবেশিল বনে।
হরষিতে যান হরি অর্জুনের সনে।।
বনের ভিতরে গাছে দিব্য সরোবর।
চারিদিকে পুষ্পোদ্যান দেখিতে সুন্দর।।
রামরস্তা আছে কত সরোবর তটে।
দৈবযোগে অশ্ববর গেল সেই খাটে।।
জল পরশিয়া অশ্ব ঘোটকী হইল।
তাহা দেখি অর্জুনের ভয় উপজিল।।
ঘোড়ীরূপী হয়ে অশ্ব চলিল সত্বরে।
যতনে পাণ্ডব সৈন্য রাখিতে না পারে।।

আপনার মনে ঘোড়ী চলে যেইখানে।
ঘোড়ী বেড়ি সৈন্যগণ যায় হৃষ্টমনে।।
ঘোড়ী রূপ হয়ে অশ্ব সত্বরে চলিল।
দৈবযোগে এক হৃদ সম্মুখে দেখিল।।
ব্যাঘ্ররূপ হৈল তার জল পরশিয়া।
তাহা দেখি রহে পার্থ অধোমুখ হৈয়া।।
গোবিন্দ বলেন সখা চিন্তা কর কেন।
এখনি পাইবে তত্ত্ব মুনিবর স্থানে।।
ব্যাঘ্ররূপ হল ইহা কিসের কারণে।
কৌণ্ডিন্য নামেতে মুনি আছে সেই স্থানে।।
নরনায়ারণ যান মুনি বিদ্যমাণে।
মুনির চরণে দৌঁছে করেন প্রণাম।।
আশীর্বাদ করিলেন মুনি গুণধাম।
তবে হরি কহিলেন শুন তপোধন।।

আসিলাম তব স্থানে আছে প্রয়োজন।
 অশ্বমেধ যজ্ঞ করিলেন যুধিষ্ঠির।।
 অশ্বরক্ষা হেতু আখিলেন পার্থবীর।
 দৈবে এই বনে ঘোড়া প্রবেশ করিল।।
 জল পরশিয়া অশ্ব তুরগী হইল।
 কার অভিশাপ ছিল এই সরোবরে।।
 পূর্বকথা মহামুনি জিজ্ঞাসি তোমারে।
 জিজ্ঞাসিল নারায়ণ কৌণ্ডিল্য মুনিরে।।
 মুনি বলে পূর্ব কথা কহিব তোমারে।
 কৌণ্ডিল্য বলেন শুন দেবনারায়ণ।।
 তুমি শ্রোতা আমি বক্তা এ নহে শোভন।
 তবে যদি জানিয়া জিজ্ঞাসা কর তুমি।।
 সরোবর বিবরণ শুন কহি আমি।
 বড় রম্য এই স্থান দেখিয়া পার্ব্বতী।।
 তপস্যা করিল আরাধিতে পশুপতি।
 তপস্য করেন গৌরী সরোবর তীরে।।
 সমাধি করিয়া মনে ভাবেন শঙ্করে।
 হেনকালে এক দৈত্য তথায় আইল।।
 দেখিয়া গৌরীর রূপ মূর্ছিত হইল।
 কামে মত্ত হৈল পাপী অভয়া দেখিয়া।।
 যায় ধরিবারে দৈত্য বাহু প্রসারিয়া।
 বুঝিয়া তাহার মন নগেন্দ্র নন্দিনী।।
 তপ ভঙ্গ হেতু দেন অভিশাপ বাণী।
 পুরুষ হইয়া যে আসিবে সরোবরে।।
 নারীরূপ হৈল তবে পার্ব্বতীর শাপে।
 ঘরে নাহি গেল দৈত্য সেই মনস্তাপে।।
 সরোবরে অভিশাপ দিলেন ভবানী।
 পুরুষ হইবে নারী পরশিলে পানি।।
 শাপান্ত না জানি শুন হরি মহাশয়।

প্রতিকার ইহার করিবে দয়াময়।।
 তবে কৃষ্ণ কহিলেন শুন মহামুনি।
 আর এক কথা তোমা জিজ্ঞাসি যে আমি।।
 ঘোড়ীরূপ হয়ে ঘোড়া চলিল সত্বরে।
 জলপান হেতু প্রবেশিল সরোবরে।।
 ব্যাঘ্ররূপ হৈল তার জল পরশিয়া।
 কারণ জিজ্ঞাসি আমি কহ বিবরিয়া।।
 কৌণ্ডিত বলেন হরি বাক্যে দেহ মন।
 কহিব তোমারে আমি জ্ঞার্থ বচন।।
 মিত্রসেন নামে মুনি ছিল এই বনে।
 তার কথা কহি আমি তব বিদ্যমানে।।
 তীর্থ কথা কহি আমি তব বিদ্যমানে।
 তীর্থ করি সে মুনি পাইল বড় ক্লেশ।।
 চিরদিন পরে আইলেন নিজ দেশ।
 স্নানের কারণে মুনি হুদে প্রবেশিল।।
 স্নানাদি তর্পন সেই জলেতে করিল।
 হেনকালে এক দৈত্য তথাতে আসিল।।
 ভয়ঙ্কর বেশ ধরি মুনিকে ধরিল।
 দৈত্যের দেখিয়া মুর্জিত মুনি বলে তারে।।
 ব্যাঘ্ররূপ হবে তোর পরশিলে পানি।
 শাপান্ত নাহিক জানি শুন চক্রপাণি।।
 তুমি পরশিলে ঘোড়া হইবে এখনি।
 শুন মহাশয় তুমি জগৎ ঈশ্বর।।
 যাহা জানি কহিলাম তোমার গোচর।
 ব্যাঘ্র পরশি যে আমি তোমার বচনে।।
 ব্রাহ্মণের অভিশাপ ঘুচায় ব্রাহ্মণে।
 এত বলি ব্যাঘ্রে পরশিল গদাধর।।
 ব্যাঘ্ররূপ ত্যজি অশ্ব হইল সত্বর।
 প্রণমিয়া মুনিকে চলেন দুইজন।।

অর্জুনের কহিলেন দেব নারায়ণ।
অশ্ব রাখিবার হেতু ভ্রম চরাচর।।
আমি শীঘ্রগতি যাই হস্তিনানগর।
সঙ্কট হইলে আমা করিও স্মরণ।।
এত বলি বিদায় হলেন নারায়ণ।

সঙ্কট হইলে আমা করিও স্মরণ।।
এত বলি বিদায় হলেন নারায়ণ।
ভ্রমণ করয়ে ঘোড়া আপনার সুখে।।
সর্ব সৈন্য সঙ্গে পার্থ চলিল কৌতুকে।

প্রমীলার দেশে অর্জুনের গমন ও প্রমীলার বৃত্তান্ত

বলেন বৈশম্পায়ন শুন জনোজয়।
প্রমীলার দেশে গেল পাণ্ডবের হয়।।
মহাবনে আছেয়ে প্রমীলা নামে নারী।
পশ্বিনী তাহার সঙ্গে আছে শব্দ চারি।।
আরকত রমণী বিরাজে তার পাশে।
পুরুষ নাহিক তাহে কহিনু বিশেষে।।
ভ্রমিতে ভ্রমিতে ঘোড়া গেল তার পুরে।
ধরিল রমণী সব পাইয়া ঘোড়ারে।।
মহা বলবতী তার শুন নরপতি।
ধরিল যজ্ঞের ঘোড়া করিয়া শকতি।।
প্রমীলার বাক্যে ঘোড়া রাখিল বান্ধিয়া।
প্রবেশ করেন পুরে পার্থ পাছু গিয়া।।
বনিতা ধরিল ঘোড়া শুনিয়া শ্রবণে।
পাণ্ডুর নন্দন ভীত হইলেন মনে।।
পুরে প্রবেশিয়া দেখে বহু কন্যাগণ।
বিমান দেখেন কত তুরগ বারণ।।
অর্জুন প্রভৃতি মনে ভাবেন বিষাদ।
এমন না দেখি কভু হইল প্রমাদ।।
ঘোড়া নাহি দেখি পথে চৌদিকে রমনী।
পুরুষ না দেখি পথে অমঙ্গল গণি।।
অবলা প্রবলা হয়ে ধরে ধনুঃশর।
কি বুঝি ইহার সঙ্গে করিব সমর।।

প্রদ্যুম্ন বলেন ঘোড়া আইল সঙ্কটে।
যুদ্ধে কার্য নাহি চল প্রমীলা নিকটে।।
অবলা সহিত রণ এ বড় নিন্দিত।
লইব যজ্ঞের ঘোড়া করিয়া সম্প্রীত।।
প্রদ্যুম্নের বচন শুনিয়া ধনঞ্জয়।
প্রবেশ করেন পুরে মনে পেয়ে ভয়।।
বৃষকেতু বীর দিল ধনুকে টঙ্কার।
তা শুনি বনিতাগণে আনন্দ অপার।।
নানা বাদ্য বাজাইয়া চলিল রূপসী।
নানা অস্ত্র হাতে নিল যুদ্ধ-অভিলাষী।।

ইহা দেখি অর্জুনের ভয় উপজিল।
যুদ্ধ না করিয়া বীর ডাকিয়া কহিল।।
প্রয়োজন আছে মম প্রমীলার সনে।
তাহা শুনি নিবৃত্ত হইল নারীগণে।।
যুবতীগণের চিত্তে বাড়িল মদন।
সম্মুখে আছেন কাম শ্রীহরিনন্দন।।
লাবণ্য কটাক্ষ হাস্য করে কোন জন।
ধাইয়া প্রমীলা অগ্রে কহিছে বচন।।
অর্জুন আইল হেথা অশ্বের কারণে।
শীঘ্রগতি ঠাকুরাণী চল দরশনে।।
প্রবীলা উন্মত্ত হৈল দাসীর বচনে।
আপনি সাজিয়া চলে অর্জুনের স্থানে।।

স্বর্ণথালে পাখ্য অর্ঘ্য লইয়া সুন্দরী।
অর্জুন সম্মুখে আসে নানা বেশ করি।।
প্রমীলা প্রণাম করে অর্জুন চরণে।
পাখ্য অর্ঘ্য লইয়া দাণ্ডায় বিদ্যমানে।।
পদ্মিনী সমান রূপ দেখি ধনঞ্জয়।
বসিতে বলেন তারে পেয়ে মনে ভয়।।
প্রমীলা বসিল সঙ্গে লইয়া পদ্মিনী।
জিজ্ঞাসেন ধনঞ্জয় অভিপ্রায় বাণী।।
শুনহ প্রমীলা আমি জিজ্ঞাসি তোমারে।
পুরুষ না দেখি কেন তোমার নগরে।।
সকল সুন্দরী দেখি ভয় পাই মনে।
তোমারে জিজ্ঞাসি আমি এই সে কারণে।।

প্রমীলা বলিল, শুন পাণ্ডুর নন্দন।
ভাগ্যে আমি পাইলাম তব দরশন।।
প্রসন্ন আমার চিত্ত তব দরশনে।
দূর হবে মনস্তাপ তোমার মিলনে।।
পূর্বকথা কহি আমি তোমার গোচরে।
রমণী হইনু মোরা যেমন প্রকারে।।
দিলীপ নামেতে রাজা সর্ব ভূমিপতি।
শুন হে কিরীটি আমি তাহার সন্ততি।।
দৈবেতে আইনু আমি মৃগয়া করিতে।
এই বনে উপস্থিত জনকের সাথে।।
পার্বতী সহিত শিব ছিলেন এ বনে।
বিহার করেন দোঁহে আনন্দিত মনে।।
হেনকালে জনকেরে দেখিলেন গৌরী।
কোপেতে দিলেন শাপ লজ্জা মনে করি।।
সসৈন্যে যুবতী হও আমার বচনে।
বনিতা হইয়া সবে থাক এই বনে।।

অব্যর্থ দেবীর বাক্য না হয় লঙ্ঘন।
সসৈন্যে বনিতারূপ হইনু রাজন।।
এই পূর্বকথা আমি কহিনু তোমারে।
পুরুষের নাহি রক্ষা আমার নগরে।।
গর্ভেতে পুরুষ যদি জন্মে থাকে পাকে।
দ্বাদশ বৎসর পরে যায় যমলোকে।।
শুনহ অর্জুন আমি কহিনু সকল।
অবশেষে কহি আমি আপনার বল।।
আমারে জিনিতে নাহি পারে ত্রিভুবনে।
মোর ভয়ে কাঁপয়ে যতেক দেবগণে।।
পর্বতীর বরে কারে ভয় নাহি করি।
হাতে অস্ত্র কেহ না আইসে মম পুরী।।
যতেক অবলা দেখ বিক্রমে বিশাল।
আমার ভয়েতে কাঁপে অষ্টলোকপাল।
আইল তোমার ঘোড়া আমার নগরে।
বনিতা সকল মিলি ধরিল তাহারে।।
বান্ধিয়া রাখিল ঘোড়া করিয়া যতন।
না রহ এদেশে আর পাণ্ডুর নন্দন।।
পদ্মিনী সহিত আমি ভজিনু তোমারে।
সংহতি করিয়া পার্থ লয়ে চল মোরে।।
কৃষ্ণসখা হেতু সে সবার প্রিয় তুমি।
বিবাহ করহ মোরে, বরিলাম আমি।।
কিরীটি বলেন শুন প্রমীলা সুন্দরী।
এখন বিবাহ তোমা করিতে না পারি।।
যজ্ঞ হেতু যুধিষ্ঠির হইয়াছে ব্রতী।
অশ্ব সঙ্গে আমি বেড়াইব বসুমতী।।
হস্তিনানগরে যাহ সকল সুন্দরী।
পুরাব তোমার আশা যজ্ঞ সাঙ্গ করি।।
কিরীটির বচনে প্রমীলা প্রীতি পায়।

সকল সুন্দরী মিলি গেল হস্তিনায়।।
মুক্ত হয়ে যজ্ঞ ঘোড়া যায় বনে বনে।
সৈন্য সহ কিরীটি চলেন অশ্ব সনে।।

এই বিবরণ আমি কহিনু তোমারে।
আর কি কহিব রাজা বলহ আমারে।।

পাণ্ডবসৈন্যের বৃক্ষদেশে গমন এবং ভীষন রাক্ষস বধ

জনোজয় বলিলেন শুন তপোধন।
অমৃত সমান এই ভারত কখন।।
তোমার সুন্দর মুখ পদোর সমান।
তাহে কত মধু ঝরে নাহি পরিমাণ।।
পান করি তৃষ্ণা দূর না হয় আমার।
কহ কহ মহামুনি করিয়া বিস্তার।।
বলেন বৈশম্পায়ন শুন জনোজয়।
বৃক্ষদেশ প্রবেশিল পাণ্ডবের হয়।।
বৃক্ষ নামে সেই দেশ মহাভয়ঙ্কর।
ভীষণ নামেতে তথা আছে নিশাচর।।
ত্রিকোটি রাক্ষস আছে তাহার সংহতি।
দেবতা গন্ধর্ভ লোকে নাহি করে ভীতি।।
হরগৌরী বরে সেই মহাবলবান।
অমর অসুরগণে করে তুণ্ডান।।
অরণ্য উদয়কালে যত বৃক্ষগণে।
সুবাসিত পুষ্প তাহে হয় দিনে দিনে।।
মধ্যাহ্ন সময় নবরূপ ফল ধরে।
আনন্দে রাক্ষসগণ তাহা ভোগ করে।।
তাহা দেখি বিস্ময় মানেন ধনঞ্জয়।
প্রবেশিল সেই পাণ্ডবের হয়।।
কামদেব বৃষকেতু আদি বীরগণে।
চমকিত হন সবে রাক্ষস দর্শনে।।
যোড়হস্তে ভীষণ জিজ্ঞাসে সমাচার।
কি কারণে আগমন হইল তোমার।।

পুরোহিত বলে শুন রাক্ষসের পতি।
আজি বড় হৈল মম আনন্দিত মতি।।
স্মরণ হইল এক অপূর্ব কখন।
নরমেধ যজ্ঞ কৈল রাজা দশানন।।
তাহাতে মনুষ্য মাংস খাইনু বিস্তর।
স্ত্রী পুত্রাদি সবাকার পূরিল উদর।।
তুমিহ করহ আজি যজ্ঞ নরমেধ।
তোমার প্রসাদে ঘুচে নরমাংস খেদ।।
(মিসিং)
লম্বোদরী নিশাচরী সম্মুখে দেখিল।
ভীষণ রাক্ষস তাহে পাঠাইয়া দিল।।
নরবেশে যাহ তুমি সৈন্যের ভিতরে।
জেনে এস কেবা প্রবেশিল মম পুরে।।
ভীষণের আঙা পেয়ে হইল মানুষী।
সৈন্যেতে প্রবেশ গিয়া করিল রাক্ষসী।।
একে একে সবাকারে কৈল নিরীক্ষণ।
সম্মুখে দেখিল হনু পবননন্দন।।
হনু দেখি ভয় তার জন্মিল অন্তরে।
তত্ত্ব লয়ে শীঘ্র গেল ভীষণ গোচরে।।
লম্বোদরী বলে শুন রাক্ষসের পতি।
কটক চর্চিয়া এনু যেমত শকতি।।
অর্জুন প্রধান তাহে পাণ্ডুর নন্দন।
আইলযজ্ঞের ঘোড়া করিতে রক্ষণ।।
মহা মহা বীরগণ দেখিলাম তাতে।

হনুমান দেখিলাম অর্জুনের রথে।।
ঘটোৎকচ সুত মেঘবর্ণ মহাবলী।
পাণ্ডব মিলনে অতি হয়ে কুতূহলী।।
কিন্তু হনুমান দেখি উপজিল ভয়।
সংগ্রামেতে কার্য্য নাহি জানাই তোমায়।।
হনুমান দেখি মনে বড় হয় শঙ্কা।
হনুমান হৈতে প্রভু নাশ হৈল লঙ্কা।।
(মিসিং)

এত যদি লম্বোহরী বলিল ভারতী।
দেবের অগম্য তুমি নাম বৃক্ষদেশ।।
মরিতে অর্জুন কৈল ইহাতে প্রবেশ।
ভাল হৈল পিতৃবৈরী আইল আপনি।।
নিশ্চয় বধিব আজি ভীমের পরাণী।
বক নামে মম পিতা বিদিত সংসারে।।
ভীমার্জুন মম শত্রু বিনাশিল তারে।
রাক্ষসের বৈরী বটে বীর হনুমান।।
নিশ্চয় বধিব আজি ভীমের পরাণ।
সাজ সাজ বলি ডাকে ভীষণ রাক্ষস।।
যুদ্ধ হেতু নিশাচর করিল সাহস।
বৃষকেতু কামদেব বরিষয়ে শর।।
বিক্রিয়া রাক্ষসগণে করিল জর্জর্জর।
যুবনাশ্ব অনুশাল্ব বরিষয়ে বাণ।।
নীলধ্বজ হংসধ্বজ করয়ে সংগ্রাম।
মেঘবর্ণ সহদেব সুবেশ সহিত।।
যুঝয়ে রাক্ষসগণ মনে নাহি ভীত।
অর্জুন যুড়েন বাণ পূরিয়া সন্ধান।।
নানা মায়া ধরে সেই রাক্ষস প্রধান।
মেঘরূপ হয়ে করে বাণ বরিষণ।।

বাণেতে অর্জুন তাহা করে নিবারণ।
বৃক্ষ শিলা পর্বত বরিষে নিশাচর।।
বৃষকেতু বাণ এড়ি কাটয়ে সত্বর।
ক্রুদ্ধ হৈল ভীমসেন রাক্ষসের বাণে।।
গদা হাতে ধায় বীর শঙ্কা নাহি মনে।
কালদণ্ডসম গদা হাতেতে করিয়া।।
ভীষণে মারিলেন সাহস করিয়া।
ভীমের গদার বেগ কে সহিতে পারে।।
মুর্ছাগত নিশাচর দারুণ প্রহারে।
ভীষণ রাক্ষস উসে সাহস করিয়া।।
অর্জুনের শিরে মারে মুষল ফেলিয়া।
মোহ যায় ধনঞ্জয় মুষলের ঘাতে।।
তাহা দেখি ভীমসেন ধায় গদা হাতে।
হানিল গদার বাড়ি ভীষণ রাক্ষসে।।
দৈবে প্রাণ পেয়ে সেই পলায় তরাসে।
যুদ্ধ দেখি হনুমানে আনন্দ বাতিল।।
হনুমান দেখিয়া পলায় নিশাচর।
শরীর ত্যজিয়া কেহ গেল যমঘর।।
প্রাণভয়ে পলাইল সবে ঘোর বনে।

কত সৈন্য সঙ্গে লয়ে ভীষণ দুর্মতি।।
মায়াতে হইল সেই মুনির মুরতি।
মায়া পাতি করিল মধুর ফুল ফল।।
মায়াতে নির্মাণ কৈল সরোবর জল।
সঙ্গে নিশাচরগণ শিষ্যরূপ হৈল।।
অধ্যয়ন হেতু তারা চৌদিকে বসিল।
হেনমতে মায়া করি আছে নিশাচর।।
রাক্ষস জিনিয়া যান পার্থ ধনুর্দার।
কতদূর বনেতে দেখেন তপোধন।।

মুনিরূপে বসে আছে সঙ্গে পুণ্যজন।
অর্জুনে দেখিয়া ভয়ে আদর করিল।।
অতিথি বলিয়া পাদ্য অর্ঘ্য যোগাইল।
দীর্ঘ নখ জটাভার দেখি ধনঞ্জয়।।
মুনিজ্ঞানে তাহারে কহেন সবিনয়।
শুন প্রভু তব স্থানে চাহি আশীর্বাদ।।
অশ্বমেধ সাজ হৈলে পুরে মনোসাধ।

মুনি বলে শুন তুমি পাণ্ডুর নন্দন।।
যজ্ঞ সাজ তোমার করিবে নারায়ণ।
কিন্তু বিশ্রাম করহ এই স্থানে।।
আমার অতিথি হও দিন অবসানে।
বিবেচনা মনে করিলেন ধনঞ্জয়।।
রাক্ষস বলিয়া তারে জানেন কথায়।
অর্জুন বলেন মায়া না করিহ তুমি।।
মুনিবেশ ধরিয়াছ জানিয়াছি আমি।
কিন্তু মম স্থানে আজি নাহিক নিস্তার।।
এখনি পাঠাব তোমা যমের দুয়ার।

প্রাণ ভয়ে তপস্বী হইল নিশাচর।।
বিদিত হইল মায়া সবার গোচর।
এত বলি অর্জুন নিলেন ধনুর্বাণ।।
ভয়েতে রাক্ষস হয় নিজ মূর্ত্তিমান।
ভয়ঙ্কর মূর্ত্তি দেখি বীর ধনঞ্জয়।।
গাণ্ডীবে টঙ্কার দেন হইয়া নিরভয়।
গাণ্ডীবে টঙ্কার শুনি এল সর্ব্বজন।।
যুবনশ্ব অনুশাল্ব কর্ণের নন্দন।
ভীম হংসধ্বজ আদি যত বীরগণ।।
তুরায় আইল সবে করিবারে রণ।
গাছ শিলা অর্জুনে মারয়ে নিশাচর।।
বাণে নিবারণে তাহা পার্থ ধনুর্ধর।
বহু যুদ্ধ করিলেন ভীষণ সংহতি।।
গদাঘাতে মারিলেন ভীম মহামতি।
বিজয় পাণ্ডব কথা অমৃত লহরী।।
কাশী কহে শুনিলে তরয়ে ভববারি।
(মিসিং)

মণিপু্রে বক্রবাহনের সহিত অর্জুনের পরিচয়

মুনি বলে শুন পরীক্ষিতের তনয়।
মণিপু্রে প্রবেশিল পাণ্ডবের হয়।।
মণিপু্রে বক্রবাহ নামে নরপতি।
তিন বৃন্দ সেনা তার নব লক্ষ হাতী।।
এক লক্ষ নৃপতি রাজায় সেবা করে।
নানা রত্ন আনে তারা ভূপতি গোচরে।।
চিত্রাঙ্গদাসুত সেই অর্জুন নন্দন।
নব লক্ষ রথ যার আছে সুশোভন।।
যাটি কোটি রণেতে অশ্ব আছে যাহার।
মহাবল বক্রবাহ বীর অবতার।।

তীর্থযাত্রা যেই কালে করে ধনঞ্জয়।
সে কালে গন্ধর্ব্ব কন্যা করে পরিণয়।।
তার গর্ভে জনমিল সে বক্রবাহন।
অর্জুন সমান তারে বলে সর্ব্বজন।।
নাগকন্যা উলুপী আছেন তার ঘরে।
ইলাবন্ত তার পুত্র পড়িল সমরে।।
কুরুক্ষেত্র রণে ইলাবন্ত হৈল ক্ষয়।
শুনিয়াছ সেই কথা শ্রীজনমেজেয়।।
অর্জুন আইল অশ্ব রাখিবার তরে।
দৈবে আসি অশ্ব প্রবেশিল মণিপু্রে।।

ধরিল যজ্ঞের ঘোড়া বক্রবাহ বীর।
 জননীৰ কাছে কহে করি চিত্ত স্থির।।
 তুমি বল মম পিতা পাণ্ডুর নন্দন।
 মণিপুৰে আইলেন দৈব্যের ঘটন।।
 না জানিয়া যজ্ঞ অশ্ব ধরিলাম আমি।
 কি করি উপায় এবে কহ গো জননী।।
 চিত্রাঙ্গদা বলে মুন সুবুদ্ধি কুমার।
 যত্নেতে পালন কর বচন আমার।।
 অশ্ব লয়ে যাহ তুমি জনকের স্থানে।
 অপরাধ মাগি লহ তাঁহার চরণে।।
 নানারত্ন অগ্রে খুয়ে করিবেক নতি।
 পশ্চাতে কহিবে পুত্র আপন ভারতী।।
 চিত্রাঙ্গদা গৰ্ভে জন্ম কহিবে তাঁহারে।
 তনয় বলিয়া তেঁই তুষিবেন তোরে।
 বক্রবাহ বলে মাতা করি নিবেদন।।
 শুনিলাম যত আমি তোমার বচন।
 এ রীতি ক্ষত্ৰের নহে শুনগো জননী।।
 যুদ্ধ করি পরিচয় তার দিব আমি।
 পদানত হৈলে ঘৃণা করিবে আমারে।।
 শুনগো জননী অগ্রে না জানাব তাঁরে।
 চিত্রাঙ্গদা বলে পুত্র না হয় যুক্তি।।
 কেমনে যুঝিবা তুমি পিতার সংহতি।
 নাহি শুন লোকমুখে ইতিহাস কথা।।
 পূজা কৈলে পিতৃলোকে প্রসন্ন দেবতা।
 তারে পুত্র বলি যে পিতার সেবা করে।।
 সেই পুত্র বলি যে পিতার বাক্য ধরে।
 তুমি যাহ পিতা সঙ্গে করিবারে রণ।।
 কিমতে এ সব লাজে ধরিবে জীবন।
 অশ্ব লয়ে যাহ তুমি পাণ্ডব গোচরে।।

লোকধৰ্ম্ম কথা আমি কহিনু তোমারে।
 আপন স্বধৰ্ম্ম রক্ষা করে যেইজন।।
 সৰ্ব্বত্র কল্যাণ তার বলে মুনিগণ।
 জননীৰ বাক্যে বক্রবাহ নরপতি।।
 নানা রত্ন নিল সঙ্গে সুশোভন অতি।
 অগুরু চন্দন গন্ধ লইল কস্তুরী।।
 পুষ্পমালা স্বৰ্ণথালে নিল যত্ন করি।
 অশ্ব নিয়া চলিলেক পার্থের নন্দন।।
 অর্জুনে ভেটিতে যান আনন্দিত মন।
 দূত গিয়া কহিলেন পার্থের গোচরে।।
 বক্রবাহ আইলেন তোমা ভেটিবারে।
 পদাতিক সঙ্গে আসে পাত্র মিত্রগণ।।
 অভিপ্রায় বুঝি তব লইবে শরণ।
 তাহা শূনি সম্মতি দিলেন ধনঞ্জয়।।
 দিব্যাসনে বসিলেন সানন্দ হৃদয়।
 কামদেব বৃষকেতু যুবনাশ্ব রায়।।
 হংসধ্বজ নীলধ্বজ বসিল সভায়।
 অনুশাল বৃকোদর সুবেগ সহিত।।
 অর্জুন সমাজ কৈল পেয়ে মহাপ্রীত।
 পুষ্পক চন্দন অর্জুনের পদে দিয়া।।
 প্রণাম করিল রাজা ভূমিষ্ঠ হইয়া।
 পঞ্চরত্ন সম্মুখে রাখিয়া নরপতি।।
 অর্জুন চরণে রাজা করিল প্রণতি।
 অবধান করি শুন পাণ্ডুর সন্ততি।।
 অর্জুন চরণ প্রান্তে বসিয়া রাজন।
 আপনার কথা যত করে নিবেদন।।
 তোমার তনয় আমি শুন মহাশয়।
 চিত্রাঙ্গদা গৰ্ভেতে আমার জন্ম হয়।।
 যখন করিলা তুমি তীর্থ পর্যটন।

করিলা গন্ধর্বসুতা বিবাহ তখন।।
 তোমার ঐরসে চিত্রাঙ্গদার উদরে।
 হইল আমার জন্ম কহিনু তোমাতে।।
 না জানি ধরিনু ঘোড়া ক্ষমা দেহ মোরে।
 বক্রবাহ বলি নাম জানহ আমারে।।
 এত বলি পুনরপি ধরিল চরণে।
 শুনিয়া জন্মিল ক্রোধ অর্জুনের মনে।।
 কাহারে বলিস পিতা নটির তনয়।
 অভিপ্রায় বুঝি তোর নাহি লজ্জা ভয়।।
 নটি চিত্রাঙ্গদা সেই গন্ধর্ব দুহিতা।
 তুই যার পুত্র তার শুনিয়াছি কথা।।
 এত বলি করিলেন চরণ প্রহার।
 ভূমেতে পড়িল চিত্রাঙ্গদার কুমার।।
 না করিহ তিরস্কার পাণ্ডুর তনয়।
 আমিত তোমার পুত্র কহিনু নিশ্চয়।।
 তবে হংসধ্বজ আর নীলধ্বজ রায়।
 অর্জুনে কহিল যুক্তি না হয় তোমায়।।
 কুসুম চন্দন দিয়া পূজিল তোমাতে।
 হরণ প্রহার করা নহেত উচিত।।
 তোমার তনয় হয় এ কথা নিশ্চিত।
 আপনি আসিয়া বলে তোমার তনয়।।
 অন্যে পিতা কহিতে অন্যের লজ্জা হয়।
 তাহা শুনি ধনঞ্জয় কহেন বচন।।
 অভিমন্যু বীর ছিল আমার নন্দন।
 সুভদ্রা তনয় বীর বিদিত ভুবনে।।
 বক্রব্যূহে যুঝিলেক দ্রোণ গুরু সনে।
 দ্রোণ দ্রৌণি কৃপ কর্ণে সংগ্রামে তুষিয়া।।
 স্বর্গে গেল মহাবীর শরীর ত্যজিয়া।
 সেই পুত্র হয় মম কুলের ভূষণ।।

বক্রবাহ হয়ে দেখ নটীর নন্দন।
 অগ্রে গর্ভ করিয়া ধরিল মম হয়।।
 ভয় পেয়ে বলে শেষে তোমার তনয়।
 এ যদি হইত মম ঔরস নন্দন।।
 যুদ্ধ বিনা ঘোড়া না করিত সমর্পন।
 কাতর হইল নহে আমার নন্দন।।
 অক্ষুর জিনয়ে বীজে বলে সর্বজন।
 পিতা হৈতে পুত্র শ্রেষ্ঠ সর্বলোকে জানে।।
 শাস্ত্রেতে এ সব কথা কহে মুনিগণে।

এতেক বলেন যদি বীর ধনঞ্জয়।।
 বক্রবাহন তবে যে অধোমুখে রয়।
 মহাকোপ জন্মিল বক্রবাহ চিতে।।
 সম্মুখে দাঙয়ে বীর রহে যোড়হাতে।
 শুন মহাশয় তুমি কহিলা বিস্তর।।
 শনিবারে মন্দ কিন্তু ধর্ম্মেতে গোচর।
 আপন জনের কিছু জান সমাচার।।
 সে কথা কহিতে হৈল সাক্ষাতে সবার।
 জারজ বলিয়া তুমি গালি দিলা মোরে।।
 যে জন জারজ তাহা বিদিত সংসারে।
 (মিসিং)

সে কারণে অপমান করিলে আমারে।
 আজি নিজ পরাক্রম দেখাব তোমাতে।।

কি পরাক্রম আমি দেখাব তোমাতে।
 বান্ধিয়া রাখহ অশ্ব করিয়া শকতি।।
 এত বলি অশ্ব দিল অনুচরগণে।
 অশ্ব লয়ে গেল তারা পরম যতনে।।
 যে আজ্ঞা বলিয়া বীর প্রবেশিল ঘরে।

সেনাগণে আজ্ঞা দিল যুদ্ধ করিবারে।।
নৃপাদেশে সৈন্যগণ করিল সাহস।
আনন্দেতে দেয় সবে দামামা নির্ঘোষ।।
সাজ সাজ বলি পুরে উঠিল ঘোষণা।
নানা অস্ত্র লইয়া চলিল সর্বসেনা।।
হয় গজ বিমানে করিয়া আরোহন।
ধনুর্বাণ হাতে নিল করিবারে রণ।।
তোমার পট্টিশ গদা মুষল মুদগর।
শেল টাঙ্গি হাতে নিল করিতে সমর।।

চিত্রাঙ্গদা পাইলেক যুদ্ধ সমাচার।
পুত্রের সম্মুখে গেল করি হাহাকার।।
কি কহিল প্রাণনাথ পাণ্ডুর নন্দন।
কেন পুত্র যুদ্ধ হেতু করহ সাজন।।
শুনিয়া মাতার কথা বক্রবাহ কর।
বিলক্ষণ পাইনু পিতার পরিচয়।।
মহাভারতের কথা অমৃত সমান।
কাশীরাম দাস কহে শুনে পুণ্যবান।।

বক্রবাহনের যুদ্ধে অর্জুনের মৃত্যু

শ্রীজনোজয় বলে শুন তপোধন।
বক্রবাহ কিরীটী কেমনে হৈল রণ।।
বিস্তারিয়া সেই কথা কহ মহামুনি।
তোমার প্রসাদে আমি পূর্বকথা শুনি।।
বলিলা বৈশম্পায়ন শুন নরপতি।
যুদ্ধকথা কহি আমি কর অবগতি।।
অনুমতি দিয়া চিত্রাঙ্গদা গেল ঘরে।
বক্রবাহ রাজা গেল যুদ্ধ করিবারে।।
দৈবের নিব্বন্ধ সেই হইবারে চায়।
এই হেতু ধনঞ্জয় নিন্দিলেন তায়।।
শাপ দিয়াছেন গঙ্গা কিয়াটী নিধনে।
এ সব ঈশ্বর লীলা কেহ নাহি জানে।।
হয় গজ বিদ্যাতে সাজন করিয়া।
বক্রবাহ রাজা রণে প্রবেশিল গিয়া।।
সিংহনাদ বাদ্যরব শুনিয়া শ্রবণে।
পাণ্ডবের সেনা সব প্রবেশিল রণে।।
ধনুর্বাণ হাতে করি বীর বৃষকেতু।
অগ্রে রথ চালাইল যুঝিবার হেতু।।

বৃষকেতু বাণ তবে পূরিল সন্ধান।
কিরীটী তনয় তাহা করে খান খান।।
হেনমতে দুইজন অনেক যুঝিল।
গগনমন্ডল দোঁহে বাণে আচ্ছাদিল।।
অন্ধকার হৈল সব না দেখি নয়নে।
পরিচয় নাহি যুদ্ধ করি কার সনে।।
তবে বক্রবাহ কৈল বাণ অবতার।
দিনকর আচ্ছাদিল হৈল অন্ধকার।।
দুই বাণে বিক্ষে বক্রবাহ নরপতি।
বৃষকেতু রথধ্বজ কাটে শীঘ্রগতি।।
পঞ্চবাণ দিয়া কাটে সারথির মুণ্ড।
বাণ গুণ ধনু কাটি করে খণ্ড খণ্ড।।
ফাঁপর হইল তবে কর্ণের নন্দন।
বক্রবাহনের রণে হৈল অচেতন।।
তাহা দেখি শাম্ব বীর প্রবেশিল রণে।
অনেক সংগ্রাম করে বক্রবাহ সনে।।
ক্রমে ক্রমে তাহা আমি কতেক কহিব।
ভারত সমুদ্র কথা সুধার অর্ণব।।

বক্রবাহ বাণে কার নাহিক নিস্তার।
 হইল অস্তির রণে শাম্ব বীরবর।।
 জর্জর হইল তনু রক্ত বহে স্রোতে।
 কিংশুক কুসুম যেন শোভিছে বসন্তে।।
 প্রাণভয়ে পদাতিক নাহি রহে রণে।
 অচেতন হৈল বক্রবাহনের বাণে।।
 ভীম আর সাত্যকি যে সাহস করিল।
 বক্রবাহনের সনে অনেক যুঝিল।।
 রুধিরে কর্দম তুমি দেখিয়া নয়নে।
 ভীমসেন মহাবীর ভয় পায় মনে।।
 তবে বক্রবাহ করে বাণের সন্ধান।
 পলায় পাণ্ডব সৈন্য লইয়া পয়াণ।।
 অন্যের থাকুক কথা ভীম ভঙ্গ দিল।
 যুবনাশ্ব অনুশাল্য সবে পলাইল।।
 নীলধ্বজ হংসধ্বজ পরাভব পেয়ে।
 অর্জুন সম্মুখে সবে উত্তরিল গিয়ে।।
 অপমান পেয়ে সবে বক্রবাহ রণে।
 তা দেখি কিরীটী বীর কুপিলেন মনে।।
 গাণ্ডীব লইয়া পরে বীর ধনঞ্জয়।
 যুঝিতে গেলেন বীর হইয়া নির্ভয়।।
 হেনকালে বৃষকেতু ধনুর্ধ্বাণ লয়ে।
 রণে প্রবেশিল পুনঃ সাহস করিয়ে।।
 বৃষকেতু করিলেন বাণ বরিষন।
 বাণে বাণ নিবারয়ে কিরীটী নন্দন।।
 ধ্বজছত্র কাটে বাণ হাতে লয়ে ধনু।
 এক বাণে বক্রবাহ কাটিলেন তনু।।
 বক্রবাহ সৈন্য তবে বিক্ষিলেক বহু।
 কুপিল কিরীটী বীর যেন গ্রহ রাহু।।
 ইন্দ্র চন্দ্র বরণ কুবের দত্ত বাণ।

কোপাশ্বিতে ধনঞ্জয় করেন সন্ধান।।
 বক্রবাহ রাজা তাহা নিবারিল শরে।
 দেখিয়া কিরীটী বীর সক্রোধ অন্তরে।।
 পিতা পুত্রে উভয়ে যে সংগ্রাম হইল।
 বাহুল্য কারণ সব লেখা নাহি গেল।।
 অক্ষয় গাণ্ডীব তূণ রণে হৈল ক্ষয়।
 তা দেখি চিন্তিত হইলেন ধনঞ্জয়।।
 বক্রবাহ বলে শুন ইন্দ্রের নন্দন।
 পাণ্ডুর তনয় তোমা বলে সর্বজন।।
 ধর্মসুত যুধিষ্ঠির বড় ভাগ্যবান।
 পবননন্দন ভীম পবন সমান।।
 সহদেব নকুল দুই অশ্বিনীকুমার।
 ভাল চন্দ্রবংশে জন্ম হইল তোমার।।
 আপন জন্মের কথা মনে না করিলা।
 তুমি মোরে জারজ বলিয়া গালি দিলা।।
 সম্মুখ সমরে আমি পাইনু তোমারে।
 স্মরণ করহ তুমি দেব গদাধরে।।
 আজি কৃষ্ণ সঙ্গে তোমা পরাজয় করি।
 তবে আমি প্রবেশ করিব নিজপুরী।।
 শুনেছি প্রতিজ্ঞা তব জননীর স্থানে।
 তোমার সমান বীর নাহি ত্রিভুবনে।।
 কিন্তু আজি বশোলোপ হইবে তোমার।
 ফিরিয়া না যাবে তুমি বাণেতে আমার।।
 বক্রবাহ বচনে কহেন ধনঞ্জয়।
 অহঙ্কার না করিও বেশ্যার তনয়।।
 তাহা শুনি বক্রবাহ দ্রুত হৈল মনে।
 বাণেতে জর্জর তনু করিল অর্জুনে।।
 ব্যতিব্যস্ত হইলেন বীর ধনঞ্জয়।
 নর নারায়ণ মনে পাইলেন ভয়।।

সজল না দেখিলেন সংগ্রাম ভিতরে।
 উচ্চমুখ হয়ে শিবা ডাকে উচ্চৈঃস্বরে।।
 মুণ্ডহীন ছায়া বীর দেখি আপনার।
 চিন্তান্বিত হইলেন পাণ্ডুর কুমার।।
 অকুশল দেখিলেন ধ্বজে পড়ে কাক।
 হইলেন ব্যাকুলিত মুখে নাহি বাক।।
 বৃষকেতু সম্বোধি বলেন ধনঞ্জয়।
 হস্তিনানগরে যাহ কর্ণের তনয়।।
 ইহার সমরে মম নাহি পরিত্রাণ।
 হস্তিনানগরে যাহ লইয়া পরাণ।।
 তোমা বিনা বংশে আর না আছে সন্তান।
 তুমি জিলে পিতৃলোকে জল পিণ্ড দান।।
 যুবনাশ্ব সুবেগ প্রভৃতি সৈন্যগণ।
 বক্রবাহনের রণে না পায় রক্ষণ।।
 কিরীটীর কথা শুনি কর্ণের কুমার।
 রহিতে লাগিল বীর করি অহঙ্কার।।
 অমঙ্গল কথা তুমি কহ কিকারণে।
 বক্রবাহনেরে আমি পরাজিব রণে।।
 এত বলি ধনুর্বাণ লইয়া সত্বরে।
 বিধিল পঞ্চাশ বাণ বক্রবাহনেরে।।
 বক্রবাহ বলে শুন কর্ণের নন্দন।
 পুনঃ পুনঃ এস তুমি করিবারে রণ।।
 কৃষ্ণে স্তুতি কর তুমি মরণ সময়।
 পরকালে দিব্যগতি দিবেন তোমায়।।
 এত বলি বক্রবাহ হাতে নিল বাণ।
 আকর্ণ পুরিয়া তাহা করিল সন্ধান।।
 অন্ধচন্দ্র বাণ তবে সম্বরে এড়িল।
 বৃষকেতু মাথা কাটি ভূমিতে পাড়িল।।
 তাহা দেখি প্রদ্যুম্নাদি যত বীরগণ।

সাহসে আইল সবে করিবারে রণ।।
 পার্শ্বের তনয় পরাজিল সবাকারে।
 পড়িয়া রহিল সবে ভূমির উপরে।।
 তাহা দেখি ধনঞ্জয় বিষণ্ণ বদন।
 বৃষকেতু শোকে কান্দি কহিল বচন।।
 মহাবীর বৃষকেতু কর্ণের নন্দন।
 অহঙ্কার করি পুত্র হারালে জীবন।।
 নিষেধ করিনু যত না শুনিলে কাণে।
 শরীর ত্যজিলে বক্রবাহনের বাণে।।
 কি বলি যাইব আমি হস্তিনানগরে।
 কি বোল বলিব গিয়া রাজা যুধিষ্ঠিরে।।
 কি বলিয়া প্রবোধিব কুম্ভীর হৃদয়।
 এই শোকে কি বলিবে কৃষ্ণ মহাশয়।।
 বৃষকেতু মুণ্ড তবে হৃদয়েতে ধরি।
 বিলাপ করেন পার্থ উচ্চৈঃস্বর করি।।
 কান্দেন বিষাদ মনে ইন্দ্রের নন্দন।
 তাহা দেখি হাসি কহে সে বক্রবাহন।।
 ক্ষত্রিয় এ ধর্ম নয় শুন মহাশয়।
 এখনি দেখিবা তুমি আপন সংশয়।।
 হাসিবে ভূপতিগণ দেখিয়া তোমারে।
 ক্রন্দন উচিত নয় সমর ভিতরে।।
 যুদ্ধ করি বৃষকেতু গেল স্বর্গলোকে।
 গতজীবে শোকযুক্ত না শোভে তোমাকে।।
 আপনি ত্বরিতে তুমি করহ উপায়।
 সমরে বিষাদ করিবারে না যুয়ায়।।
 কি কারণে বিলাপ করহ তুমি শোকে।
 স্মরণ করিয়া শীঘ্র আনহ কৃষ্ণকে।।
 কৃষ্ণগত তব প্রাণ আমি ভাল জানি।
 কৃষ্ণহীন হয়ে কেন হারাবে পরাণী।।

যদি বাঞ্ছা করহ কুশল আপনার।
 স্মরণ করহ শীঘ্র দৈবকী কুমার।।
 চিন্তহ গোবিন্দনদ ওহে ধনঞ্জয়।
 নহিলে আদায় বাণে বসালয়।।
 এত যদি রক্তবাহ বলিল ডাকিয়া।
 কিরীটী চিন্তেন কৃষ্ণে সঙ্কটে পড়িয়া।।
 হা কৃষ্ণ করুণাসিন্ধু ওহে ভগবান।
 বিষম সমরে, মোরে কর প্রভু ত্রাণ।।
 আইস কমলাপ্রিয় শীঘ্র মণিপুরে।
 বক্রবাহনের যুদ্ধে রক্ষা কর মোরে।।
 গজেন্দ্রে করুণা করি উদ্ধারিলা হরি।
 অপার মহিমা তব কি কহিতে পারি।।
 দ্রৌপদীর লজ্জা তুমি কৈলে নিবারণ।
 জভুগৃহে রক্ষা কৈলে আমা পঞ্চজন।।
 দুর্ব্বাসার অভিশাপে রাখিলা আমারে।
 আপনি করিলা ত্রাণ বিরাট নগরে।।
 কুরুক্ষেত্র যুদ্ধে মুক্ত করিয়াছ তুমি।
 সংসারে বিদিত তাহা কি বলিব আমি।।
 সুরথ সুধন্বা যুদ্ধে রাখিলে আমারে।
 এবার আসিয়া রক্ষা কর মণিপুরে।।
 গঙ্গার বচন সত্য করিতে মুরারি।
 পার্থেরে রাখিতে না গেলেন তুরা করি।।
 চাহেন আপন রথপানে ধনঞ্জয়।
 কৃষ্ণে না দেখিয়া পার্থ মনে পান ভয়।।
 বক্রবাহ বলে তুমি কি ভাবিছ মনে।
 না পাবে নিস্তার তুমি আমার এ রণে।।
 এত বলি করে বীর বাণ বরিষণ।
 নিবারিতে না পারেন নর নারায়ণ।।
 জর্জর হইল বীর বাণের প্রহারে।

ফুটিল অর্জুন বীরে রক্ত বহে ধারে।।
 ব্রহ্মঅস্ত্র পাশুপত আদি যত বাণ।
 ভয়েতে কিরীটী সব করেন সন্ধান।।
 বক্রবাহ রাজা তাহা শরে নিবারেণ।
 প্রাণপণে কিরীটী জিনিতে না পারেন।।
 বাণবেশে গঙ্গাদেবী আসিয়া সেখানে।
 কহেন সকল কথা বক্রবাহ কাণে।।
 তাহা শুনি আনন্দিত হন নরপতি।
 রাখিলেন গঙ্গা অস্ত্র করিয়া শকতি।।
 তবে সেই অস্ত্র রাজা যুড়িলেন চাপে।
 বাণ দেখি ইন্দ্র আদি দেবগণ কাপে।।
 আমাবেগে গঙ্গাবাণ আকাশে উঠিল।
 কিরীটীর মাথা কাটি ভূমিতে পাড়িল।।
 পাণ্ডবের দলে যত শেষ সৈন্য ছিল।
 অর্জুন নিধন হেতু আতঙ্ক পাইল।।
 সংগ্রাম জিনিয়া বক্রবাহ কুতূহলে।
 পরে প্রবেশিল বীর জয় জয় বোলে।।
 নানাবাদ্য নৃত্য গীত হরিষ ঘোষণ।
 মায়ের সম্মুখে গেল সে বক্রবাহন।।
 ভূমিষ্ঠ হইয়া মায়ে করিল প্রণাম।
 হাসিয়া বলেন আমি জিনিবু সকল।।
 নাশিলাম ধনঞ্জয়ে সংগ্রামের স্থলে।
 যতেক পাণ্ডব সৈন্য জিনিলাম হেলে।।
 পুত্রের মুখেতে কথা শুনিয়া এমন।
 ভয় পেয়ে চিত্রাঙ্গদা করয়ে রোদন।।
 ওরে পুত্র কি কহিলি অমঙ্গল কথা।
 কেমনে কাটিলি তুই জনকের মাথা।।
 পিতৃহত্যা কৈলি তুই মহাপাপকারী।
 এত বলি অচেতন হইল সুন্দরী।।

ভূমিতে পড়িয়া চিত্রাঙ্গদা মহাশোকে।
কোথা গেল প্রাণনাথ ঘন ঘন ডাকে।।
অনেক বিলাপ করি কান্দয়ে বিস্তর।
শুনিয়া উলুপী ধেয়ে আইল সত্বর।।
মুখে জল দিয়া তারে তুলে হাত ধরি।
না জানি বিষাদ কেন করহ সুন্দরী।।
কৃষ্ণ সখা কিরিটির না হবে মরণ।
বক্রবহানের বাণে হৈল অচেতন।।
পূর্ব কথা কহি আমি তোমার গোচরে।
আপন মরণ তেঁই কহি আমারে।।
রোপিল দাড়িম্ব বৃক্ষ করিয়া যতন।
আমারে কহিল কথা পাণ্ডুর নন্দন।।
দাড়িম্ব নিধনে মম জানিহ মরণ।
এত বলি নিজ দেশে করিল গমন।।
ক্রন্দন ত্যজহ তুমি আমার বচনে।
দাড়িম্বের বৃক্ষ গিয়া দেখি দুইজনে।।
উলুপীর বোলে চিত্রাঙ্গদা হরষিত।
দাড়িম্বের বৃক্ষতলে গেলেন উন্মিত।।
মৃত তরু দেখি দোঁহে হৈল অচেতন।
হহা প্রাণনাথ বলি করয়ে রোদন।।
পতি দরশনে দোঁহে করিল গমন।
অগ্রে পিছে কান্দিয়া চলিল দাসীগণ।।
হেথা বক্রবাহ রাজা পেয়ে অপমান।

বিনাশিয়া জনকেরে ভাবয়ে নিদান।।
পাত্রমিত্র পাঠাইল জনকের স্থানে।
প্রবোধিতে তারা যায় পরম যতনে।।
উলুপী বলেন হেদে শুন চিত্রাঙ্গদা।
আচম্বিতে স্মরণ হইল এক কথা।।
অনন্ত দুহিতা আমি শুন গো সুন্দরী।
আমা বিবাহিয়া পার্থ গেল যমপুরী।।
অর্জুনেরে ভক্তি করি অনন্ত পূজিল।
নানা ধন দিয়া মোরে অর্জুনেরে দিল।।
অর্জুনে দিলেন আমা হইয়া কৌতুকে।
অমৃত নামেতে মণি দিলেন যৌতুকে।।
পুশরীক নাগ দিল আমার সেবনে।
তাহাকে আনিব আমি করিয়া যতনে।।
মণির কারণ তারে পাতালে পাঠাব।
আনিয়া অমৃত মণি অর্জুন জীয়াব।।
এত যদি চিত্রাঙ্গদা শুনিল বচন।
উলুপীরে বলে মণি আনহ এখন।।
অর্জুনের শোকে তনু না পারি ধরিতে।
শুন গো ভগিনী মণি আনহ ত্বরিতে।।
উলুপী বলেন তুমি স্থির কর মতি।
এখনি পাইবে প্রাণ পাণ্ডবের পতি।।
মহাভারতের কথা অমৃত সমান।
কাশীরাম দাস কহে শুনে পুণ্যবান।।

অর্জুনের জীভনার্থ মণি আনায়াণ

শ্রীজনমেজয় বলে শুন মহামুনি।
অর্জুন নিপাত কথা কহিব কাহিনী।।
কিমতে আনিল মণি পাতাল হইতে।
পাণ্ডুর নন্দন প্রাণ পাইল কিমতে।।
বলেন বৈশম্পায়ন শুন নরপতি।
একে একে কহি শুন সে সব ভারতী।।
উলুপী স্মরণ কৈল নাগ পুণ্ডরীকে।
তুরায় আইল নাগ উলুপী সম্মুখে।।
স্ত্রীবুদ্ধি প্রলয়ঙ্করী বিচারিল মনে।
আইলেন ব্রহ্মবাহ জননীর স্থানে।।
অধোমুখে আইলেন মায়ের সদনে।
চিত্রাঙ্গদা বলে তারে করুণ বচনে।।
পিতৃ-হত্যা কৈলি তুই পাপিষ্ঠ চণ্ডাল।
মারিলি আমার বুকে এই বড় শাল।।
(মিসিং)
কি বলে উলুপী এবে শুনহ শ্রবণে।
পার্থে জীয়াইতে চাহে মণির মিলনে।।
পাতালে আছয়ে মণি অনন্ত সমীপে।
সত্বরে আনিয়া মণি রাখ মনস্তাপে।।
ব্রহ্মবাহ বলিলেন শুন গো জননী।
পুণ্ডরীক নাগ যাক আনিবারে মণি।।
পরিচয় নাহি মম মাতামহ সনে।
মণি নাহি দিবে নাগ আমার বচনে।।
পুণ্ডরীক গেলে যদি নাহি দেয় মণি।
সংগ্রাম করিব শেষে শুনগো জননী।।
উলুপী বলিল পুত্র কহিলে প্রমাণ।
সম্প্রীতে না দিলে মণি উচিত সংগ্রাম।।

পুণ্ডরীক নাগে তবে কহিল সুন্দরী।
মণি হেতু নাগ গেল রসাতল পুরী।।
অনন্তের স্থানে গিয়া কহিল সকল।
তাহা শুনি নাগরাজ হইল বিকল।।
সর্পগণ আগে কহে নাগ অধিপতি।
উলুপী মাগিল মণি অর্জুনের প্রতি।।
ব্রহ্মবাহ সমরে মরিল ধনঞ্জয়।
মণি গিয়া গেলে জীয়ে পাণ্ডুর তনয়।।
পাণ্ডবের সখা কৃষ্ণ সংসারে বিদিত।
বিলম্ব না কর মণি পাঠাও ত্বরিত।।
অনন্তের কথা শুনি ধৃতরাষ্ট্র কহে।
এ সব অগ্রাহ্য কথা আমারে না সহে।।
আপন মঙ্গল রাজা নাহি চিন্ত তুমি।
গরুড়ের ভয়ে সর্প রক্ষা করে মণি।।
হেন মণি পাঠাইতে চাহ নরলোকে।
শুন সর্পরাজ আমি বলিব তোমাকে।।
ভাল হৈল ব্রহ্মবাহ মারিল অর্জুনে।
আমার আনন্দ বড় উপজিল মনে।।
মিত্র মোর ধৃতরাষ্ট্র কৌরবের পতি।
অর্জুন মারিল তার শতেক সন্ততি।।
একথা শুনিয়া চণ্ডে দুঃখ উপজিল।
অর্জুন নিধনে মম আনন্দ হইল।।
না দিব অমৃত মণি কহিনু তোমারে।
ব্রহ্মবাহনের শক্তি কি করিতে পারে।।
মারিল বান্ধব বন্ধু গুরু ধনঞ্জয়।
সেই পাপে নষ্ট হৈল পাণ্ডুর তনয়।।
নরলোকে কদাচিত মণি না রাখিব।

কত জীব জীবে বলি এ মণি রাখিব।।
 গরুড়ের ভয়ে মোরা না পাব নিস্তার।।
 মণি নাহি দিব শুন বচন আমার।।
 আমার সম্মতি নহে শুন নাগরায়।
 তবে সে তোমার চিত্তে যেমত যুয়ায়।।
 আমরা যতেক নাগ না দিব সম্মতি।
 সত্য কহিলাম কথা শুন নাগপতি।।

অনন্ত বলেন কথা শুন নাগগণ।
 ধর্মপথ আচরিব শুনহ কখন।।
 অর্জুন পাইলে প্রাণ মণির মিলনে।
 সুখী হবে নারায়ণ একথা শ্রবণে।।
 কৃষ্ণপ্ৰীতে সুখ মোক্ষ চতুর্ভুগ পায়।
 মণি দিয়া রক্ষা কর পাণ্ডুর তনয়।।
 শুন ধৃতরাষ্ট্র তুমি আমার বচন।
 মণি নাহি দিলে পার্থ পাইবে জীবন।।
 সখা যার নারায়ণ মৃত্যু নাহি তার।
 মণি দিয়া যশ তুমি রাখ আপনার।।
 নহে বক্রবাহ হোতে পাবে অপমান।
 সত্য কহিলাম আমি তোমা বিদ্যমান।।

নাগমন্ত্রী ধৃতরাষ্ট্র নাহি দিল মণি।
 পুণ্ডরীক মুখে তাহা বক্রবাহ শুনি।।
 উলুপী বলিল পুত্র কি হবে উপায়।
 মণি আনিবারে তুমি চলহ তথায়।।
 বক্রবাহ বলিলেন সম্প্রীতে না পাব।
 বিক্রম করিয়া মণি শেষেতে আনিব।।

এত বলি বক্রবাহ সাজন করিল।
 রথ আরোহিয়া বীর পাতালে চলিল।।

বাসুকী না দিল মণি জানিয়া রাজন।
 মণি না পাইয়া রাজা অতি ক্রুদ্ধমন।।
 প্রবেশিল পাতালেতে যুদ্ধের কারণে।
 তাহা দেখি দূত কহে রাজা বিদ্যমানে।।
 দূতমুখে অনন্ত পাইল সমাচার।
 যুদ্ধ হেতু আসে চিত্রঙ্গদার কুমার।।
 অর্জুন নন্দন বীর জানে নানা শিক্ষা।
 অপার বিক্রম তার নাহি কার রক্ষা।।
 ধৃতরাষ্ট্রে ডাকিয়া বলিল নাগপতি।
 বক্রবাহ হেথা এল কি করি যুক্তি।।
 মণি নাহি দিলে তুমি আমার বচনে।
 পাতালে আইল সেই যুদ্ধের কারণে।।
 ধৃতরাষ্ট্র বলে মম কি ভয় মানুষে।
 বিনাশিব নৃপতিকে চক্ষুর নিমিষে।।
 তাহার কারণ তুমি না চিন্তহ মনে।
 আমি যুদ্ধ করি রাজা বক্রবাহ সনে।।

এত বলি বাসুকীরে দিল সমাচার।
 যুদ্ধ করিবারে আজ্ঞা হইল তাহার।।
 স্মরণে আনিল যত ছিল নাগগণ।
 বক্রবাহনের সনে আরম্ভিল রণ।।
 সে সব সংগ্রাম কথা কহিতে বিস্তর।
 সংক্ষেপে কহিব আমি শুন নরবর।।
 গজ বাজী পদাতিক করিয়া সংহতি।
 রণে প্রবেশিল বক্রবাহ নরপতি।।
 অনল সমান বাণ বরিষে রাজন।
 আগু হৈতে নাহি পারে ছিল যতজন।।
 বিষদন্তে নাগগণ দংশিবে যাহারে।
 চক্ষুর নিমিষে সেই যায় যমঘরে।।

ধনুক ধরিয়া করে বাণ বরিষণ।
অগ্নিবাণে পুড়িয়া মরিল নাগগণ।।
সর্প মনুষ্যেতে রণ অপূর্ব কখন।
বড় বড় নাগগণ হারায় জীবন।।
বাসুকী সংগ্রামে এল ক্রোধ করি চিতে।
অনেক যুঝিল বক্রবাহন সহিতে।।
নিবারিতে নাহি পারি, অর্জুন নন্দনে।
ধৃতরাষ্ট্র গর্জিলেন দুঃখ পেয়ে মনে।।
দুই পুত্র লয়ে ধৃতরাষ্ট্র করে রণ।
বিংশতি সহস্র সৈন্য বধিল জীবন।।
মহাক্রোধ উপজিল অর্জুন নন্দনে।
যুড়িল গরুড় বাণ ধনুকের গুণে।।
হইল গুরুড় মূর্তি দেখি ভয়ঙ্কর।
প্রাণভয়ে নাগ সব পলায় সত্তর।।
প্রমাদ পড়িল আর না দেখি নরনে।
ভয়েতে গেলেন নাগ অনন্ত সদনে।।
অনন্ত বলেন কেন পলাও এখন।
শুন ধৃতরাষ্ট্র তুমি কর গিয়া রণ।।
মণি নাহি দিলে তুমি আমার বচনে।
এখন করহ যুদ্ধ বক্রবাহ সনে।।
বিনাশ হইবে নাগ তোমার বিচারে।
অর্জুন নন্দনে কেবা জিনিবারে পারে।।

অনন্তের বাক্য শুনি বলে নাগগণ।
সে কোপে করিবে তুমি নাগের নিধন।।
আপনি বিদায় কর বক্রবাহনেরে।
আর যুদ্ধে কাজ নাই মণির কারণে।।
এত বলি মন্ত্রী দিল অনন্তেরে মণি।
মণি লয়ে নাগরাজ চলিল আপনি।।
অনন্ত বলেন শুন হে বক্রবাহন।
মণি লহ যুদ্ধে রাজা নাহি প্রয়োজন।।
এত বলি বক্রবাহনেরে মণি দিল।
অর্জুন নন্দন তবে বাণ সম্বরিল।।

মণি পেয়ে চিত্রঙ্গদাসুত তুষ্ট হৈল।
মণির প্রভাবে মৃতসেনা বাঁচাইল।।
তবে ধৃতরাষ্ট্র নাগ মনে বিচারিল।
আপনার দুই পুত্রে ডাকিয়া কহিল।।
তোমরা করহ যদি কলঙ্ক ভঞ্জন।
তবে সে রাখিব আমি আপন জীবন।।
বৃষকেতু অর্জুনের আন গিয়া মাথা।
তবে মোর হয় যত মনোব্যথা।।
বাপের বচনে দুই ভাই কুতূহলে।
মণিপরে গেল তবে সংগ্রামের স্থলে।।
বৃষকেতু অর্জুনের যতক লইয়া।
প্রবেশিল পাতালেতে হরষিত হৈয়া।।

মণিপূরে শ্রীকৃষ্ণের আগমন

শুন রাজা জনোজয় পূর্বের ভারতী।
কদাচিত খল জন নহে শুদ্ধমতি।।
মণি লয়ে বক্রবাহ গেল নিজপুরে।
উপনীত হৈল গিয়া মায়ের গোচরে।।
উলুপী কহিল পুত্র কহ বিবরণ।

অনিলা কি রত্ন মণি অর্জুন নন্দন।।
বক্রবাহ রাজা বলে আনিলাম মণি।
কিন্তু অর্জুনের মাথা না দেখি জননী।।
বৃষকেতু মুণ্ড নাহি কেবা লয়ে গেল।
তাহা শুনি চিত্রাঙ্গদা কান্দিতে লাগিল।।

কুণ্ডলে মণ্ডিত মুণ্ড নিল কোনজন।
 বিলাপিয়া ভূমে পড়ে অর্জুন নন্দন।।
 চিত্রাঙ্গদা উলুপী কান্দেন দুইজনে।
 তা দেখিয়া পাত্রমিত্র দুঃখ পায় মনে।।
 অন্বেষণ করি মুণ্ড কোথা না পাইল।
 ভূমে পড়ি সর্বজন কান্দিতে লাগিল।।
 পাত্রমিত্র প্রবোধয়ে সে বক্রবাহনে।
 চিত্রাঙ্গদা উলুপী শান্তাইল দুইজনে।।
 অধোমুখে বিলাপ করেন নরপতি।
 পিতৃহত্যা করিলাম হইয়া সন্তাত।।
 এ পাপ শরীর আর না রাখিব আমি।
 আত্মহত্যা করি আমি শুন গো জননী।।
 শরীর ত্যজিব আমি এই পিতৃশোকে।
 কৃমি হয়ে দুঃখ ভোগ করিব নরকে।।
 বুঝিনু আমার সম পাপী নাহি আর।
 বিনা দোষে বিনাশিনু পিতা আপনার।।
 নাগগণে জিনি আমি আনিলাম মণি।
 কেবা লয়ে গেল মুণ্ড কি হবে জননী।।
 উলুপী বলিল তুমি না কর ক্রন্দন।
 প্রতিকার ইহার করিবে নারায়ণ।।
 এ কস্ম অন্যের সাধ্য নহে কদাচন।
 কৃষ্ণ বিনা আনিতে নারিবে কোনজন।।
 ভকতবৎসল প্রভু আসিবে ত্বরিত।
 কৃষ্ণসখা অর্জুনেরে নাহি কিছু ভীত।।
 এত বলি প্রয়োখিল সে বক্রবাহনে।
 চৌদিকে বেড়িয়া সবে রহিল অর্জুনে।।
 অধোমুখে চিত্রাঙ্গদা উলুপী সুন্দরী।
 বিষাদে রহিল সর্ব সুখ পরিহরি।।

শুন রাজা জনোজয় কহি যে তোমারে।
 কুন্তীদেবী দেখে স্বপ্ন হস্তিনানগরে।।
 বৃষকেতু অর্জুন হইল ক্ষয় রণে।
 স্বপ্নেতে দেখিল বক্রবাহনের বাণে।।
 ভয়ে কুন্তীদেবী শ্রীষ্ম গোবিন্দে ডাকিল।
 শুনহ গোবিন্দ মম অমঙ্গল হৈল।।
 উচাটন চিত্ত মম শুন নারায়ণ।
 বৃষকেতু অর্জুনের হইল নিধন।।
 মণিপুর্বে বক্রবাহ নামে নরপতি।
 মহাবলবান সেই অর্জুন সন্ততি।।
 ঘোড়ার রাখিবারে পার্থ গেল তার পুরে।
 বক্রবাহ সে অশ্ব ধরিল অহঙ্কারে।।
 অশ্বভালে লিখন পড়িয়া নরপতি।
 অর্জুনে ভেটিতে সে আইল শীঘ্রগতি।।
 নানা রত্ন অগ্রে করি প্রণাম করিল।
 ক্রোধ করি পার্থ তার পূজা না হইল।।
 চরণ প্রহার কৈল মস্তক উপরে।
 জারজ বলিয়া গালি দিলেক তাহারে।।
 বক্রবাহ রাজা তবে পেয়ে অপমান।
 করিল অর্জুন সঙ্গে অনেক সংগ্রাম।।
 ভীম আদি যুবনাশ্ব যত সেনাগণ।
 বক্রবাহনের হাতে হৈল অচেতন।।
 বৃষকেতু অর্জুনের কাটিলেক মাথা।
 তোমারে জানাই কৃষ্ণ বিপদের কথা।।
 স্বপ্নেতে দেখিনু আমি শুন নারায়ণ।
 তুমি গেলে দূর হবে চিত্ত উচাটন।।
 এতেক শুনিয়া কৃষ্ণ কুন্তীর বচন।
 অন্তরে হৈলেন দুঃখী কমললোচন।।

অমঙ্গল কথা পিসি কহ কি কারণে।
কিরীটী জিনিবে হেন নাহি ত্রিভুবনে।।
কুন্তীরে অবোধ ঋষি মুকন্তুধয়াসি।
কৃষ্ণের স্মরণে আসে বিনতানন্দন।।
আজ্ঞা কর কোন কৰ্ম করিব এখন।
তবে কৃষ্ণ গরুড়ে করিয়া আরোহন।
অতি শীঘ্র যান প্রভু কিরীটী কারণ।।

উপনীত হইলেন হরি মণিপুরে।
যেইখানে চিত্রাঙ্গদা কান্দে উচ্চৈঃস্বরে।।
কৃষ্ণ দরশনে সবে চেতন পাইল।
বক্রবাহ রাজা তবে উঠি দাণ্ডাইল।।
বিজয় পাণ্ডব কথা অমৃত লহরী।
কাশী কহে শুনিলে তরয়ে ভববারি।।

শ্রীকৃষ্ণের প্রতি বক্রবাহনের বিনয়

বক্রবাহ নরনাথ, যোড় করি দুই হাত,
নিবেদয়ে কৃষ্ণের চরণে।
আমি অতি দুরাশয়, শুন কৃষ্ণ মহাশয়,
জানিয়া প্রবৃত্ত এই রণে।।
অশ্ব এল মণিপুরে, কহিলেন অনুচরে,
অহঙ্কারে ধরিলাম আমি।
অশ্বভালে লেখা যত, পড়িয়া হইনু জ্ঞাত,
শুন শুন দেব চক্রপাণি।।
পরিচয় পিতাসনে, ইচ্ছা করিলাম মনে,
বিশেষ কহিল চিত্রাঙ্গদা।
অশ্ব নিয়া আগে ধরি, কুসুম চন্দন পূরি,
দূর করি আপন মর্যাদা।।
নানারত্ন স্বর্গথালে, দিয়া পার্থ পদতলে,
যথাযোগ্য করিনু প্রণাম।
জারজ বলিয়া মোরে, লাখি মারিলেন শিরে,
সভাতে পাইনু অপমান।।
তবু দুঃখ নাহি ধরি, আমি কৃতাজ্জলি করি,
করিলাম অনেক বিনয়।
শুন শুন চক্রপাণি, নটীর তনয় আমি,
কহিলেন পার্থ মহাশয়।।

এ পঞ্চভৌতিক দেহ, কাম ক্রোধ লোভ
মোহ,
সম্বরিতে না পারিনু আমি।
অবশেষে যুদ্ধকার্য্য কহিলাম শুন আছ।।
অহঙ্কারে হয়ে মত্ত, না বুঝিনু ধর্ম্মতত্ত্ব,
বিনাশ করিনু জন্মদাতা।
প্রবেশিয়া রসাতলে, নাগে জিনিলাম বলে,
মনি আনি না দেখিনু মাথা।।
আদি অন্ত বিবরণ, করিলাম নিবেদন,
কে লইল হরি পার্থশির।
আমি আপনার প্রাণ, না রাখিব ভগবান,
ভাল হৈল এলে যদুবীর।।
এত বলি বক্রবাহ, ত্যাজিয়া সকল মোহ,
দিব্য অস্ত্র লইল তখন।
নৃপতির হাতে ধরি, বারণ করেন হরি,
না মরিও অর্জুন নন্দন।।
মহাভারতের কথা, শুনিলে ঘুচয়ে ব্যথা,
কলির কলুষ হয় নাশ।
কমলাকান্তের সুত, হেতু সুজনের প্রীত,
বিরচিল কাশীরাম দাস।।

মণিস্পর্শে অর্জুনাতির জীবন প্রাপ্তি

শ্রীজনমেজয় বলে শুন তপোধন।
কি প্রকারে পাইলেন অর্জুন জীবন।।
সে সকল কথা এবে কহ মহাশয়।
তোমার প্রসাদে শুনি খণ্ডুক সংশয়।।

বলেন বৈশম্পায়ন শুন নরপাত।
কহি যে তোমারে আমি সে সব তারতী।।
নিজ পরিচয় দিল শ্রীবক্রবাহন।
করিলেন আশ্বাস তাহারে নারায়ণ।।
গোবিন্দ বলেন মুণ্ড হরিল যে জন।
তাহার মস্তক খসি পড়ুক এখন।।
অর্জুনের মুণ্ড আসি স্কন্ধেতে লাগুক।
ইহা কহিলেন কৃষ্ণ হয়ে সকৌতুক।।
তবে সে দুজন্য মস্তক খসিল।
বক্রবাহ রাজা তাহা নয়নে দেখিল।।
বৃষকেতু অর্জুনের মস্তক লইয়া।
অনন্ত আপনি আসে সানন্দ হইয়া।।
দোঁহাকার স্কন্ধে মুণ্ড করিল যোজন।
অমৃত আপনি ছড়াইলা নারায়ণ।।
প্রাণদান পায় সবে মণির পরশে।
রাখিলেন কৃষ্ণচন্দ্র আপনার পাশে।।
হস্তী ঘোড়া আদি যত ছিল মৃতলোক।
মণি হৈতে প্রাণ পায় দূর হৈল শোক।।
উঠিয়া বলি যত নৃপতিকুমার।
মহাশব্দে সৈন্য সব বলে মার মার।।
যদুমণি মণি দেন অনন্তের স্থানে।

মণি লয়ে গেল নাগ আপন ভবনে।।
গোবিন্দ বলেন শুন অর্জুন তনয়।
ক্ষত্রধর্ম আচরিলা নাহি ধর্মভয়।।
অপরাধ বলি তুমি না ভাবিহ মনে।
ক্ষত্রিয় প্রধান কর্ম সম্মুখ সংগ্রামে।।
অর্জুনেরে বুঝাইয়া কহিলেন হরি।
বক্রবাহনেরে তোষ আলিঙ্গন করি।।
কৃষ্ণবাক্যে ধনঞ্জয় সম্প্রীতি পাইয়া।
বক্রবাহে তুষিলেন আলিঙ্গন দিয়া।।
আমার নন্দন তুমি বড় বলবান।
ত্রিভুবনে বীর নাহি তোমার সমান।।
সম্প্রীতি পাইয়া সবে দিল আলিঙ্গন।
সবে বলে যোদ্ধা বড় শ্রীবক্রবাহন।।
প্রণমিয়া বক্রবাহ কহে যোড়হাতে।
একদৃষ্টে নিরীক্ষয়ে পাণ্ডবের নাথে।।
অনুশাল দৈত্য সঙ্গে কৈল আলিঙ্গন।
সবে বলে ধন্য ধন্য অর্জুন নন্দন।।
চিত্রাঙ্গদা উলুপী গেলেন অন্তঃপুরে।
কৃষ্ণ হেথা কহিলেন বক্রবাহনেরে।।
তুরঙ্গ রাখিতে যাহ অর্জুন সংহতি।
সৈন্যগণ সঙ্গে লহ ঘোড়া আর হাতী।।
বক্রবাহ রাজা তবে হরষিত চিতে।
তুরঙ্গ লইয়া বীর করিল প্রয়াণ।।
এই বিবরণ রাজা কহিনু তোমারে।
আর কি বলিল রাজা বলহ আমারে।।

তাম্রধ্বজের সহিত অর্জুনাতির যুদ্ধ

শ্রীজনমেজয় বলে শুন তপোধন।
অশ্ব লয়ে কোথা গেল পাণ্ডুর নন্দন।।

বলেন বৈশম্পায়ন শুন জনোজয়।
রত্নাবতী পুরে গেল পাণ্ডবের হয়।।
রত্নাবতীপুরে রাজা ময়ুরধ্বজ নাম।
বড়ই ধার্মিক রাজা সর্ব গুণধাম।।
সংগ্রামে নাহিক কেহ তাহার সমান।
তার নামে বীরগণ কেহ তাহার সমান।।
তার নামে বীরগণ হয় কম্পমান।
অশ্বমেধ যজ্ঞ করিলেন নরপতি।।
অশ্বরক্ষা করে তাম্রধ্বজ মহামতি।
অশ্ব লয়ে আছে সেই নর্মদার তীরে।।
দৈবে অর্জুনের অশ্ব গেল সেই পুরে।
অশ্ব দেখি তাম্রধ্বজ আনন্দিত মন।।
অশ্বকে ধরিল বীর করিয়া যতন।
লিখন পড়িয়া তার হৈল অহঙ্কার।।
পাণ্ডব সমান বীর কেহ নাহি আর।
বীরবেশ অহঙ্কারে কাঁপে কলেবরে।।
ডাক দিয়া বলিল যতেক অনুচরে।
বান্ধিয়া রাখহ ঘোড়া করিয়া যতন।।
দেখি কি করিতে পারে পাণ্ডুর নন্দন।
অহঙ্কারে অশ্বভালে করেছে লিখন।।
ধরিতে আমার ঘোড়া পারে কোনজন।
শীঘ্র লহ সেনাগণ ধনুর্বাণ হাতে।।
সকলে সুসজ্জ হও সংগ্রাম করিতে।
আপাদেশে অনুচর অশ্ব লয়ে গেল।।
তাম্রধ্বজ যুদ্ধ হেতু সুসজ্জ হইল।

শিখিধ্বজ সুত অশ্ব ধরিলেক বলে।।
কিরীটি গুনিয়া আজ্ঞা করেন সকলে।

আগে হৈল বৃষকেতু লয়ে ধনুর্বাণ।।
তাম্রধ্বজ সহ তার বাজিল সংগ্রাম।
ডাক দিয়া বৃষকেতু বলে উচ্চৈঃস্বরে।।
কে ধরিল যজ্ঞ ঘোড়া মরিবার তরে।
যুধিষ্ঠির সহায় আপনি নারায়ণ।।
পাণ্ডবে জিনিতে নারে এ তিন ভুবন।
তাম্রধ্বজ বলে কৃষ্ণ সবাকার প্রতি।।
বুঝিয়া কহ কেন কুৎসিত ভারতী।
ভক্তের অধীন কৃষ্ণ ভজনেতে পাই।
এ তিন ভুবনে তাঁর শত্রু কেহ নাই।।
পাণ্ডবের কৃষ্ণ বলি কর অহঙ্কার।
শুন বৃষকেতু জ্ঞান নাহিক তোমার।।
দেখিব কেমনে আজি জিনিবে সংগ্রাম।
অশ্ব নিয়া নিজদেশে করহ প্রয়াণ।।
মম পিতা অশ্বমেধ যজ্ঞ আরম্ভিল।
অশ্ব রাখিবার তরে মোরে পাঠাইল।।
ভাল হৈল এই অশ্ব দৈবে দিল আনি।
লইতে যজ্ঞের ঘোড়া না পারিবা তুমি।।

বৃষকেতু বলে শুন নৃপতি নন্দন।
জিনিয়া আনিল সঙ্গে যত রাজগণ।।
যুবনাশ্ব নীলধ্বজ হংসধ্বজ আদি।
পরান্নব পেয়ে সবে আইল সংহতি।।
বৃথা অহঙ্কার কর মরিবে এখন।
নহে অশ্ব কিরীটিরে করহ অর্পণ।।

বৃষকেতু বাক্যে বীর ক্রুদ্ধ হৈল মনে।
 যুড়িল পঞ্চাশ বাণ ধনুকের গুণে।।
 কর্ণের নন্দন নিবারিতে না পারিল।
 তাম্রধ্বজ বাণে বীর জর্জর হইল।।
 তবে তাম্রধ্বজ বীর পাঁচ বাণ দিয়া।
 বৃষকেতু রথধ্বজ ফেলিল কাটিয়া।।
 তুণ গুণ কাটিলেন রথের সারথি।
 বিরথ হইল বৃষকেতু মহামতি।।
 দশ বাণে তাম্রধ্বজ তাহাকে বিক্ষিল।
 কর্ণের নন্দন রণে মুর্ছিত হইল।।

তবে যুবনাশ্ব রাজা সুবেগ সহিত।
 করে বহু যুদ্ধ তাম্রধ্বজের সহিত।।
 পিতা পুত্রে মুর্ছিত হইল দুইজনে।
 তবে অনুশালু আসি প্রবেশিল রণে।।
 তাম্রধ্বজ সহ কৈল অনেক সংগ্রাম।
 ভূমিতে পড়িল দৈত্য হইয়া অজ্ঞান।।
 তবে হংসধ্বজ আর সে বক্রবাহন।
 প্রাণপণে দুই জনে কৈল মহাযগ্ন।।
 মহাবীর তাম্রধ্বজ ভয় নাহি করে।
 জনিতে নারিল কেহ তাম্রধ্বজ বারে।।
 প্রাণপণে যুঝে সবে অনেক প্রকার।
 অচেতনে পড়ি গেল রথের উপর।।
 কেহ ভূমি পড়ি গেল হয়ে অচেতন।
 তবে রণে প্রেবিশিল কৃষ্ণের নন্দন।।
 তাম্রধ্বজ সনে সেও অনেক যুঝিল।
 বাহুল্য কারণ তাহা লেখা নাহি গেল।।
 তাম্রধ্বজ বাণে তার শেষ হৈল তনু।
 অচেতন হয়ে রণে পড়ে ফুলধনু।।

আইল সাত্যকি ভীম করিতে সমর।
 ছাইল গগন তবে এড়ি নানা শর।।
 মহাবীর তাম্রধ্বজ ভয় নাহি করে।
 কাটিল ভীমের গদা দিব্য পাঁচ শরে।।
 ধনুর্বাণ হাতে লয়ে বীর বৃকাদর।
 তাম্রধ্বজ সহ কৈল অনেক সমর।।
 সাত্যকি সাহস করি এড়ে নানা বাণ।
 নৃপতি তনয় তাহা করে খান খান।।
 তবে তাম্রধ্বজ বীর আশী বাণ দিয়া।
 বিক্ষিলেক ভীমসেনে জর্জর করিয়া।।
 সাত্যকি সহিত তবে বাধে মহারণ।
 তারে পরাজিল শিখিধ্বজের নন্দন।।
 এ সব ঈশ্বরলীলা কেহ নাহি জানে।
 যতেক পাণ্ডবসৈন্য পরাজিল রণে।।
 তাহা দেখি কিরীটির ক্রোধ হৈল মনে।
 গাঞ্জীব লইয়া বীর প্রবেশের রণে।।
 কিরীটা দেখিয়া তবে তাম্রধ্বজ বীর।
 তীক্ষ্ণবাণ দিয়া তার বিক্ষিল শরীর।।
 কিরীটা যতেক বাণ যুড়েন ধনুকে।
 তাম্রধ্বজ নিবারিল বাণ দিয়া তাকে।।
 নিবারিতে না পারিয়া তাম্রধ্বজ শরে।
 পার্থের জর্জর অঙ্গ রক্ত বহে ধারে।।
 মহাকোপে উপজিল পাণ্ডুর নন্দনে।
 ভয় পেয়ে জিজ্ঞাসেন তবে নারায়ণে।।
 ওহে কৃষ্ণচন্দ্র আমি না পারি বুঝিতে।
 সংগ্রামে সমর্থ নাহি তাম্রধ্বজ সাথে।।
 ভীষ্ম দ্রোণ কর্ণবীরে পরাজিনু আমি।
 নিবাতকবচে বিনাশিনু চক্রপাণি।।
 খাণ্ডব দহিনু আমি তুষিণু অনলে।

কালকেতু নিপাত করিনু বাহুবলে।।
সংগ্রাম করিয়া আমি তুবিনু শঙ্করে।
জিনি কৌরবগণে বিরাট নগরে।।
চিত্ররথ গন্ধর্কের কৈনু অপমান।
আপনি জানহ তুমি আমার সংগ্রাম।।
সুরথ সুধন্বা আমি নিপাতিনু রণে।
যুঝিতে না পারি আমি তাম্রধ্বজ সনে।।
বীর নাহি দেখি তাম্রধ্বজের সমান।
শুন কৃষ্ণ পাইলাম বড় অপমান।।

গোবিন্দ বলেন সখা ত্যজহ সমর।
মহাবলবান শিখিধ্বজের কোণ্ডর।।
জিনিতে নারিবে তুমি তাম্রধ্বজ বীরে।
বৈষ্ণব উহার পিতা বিদিত সংসারে।।
গোবিন্দ বলেন সখা কর অবধান।
তুমি কিম্বা আমি হরি একই সমান।।
তোমাতে আমাতে সখা কিছু ভেদ নাই।
ভক্তের মর্যাদা আমি রাখিবারে চাই।।
রাজার সাহস আজি দেখাব তোমারে।
চল দুইজন যাই পুরীর ভিতরে।।

শিখিধ্বজ সম দাতা নাহি ত্রিভুবনে।
সংগ্রাম ত্যজহ তুমি আমার বচনে।।
দ্বিজবেশ ধরিয়া রাজার ঠাই যাব।
নৃপতি সাহস আমি তোমারে দেখাব।।
পাইবে যজ্ঞের ঘোড়া ভয় নাহি মনে।
সংগ্রাম ত্যজিয়া তুমি এস মোর সনে।।

এত শুনি ধনঞ্জয় কৃষ্ণের উত্তর।
ঈষৎ হাসিয়া বীর ত্যজেন সমর।।
পাণ্ডবের কৃষ্ণ বলি জানে সর্ব্বজন।
তব পদে ভক্তি মোর নাহি নারায়ণ।।
দর্পহারী তব নাম বিদিত সংসারে।
সাক্ষাৎ সে দর্প তুমি দেখাও আমারে।।
এত শুনি কৃষ্ণচন্দ্র হাস্যমুখে কন।
তোমা বিনা সখা মম আছে কোন্ জন।।
রণ জিনি তাম্রধ্বজ ছাড়ে সিংহনাদ।
চলিল বাপের পাশে লইতে প্রসাদ।।
অশ্বমেধ পুণ্যকথা অমৃত সমান।
কাশীরাম দাস কহে শুনে পুণ্যবান।।

যুদ্ধ জিনিয়া তাম্রধ্বজের পিতৃসমীপে গমন

সংগ্রাম জিনিয়া রঙ্গে, নিজ সৈন্য লয়ে সঙ্গে,
তাম্রধ্বজ গেল নিকতনে।
বসন ধরিয়া গলে, জনকের পদতলে,
প্রণমিল আনন্দিত মনে।।
তাম্রধ্বজ যোড়হাতে, নিবেদন করে তাতে,
শুন পিতা মম নিবেদন।
নর্ম্মদা নদীর কূলে, অশ্ব রাখি কুতূহলে,
সঙ্গে লয়ে নিজ সৈন্যগণ।।

মহাভারত (অশ্বমেধ পর্ব)
 এক অশ্ব হেনকালে, উপনীত নদীকূলে,
 অনুচরে তাহাকে ধরিল।
 যুধিষ্ঠির যজ্ঞ- হয়, সঙ্গে এল ধনঞ্জয়,
 পত্র পড়ি সব জানা গেল।।
 নিয়োজিয়া অনুচরে, অশ্ব পাঠাইনু ঘরে,
 যুদ্ধ আশে রহিলাম আমি।
 হয় গজ চারু রথে, নানা অস্ত্র লয়ে হাতে,
 সৈন্য এল, লেখা নাহি জানি।।
 ডাক দিয়া উচ্চৈঃস্বরে, বলে মোরে কটুভরে,
 বৃষকেতু কর্ণের নন্দন।
 এ তিন ভুবন মাঝে, কেবা হেন বীর আছে,
 অর্জুন সহিত করে রণ।।
 পাঁচনি লইয়া হাতে, কৃষ্ণচন্দ্র যাঁর রথে,
 রথ-অশ্ব চালান সারথি।
 আর যত আছে বীর, সংগ্রামেতে অতি ধীর,
 জিনিতে না পার সুরপতি।।
 শুনি তার বাক্যজাল, হৃদয়ে বাজিল শাল,
 উদয় হইল বীররস।
 বাণে বাণে যুদ্ধ হয়, স্বর্গে দেব স্থির নয়,
 তপোবনে কম্পিত তাপস।।
 খাইয়া আমার বাণ, বৃষকেতু হতজ্ঞান,
 পড়িয়া লোটায় ভূমিতলে।
 আরোহিয়া মত্ত হাতি, অনুশাল্য দৈত্যপতি,
 সংগ্রামে আইল হেনকালে।।
 নানা অস্ত্র লয়ে হাতে, যুঝিল আমার সাথে,
 নানা মায়া করিল বিস্তর।
 বাণাঘাতে জরজর, কৈনু তার কলেবর,
 ভঙ্গ দিল দৈত্যের ঈশ্বর।।
 তবে রাজা যুবনাশ্ব, হাতে লয়ে মহাপাশ,

মহাভারত (অশ্বমেধ পর্ব)
 পুত্রসহ প্রবেশিল রণে।
 খাইয়া আমার বাণ, পিতা পুত্রে হতজ্ঞান,
 ভূমিতে পড়িল অচেতনে।।
 হংসধ্বজ নরপতি, সাহস করিয়া অতি,
 সংগ্রাম করিল বহুতর।
 তৃণ-গুণ ধনুর্বাণ, কাটি করি খান খান,
 অচেতন হৈল নরবর।।
 নীলধ্বজ রাজা এল, তাহার পতন হৈল,
 ভূমিতে পড়িল অচেতন।
 আরোহিয়া দিব্য রথে, ধনুর্বাণ হয়ে হাতে,
 রণে এল শ্রীবক্রবাহন।।
 বড় বলবান রাজা, অনল সমান তেজা,
 সংগ্রাম করিল নানামত।
 দুই জনে সুসন্ধান, করিলাম নানা বাণ,
 সে কথা কহিতে পারি কত।।
 অচেতন হয়ে রণে, পড়িল আমার বাণে,
 ভীম এল করিতে সংগ্রাম।
 সাত্যকি তাহার সাথে, নানা অস্ত্র লয়ে হাতে,
 দুই জনে মহাবলবান।।
 অনেক যুঝিল ভীম, প্রতাপেতে সে অসীম,
 আগে ভয় জন্মিল অন্তরে।
 শেষে ভঙ্গ দিয়া বীর, পলাইল দিগন্তরে,
 কহিলাম তোমার গোচরে।।
 তবে এল কৃষ্ণসুত, মনে বড় হরষিত,
 কামদেব মহাবলবান।
 যুঝিল আমার সাথে, ধনুর্বাণ লয়ে হাতে,
 কি কহিব সে সব বাখান।।
 অবধান কর তাত, পরাজিনু রতিনাথ,
 অচেতনে লোটায় ধরণী।

মহাভারত (অশ্বমেধ পর্ব)
 গাণ্ডীব লইয়া হাতে, অর্জুন আইল রথে,
 সারথি তাহাতে চক্রপাণি।।
 যুঝিনু তাহার সনে, ভয় না করিনু মনে,
 পরাভব পাইল কিরীটি।
 পার্থ হৈল অচেতন, আশ্বাসেন নারায়ণ,
 পদাতিক পড়ে কোটি কোটি।।
 এই যুদ্ধ-বিবরণ, করিলাম নিবেদন,
 অশ্ব আনি দেখায় পিতারে।
 শিখিধ্বজ হরষিত, মনেতে পাইয়া প্রীত,
 আলিঙ্গনে তুষিল পুত্রে।।
 মহাভারতের কথা, শুনিলে ঘুচয়ে ব্যথা,
 কলির কলুষ বিনাশন।
 কমলাকান্তের সুত, হেতু সুজনের প্রীত,
 কাশীরাম দাস বিরচন।।

ব্রাহ্মণবেশে কৃষ্ণার্জুনের শিখিধ্বজ রাজার সভায় গমন

পুত্রের বচন শুনি আনন্দ পাইল।
 আলিঙ্গন দিয়া রাজা পুত্রকে তুষিল।।
 শুভ সমাচর পুত্র কহিলে আমারে।
 আইলেন নারায়ণ রত্নাবতীপুরে।।
 সার্থক তপস্য মম হৈল এত দিনে।
 দেখিব পরমানন্দে কিরীটি মিলনে।।
 বাক্শিয়া রাখহ ঘোড়া মিলাইল বিধি।
 সবাক্শবে পরশিব কৃষ্ণ গুণনিধি।।
 যার পাদপদ্ম হৈতে গঙ্গার জনম।
 আইলেন মম পুরে সেই নারায়ণ।।
 যার পদ পরশে সানন্দ বসুমতী।
 মুনিগণ যাঁর পদ ভাবে দিবারাতি।।
 হেন যাদবেন্দ্র আইলেন মম পুরে।

পূর্ব তপফলে আমি দেখিব তাঁহারে।।
 তুমি পুত্র আমার জন্মিলে শুভক্ষণে।
 কৃষ্ণ দরশন পাব কিরীটি মিলনে।।
 শুনিলাম তব মুখে যুদ্ধ বিবরণ।
 বাহুবলে পরাজিলে শ্রীবক্রবাহন।।
 এক লক্ষ রাজা যাঁর খাটে ছত্রতলে।
 তাহাকে জিনিলা তুমি নিজ বাহুবলে।।
 যুবনাশ্ব অনুশাল্য বড় বীরবর।
 তাহারে জিনিয়া তুমি করিলা সমর।।
 সাত্যকি ও বৃষকেতু বড় বলবান।
 তাহাকে জিনিলা তুমি বিক্রমে প্রধান।।
 পরাজিলা রতিনাথে আশ্চর্য্য কখন।
 কিরীটি তোমার বাণে হল অচেতন।।

এ সব আশ্চর্য্য কথা শুনে লাগে ভয়।
 একেলা করিলা তুমি সবাকারে জয়।।
 পাণ্ডব বান্ধব করিবেন আগমন।
 অশ্ব হেতু গোবিন্দের দেখিব চরণ।।
 এত বলি আনন্দ পুলকে নরপতি।
 সমাজ করিল পাত্র মিত্রের সংহতি।।
 পুনঃ আলিঙ্গনে পুত্রে তোষে নৃপবর।
 সিংহাসনে বসিলেন সভার ভিতর।।
 হেথা জনার্দন যুক্তি বিচারিল মনে।
 দ্বিজরূপ হইলেন অর্জুনের সনে।।
 বৃদ্ধ বিপ্ররূপ হইলেন নারায়ণ।
 রাজারে করিতে কৃপা করেন গমন।।
 খুঙ্গি পুথি কাছে শিষ্যরূপে ধনঞ্জয়।
 নৃপতির স্থানে যান হইয়া নির্ভয়।।
 সমাজ করিয়া রাজা আছেন যেখানে।
 তথা উপনীত কৃষ্ণ অর্জুনের সনে।।
 ব্রাহ্মণ দেখিয়া রাজা উঠিল সত্বরে।
 প্রণমিয়া পাদ্য অর্ঘ্য দিল দ্বিজবরে।।
 যোড়হাত হয়ে রাজা বলেন বচন।
 কি হেতু আইলে তুমি কহ বিবরণ।।
 রাজার বচন শুনি দেব নারায়ণ।
 কপট করিয়া কৃষ্ণ কহেন বচন।।
 শুনহ ভূপতি মম দুঃখের কাহিনী।
 কহিতে বদনে মম নাহি সরে বাণী।।
 কৃষ্ণশর্মা নামে দ্বিজ তোমার নগরে।
 পুত্রের সম্বন্ধ আমি কৈনু তার ঘরে।।
 বিবাহ দিবস দৈবে নিকট হইল।
 নিমন্ত্রণ ইষ্টবন্ধু কুটুম্ব আইল।।
 বল লয়ে আসিতে ছিলাম হরষিতে।

দৈবে এক সিংহ আসি আগুলিল পথে।।
 মম পুত্র খাইবারে চাহিল কেশরী।
 ভয়ে আমি কহিলাম যোড়হাত করি।।
 আমারে ভক্ষণ কর ছাড়িয়া পুত্রে।
 এক পুত্র বিনা আর নাহিক সংসারে।।
 পুত্রশোক সহিতে না পারিব যে আমি।
 শুন সিংহ আমারে ভক্ষণ কর তুমি।।
 সিংহ বলে তব মাংসে প্রীতি নাহি পাব।
 নবীন কোমল মাংস পেট পুরে খাব।।
 তপস্যায় শুষ্ক মাংস তোমার শরীরে।
 খাইতে নারিব আমি কহিনু তোমারে।।
 পুত্রের নিমিত্ত মোর বড় হৈল মায়া।
 পুনঃ সিংহে কহিলাম যোড়হাত হৈয়া।।
 কি বস্তু পাইলে ছাড় আমার কুমারে।
 আজ্ঞা কর সেই দ্রব্য দিব সে তোমারে।।
 তবে সিংহ কহিলেন নিদারুণ বাণী।
 সে কথা কহিতে নাহি পারি নৃপমণি।।
 রাজা বলিলেন কহ সেই ত কখন।
 কি কহিল সে কেশরী শুনি বিবরণ।।
 বিপ্র বলে সেই কথা কহিতে না পারি।
 যে নিষ্ঠুর বাক্য মোরে কহিল কেশরী।।
 শুন বিপ্র পুত্রের বাঞ্ছহ যদি প্রাণ।
 ময়ূরধ্বজের অঙ্গ কাটি শীঘ্র আন।।
 নানা ভোগযুক্ত সেই রাজ কলেবর।
 খাইতে আমার বাঞ্ছা আছে বিস্তর।।
 তবে সে ছাড়িব আমি তোমার নন্দনে।
 এত বলি আজ্ঞা দিনু পরম যতনে।।
 নিব্বন্ধ করিয়া আইলাম তব স্থান।
 তুমি অঙ্গ দিলে রহে তনয়ের প্রাণ।।

এতেক বচন বিপ্র বলে বারে বারে।
 নিজ তনু দিয়া তুমি রাখহ আমারে।।
 দ্বিজের শুনিয়া কথা হরিষ রাজন।
 দিব বলি অঙ্গীকার করিল তখন।।
 তাহা দেখি পাত্রমিত্র করে হাহাকার।
 যোড়হাত করি বলে রাজার কুমার।।
 তাম্রধ্বজ বলিলেন শুন নিবেদন।
 তুমি গেলে শূণ্য হবে রাজ সিংহাসন।।
 আমি যাই দ্বিজ সঙ্গে সিংহের সম্মুখে।
 পরম হরিষে সিংহ খাইবে আমাকে।।
 রাজা বলে তোমা যদি লয়ত ব্রাহ্মণ।
 তবে সত্য হয় পুত্র আমার বচন।।
 তবে তাম্রধ্বজ বড় সন্মিত পাইয়া।
 দ্বিজ কাছে কহে কথা হরষিত হৈয়া।।
 শুন দ্বিজ তোমাতে যে করি নিবেদন।
 যেই পিতা সেই পুত্র শাস্ত্রের কথন।।
 সিংহাসন শূন্য হবে ভূপতি বিহনে।
 আমি শিশুমতি প্রজা পালিব কেমনে।।
 অনুমতি দেহ আমি যাই সিংহপাশে।
 নিজ পুত্র লয়ে তুমি যাই গৃহবাসে।।
 এত যদি কহিলেন ভূপতি নন্দন।
 তাহা শূনি হাসি বলে কপট ব্রাহ্মণ।।
 যেই পুত্র সেই পিতা করিলা প্রমাণ।
 সমান শরীর তুমি ইথে নাহি আন।।
 কিন্তু সে সিংহের কথা কহি যে তোমাকে।
 ভূপতির অর্দ্ধ অঙ্গ মাগিল আমাকে।।
 ভূপতির অর্দ্ধ অঙ্গ যদি পাই ভিক্ষা।
 তবে সে আমার পুত্র পাইবেক রক্ষা।।
 শুনহ ময়ুরধ্বজ আমার বচন।

সমস্ত শরীরে মম নাহি প্রয়োজন।।
 অর্দ্ধাঙ্গ দিবেক তুমি বলহ আমারে।
 পুত্র হেতু এই ভিক্ষা মাগিহে তোমাতে।।
 রাজা বলিলেন অঙ্গ দিব আপনার।
 ইহাতে তিলেক দুঃখ নাহিক আমার।।
 অর্দ্ধ অঙ্গ ব্রাহ্মণে দিলেন নরপতি।
 সমাচার পায় পুরে নারী কুমুদ্বতী।।
 দুই চারি দাসী সঙ্গে আইল সেখানে।
 যোড়হাত করি বলে দ্বিজ দিব্যমানে।।
 নৃপতির অর্দ্ধ অঙ্গ গণি যে আমাকে।
 মোরে সিংহে দিয়া রাখ আপন বালকে।।
 কেন সিংহাসনশূণ্য কর দ্বিজবর।
 আজ্ঞা দেহ আমি যাই সিংহের গোচর।।
 আমা দরশনে তুষ্ট হবেন কেশরী।
 পুত্র লয়ে যাহ তুমি আপনার পুরী।।
 এত যদি রাজরাণী করিল সাহস।
 গোবিন্দে নিন্দেন পার্থ হইয়া বিরস।।
 তবে কৃষ্ণ কহিলেন শুনহ রাজন।
 নারী বাম অঙ্গ মোর নাহি প্রয়োজন।।
 দক্ষিণাঙ্গ দেহ রাজা কহিল আমারে।
 যাচিঙ্গা করিনু আমি তোমার গোচরে।।
 দক্ষিণাঙ্গ দেহ মোরে শুন নরপতি।
 মন দিয়া শুন তুমি সিংহের ভারতী।।
 স্ত্রী পুত্রে করাত ধরি তোমাতে চিরিবে।
 তবে তব অর্দ্ধ অঙ্গ কেশরী লইবে।।
 কেশরী কহিল এই নিষ্ঠুর বচন।
 তবে সে পাইব আমি আমার নন্দন।।
 পরকাল তরিবারে এত যত্ন করি।
 পুত্র বিনা নিদানে নরকে ঘুরে মরি।।

অতএব মাগিলাম এ ভিক্ষা তোমাতে।
 কাতর না হয়ে অর্দ্ধ অঙ্গ দেহ মোরে।।
 দক্ষিণাঙ্গ দিয়া হে পুরাও অভিলাষ।
 পরিণামে তোমার হইবে স্বর্গবাস।।
 শিখিধ্বজ বলে অর্দ্ধ অঙ্গ দিব আমি।
 ক্ষণেক বিলম্ব কর দ্বিজবর তুমি।।
 রাজা বলে তাম্রধ্বজ আর রহ কেনে।
 করাতে চিরহ আমা সবা বিদ্যমানে।।
 বসিল ময়ূরধ্বজ পূর্ব মুখ হৈয়া।
 নবীন তলসীমালা গলায় পরিয়া।।
 স্নান করি তাম্রধ্বজ জননীর সনে।
 হাতেতে করাত নিল আনন্দিত মনে।।
 ব্রাহ্মণের আঞ্জা পুনঃ লয়ে যোড়হাতে।
 করাত দিলেন তবে জনকের মাথে।।
 অর্দ্ধ অঙ্গ রাজা দেয় উঠিল ঘোষণা।
 দেখিতে আইল যত নগরের জনা।।
 শিশু বৃদ্ধ যুবা কেহ না রহিল ঘরে।
 স্ত্রী পুরুষ উপনীত নৃপতির পুরে।।
 পথে যেতে পরস্পর কহে কোনজনে।
 আপনারে নাশে রাজা ধর্মের কারণে।।
 কেহ বলে ধন্য ধন্য শিখিধ্বজ রায়।
 রাজতনু দিয়া রাজা স্বর্গপুরে যায়।।
 কেহ বলে ক্লেশ বিনা নাহি হয় ধর্ম।
 কেহ বলে নৃপতি করিল বড় কর্ম।।
 অনিত্য শরীর এই বিচারিয়া মনে।
 আপনার অঙ্গ রাজা দিলেন ব্রাহ্মণে।।
 চল চল দেখি গিয়া ভূপতি সাহস।
 ভুবন ভরিয়া রাজা রাখিলেন যশ।।
 দূর হবে যত পাপ রাজ দরশনে।

দেখিলে সাহস হয় সত্য জানি মনে।।
 এত বলি সকলেতে তথায় চলিল।
 ভূপতির পত্নী পুত্র করাত ধরিল।।
 শিখিধ্বজ বলিলেন শুন কুমুদ্বতী।
 আমাকে চিরিতে নাহি তবে দুঃখমতি।।
 করাত ধরহ আমি ভয় নাহি করি।
 চিরহ মস্তক মম শুদ্ধচিত্ত করি।।
 মাতাপুত্রে আনন্দিত নৃপতি বচনে।
 চিরিছে মস্তক তার কৃষ্ণ বিদ্যমানে।।
 অন্তর্যামী ভগবান জানেন সকল।
 বলেন ঈষৎ হাসি ভকতবৎসল।।
 আর অর্দ্ধ অঙ্গ মম নাহি প্রয়োজন।
 অশ্রদ্ধায় দান আমি না করি গ্রহণ।।
 কান্দিয়া অর্দ্ধেক অঙ্গ তুমি দিলা মোরে।
 এ দান লইয়া আমি নারি তরিবারে।।
 না চিরিহ ভূপতিরে শুন রাজরাণী।
 কাতর হইলে দান নাহি লই আমি।।
 এত বলি নারায়ণ ধনঞ্জয় সাথে।
 সভা ত্যজি উঠিলেন আপনি ত্বরিতে।।
 কুমুদ্বতী বলে ভূপে যোড়হাত হৈয়া।
 না নিলেন দান বিপ্র কিসের লাগিয়া।।
 শুনিয়া কহিল রাজা প্রিয়ার বচন।
 কাতর দেখিয়া দান না নিল ব্রাহ্মণ।।
 এত বলি রাজা বামনেদ্রে জল ঝরে।
 যোড়হাত হয়ে বলে কপট দ্বিজেরে।।
 বাম নয়নেতে মম দেখি জলধার।
 হৈলাম কাতর, মনে হইল তোমার।।
 তোমার সাক্ষাতে সত্য কথা কহি আমি।
 করাতে ব্যথা নয় শুন দ্বিজস্বামী।।

যে কারণে অশ্রুপাত বাম নয়নেতে।
 তাহার কারণ আমি কহি যে তোমাতে।।
 দক্ষিণাঙ্গ তুমি মম করিলে গ্রহণ।
 অভিমানে বামচক্ষু করয়ে ক্রন্দন।।
 এই সে আমার দোষ কহি যে তোমারে।
 দক্ষিণাঙ্গ লয়ে তুমি যাহ ত সত্বরে।।
 হাসিয়া বলেন কৃষ্ণ শুন নরপতি।
 আমি তোমা পরীক্ষিনু কিরীটী সংহতি।।
 তাম্রধ্বজ যুদ্ধে কত সম্বিত পাইয়া।
 আইলাম পার্থ সঙ্গে কপট করিয়া।।
 তোমার সাহস যত দেখিলাম আমি।
 যুধিতে রাখিলে যশ ধন্য রাজা তুমি।।
 এত বলি বিপ্ররূপ ত্যজিয়া মুরারী।
 সেইক্ষণে হইলেন শঙ্খচক্রধারী।।
 গদাপদ্ম চতুর্ভুজ বনমালা গলে।
 মক্কর কুণ্ডল কর্ণে করে ঝলমলে।।
 তকতবৎসল হরি জানে নানা মায়া।
 মুগ্ধ করিলেন নিজ মূর্ত্তি প্রকাশিয়া।।
 তবেত ময়ুরধ্বজ হরষিত হৈয়া।
 প্রণমিল কৃষ্ণপদে পাদ্য অর্ঘ্য দিয়া।।
 পরশিল নৃপশির দেব জগৎপতি।
 হইল ময়ুরধ্বজ সুন্দর মুরতি।।
 তা দেখি উঠিল পুরে জয় জয়কার।
 প্রণমিল কৃষ্ণপদে রাজার কুমার।।
 কৃষ্ণপদ পরশিল রাজার রমণী।
 আশীর্ব্বাদ সবারে দিলেন চক্রপাণি।।
 যোড়হাতে শিখিধ্বজ করেন স্তবন।

পরম কারণ তুমি দেব নিরঞ্জন।।
 ব্রহ্মা বিষ্ণু মহেশ্বর তিন রূপ তুমি।
 তোমার মহিমা প্রভু কি বলিব আমি।।
 করে পরশিলা তুমি আমারে মুরারী।
 আমার ভাগ্যের কথা সীমা দিতে নারী।।
 সিদ্ধ হৈল অশ্বমেধ শুন নারায়ণ।
 অশ্ব লহ, যজ্ঞে মম নাহি প্রয়োজন।।
 এত বলি দুই অশ্ব কিরীটীরে দিল।
 কিরীটীর হাতে ধরি করিল প্রবোধ।।
 ক্ষম মম অপরাধ তুমি মহাবোধ।
 তাম্রধ্বজ যুদ্ধ কৈল তোমার সংহতি।।
 শুনহ সকল দোষ পাণ্ডবের পতি।
 কিরীটী বলেন রাজা নহে অবিচার।।
 আচরিল ক্ষত্রধর্ম্ম তনয় তোমার।
 তবে কৃষ্ণ কহিলেন শুন নরবর।।
 যুধিষ্ঠির যজ্ঞে যাবে হস্তিনানগর।
 তাম্রধ্বজ বলে আমি কিরীটী সাথে।।
 আজ্ঞা দেহ যাই আমি তুরগ রাখিতে।
 তাম্রধ্বজ পুত্রে ডাকি সকলি কহিল।।
 পুরী রাখিবারে সেই অঙ্গীকার কৈল।
 কিরীটীর সঙ্গে রাজা চলিল আপনি।।
 সঙ্গেতে চলিল সেনা লেখা নাহি জানি।
 মুচ্ছাগত সৈন্য যত আছিল সমরে।।
 কৃষ্ণ আজ্ঞা পেয়ে সবে উঠিল সত্বরে।
 বিজয় পাণ্ডব কথা অমৃত লহরী।।
 কাশী কহে শুনিলে তরয়ে ভববারি।

সরস্বতীপুরে অর্জুনাতির প্রবেশ ও যমের সহিত যুদ্ধ

শ্রীজনমেজয় বলে কহ মহামুনি।
কোন দেশে গেল অশ্ব কহ দেখি শুনি।।

বলেন বৈশম্পায়ন শুন জনোজয়।
সরস্বতীপুরে গেল পাণ্ডবের হয়।।
বীরব্রহ্মা নামে রাজা তার অধিকারী।
সেই দেশে যান পার্থ সহিত মুরারী।।
বীরব্রহ্মা নৃপতীর পুত্র পঞ্চোজন।
মহাবলবান তারা গুণে বিচক্ষণ।।
ধনুর্বাণ হাতে তারা আছিল নগরে।
দৈবে দুই অশ্ব তারা দেখিল গোচরে।।
বীরবেশে অহঙ্কারে তুরগ ধরিল।
অনুচরে নিয়োজিয়া পুরে পাঠাইল।।
ধনুর্বাণ হাতে নিল পঞ্চ সহোদর।
সৈন্যেতে বেষ্টিত রহে করিতে সমর।।
তুরগ ধরিল বীর ব্রহ্মার নন্দন।
তাহা শুনি কিরীটীর মলিন বদন।।
আগে হৈল বৃষকেতু ধনুর্বাণ করে।
বৃষকেতু ডাক দিয়া বলেয়ে তাহারে।।
কে ধরিল যজ্ঞ হয় দেহ পরিচয়।
আয়ুশেষ হৈল কার, যাবে যমালয়।।
বৃষকেতু বচনে কহিল পঞ্চোজন।
মোরা অশ্ব ধরি বীরব্রহ্মার নন্দন।।
যজ্ঞ হেতু জনকের আছে অভিলাষ।
অশ্বমেধ যজ্ঞ করি যাবে স্বর্গবাস।।
দৈবে আসি দুই অশ্ব মিলিল নগরে।
কে তোমরা পরিখার দেহভু আমারে।।
বৃষকেতু বলে আমি কর্ণের নন্দন।

পরিচয় তব সঙ্গে কোন্ প্রয়োজন।।
বাক্যজালে দোঁহাকার ক্রোধ উপজিল।
বৃষকেতু দশঘাণ ধনুকে জুড়িল।।
বীরব্রহ্মা পুত্র তাহা নিবারিল বাণে।
মারিল বিংশতি বাণ কর্ণের নন্দনে।।
বাণাঘাতে বৃষকেতু মানে পরাজয়।
হাতে বাণ অগ্রে হৈল কিরীটী তনয়।।
চিত্রাঙ্গদা সুত বীর বরিষয়ে বাণ।
পঞ্চোজনে বিক্রিয়া করিল খান খান।।
গজবাজী পদাতিক ক্ষয় হৈল রণে।
নিবেদয়ে পঞ্চোভাই জনকের স্থানে।।
যুদ্ধ বিবরণ যত বাপেরে কহিল।
তাহা শুনি বীরব্রহ্মে ক্রোধ উপজিল।।
জামাতার প্রতি তবে কহিল ভূপতি।
রাখহ আমার দেশ করিয়া শকতি।।
পরাভব পায় মম পুত্র পঞ্চোজন।
আপনি সাজিয়া যাহ করিবারে রণ।।
তোমার সাহসে কারে ভয় নাহি করি।
বাহুবলে তুমি রক্ষা কর মম পুরী।।
শ্বশুরের বাক্য শুনি সূর্য্যের নন্দন।
দণ্ড ধরি মহিষে করয়ে আরোহণ।।
সংগ্রামে শমন এল দণ্ড লয়ে হাতে।
দরশনে সৈন্যগণ ভয় পায় তাতে।।
বক্রবাহ আদি করি যত বীরগণ।
প্রাণপণে করিলেন শর বরিষণ।।
শেল টাঙ্গী নানা অস্ত্র মুষল মুদগর।
ভিন্দিপাল ক্ষুরপাদি বাণ প্রাণহর।।
সাহসে যুঝিছে যত পাণ্ডবেরগণ।

নমনের দণ্ডে হয় সব নিবারণ।।
 যুবনাশ্ব অনুশাল্ব সুবেগ কুমার।
 ধনুর্বাণ ধরিয়া করিল মহামার।।
 হংসধ্বজ নীলধ্বজ বরিষয়ে বাণ।
 সাত্যকি ধনুক ধরি করয়ে সন্ধান।।
 গদা হস্তে ভীমসেন প্রবেশিল রণে।
 প্রদ্যুম্নাদি বীরবর অনেক যুঝেন।।
 যমের সংগ্রামে সবে বিষন্ন বদন।
 ভয়ে ভঙ্গ দিল সবে রণ পরিহরি।।
 যুঝিতে অর্জুন আইলেন ধনু ধরি।
 সাহস করিয়া করিলেন বহু রণ।।
 দণ্ড লয়ে যম সব করিল বারণ।
 যুদ্ধ ত্যাজি পার্থ জিঞ্জাসেন নারায়ণে।।
 সংগ্রামে আইল যম কিসের কারণে।
 হরি কহিলেন আদি অন্তের কখন।।
 শুনিয়া প্রবোধ পান কুম্ভীর নন্দন।
 সেই কথা কহি আমি শুন নরপতি।।
 শনি ভারতের কথা কৃষ্ণে হয় মতি।
 বীরব্রহ্মা কন্যা নাম হয় যে মালিনী।।
 শুন রাজা জনোজয় অপূর্ব কাহিনী।
 পরমা সুন্দরী কন্যা জিনি রতিরূপ।।
 দুহিতা দেখিয়া বড় আনন্দিত ভূপ।
 দিনে দিনে সেই কন্যা বাড়িতে লাগিল।।
 পূর্ণিমার চন্দ্র যেন কলাতে পূরিল।
 বিবাহের যোগ্য কন্যা দেখিয়া তখনে।।
 বীরব্রহ্মা মহারাজ বিচারিল মনে।
 বিবাহের যোগ্য হৈল নহে ভাল কার্য্য ।।
 কালাতীত হৈলে কন্যা হবে লোক লাজ।
 স্বয়ম্বর হেতু কন্যা বিচারিল মনে।।

ডাকিয়া বলেন যত পাত্র মিত্রগণে।
 স্বয়ম্বর উদ্যোগ শুনিয়া রূপবতী।।
 যোড়হাতে জনকেরে বলিল ভারতী।
 কিসের লাগিয়া তুমি কর স্বয়ম্বর।।
 যমে আমি বরিয়াছি মনের ভিতর।
 যমে আনি বিবাহ করাও নরপতি।।
 ত্রিভুবনে যোগ্য দেখি সেই মম পতি।
 মরিলে সকলে যায় যমের নগরী।।
 আর কারে বরিব তাহাকে পরিহরি।
 দুহিতার বাক্য শনি বীর ব্রহ্মা রায়।।
 মহামুনি নারদেরে আনিল সভায়।
 নৃপাদেশ পাইয়া আসিল তপোধন।।
 কহিল আপন কথা করিয়া বিনয়।
 মহামুনি নারদ গেলেন যমালয়।।
 নারদে দেখিয়া যম করিল আদর।
 যোগাইল পাদ্য অর্ঘ্য আসন সত্বর।।
 যম বলে কি হেতু আইলে তপোধন।
 মম ভাগ্যে তোমার হইল আগমন।।
 নারদ বলেন যম শুন মন দিয়া।
 বীরব্রহ্মা রাজা মোরে দিল পাঠাইয়া।।
 মালিনী নামেতে তার আছয়ে তনয়া।
 তুমি স্বামী হবে তার আছয়ে মনয়া।।
 এই হেতু আগমন তোমার গোচরে।
 আমার বচনে চল সরস্বতীপুরে।।
 অলঙ্ঘ্য মুনির বাক্য লঙ্ঘিতে নারিয়া।
 রবিসুত যাত্রা কৈল ব্যাধিগণ লৈয়া।।
 যম আগমনে ব্যাধি লোকেরে পীড়িল।
 ব্যাধিভয়ে লোক সব দুঃখিত হইল।।
 তবে নারদেরে জিঞ্জাসিল নরপতি।

ব্যাধি হেতু প্রজানাশ কি হবে যুক্তি।।
মুনি বলে রাজা ধর্মপথে দাও মন।
ব্যাধি বল না করিবে শুনহ বচন।।
ধর্ম আচরণে সবে পাবে মহাসুখ।
পরম পুলকে রবে, ভুলি যত দুঃখ।।
নারদের বাক্যে বীরব্রহ্মা নরপতি।
পাত্রমিত্র প্রজা সবে ধর্ম দিল মতি।।
মুনি বলে আসিবেন সূর্যের নন্দন।
নিশ্চয় তোমার কন্যা করিবে গ্রহণ।।

মালিনীর অভিপ্রায় বুঝিয়া অন্তরে।
যম আইলেন বীরব্রহ্মার গোচরে।।
পরিচয় আপনার কহিল রাজনে।
হরষিত বীরব্রহ্মা যম আগমনে।।
শুভক্ষণ করি কন্যা দিল নরপতি।
মালিনীর সঙ্গে হৈল পরম পীরিতি।।
মহাভারতের কথা অমৃত সমান।
কাশীরাম দাস কহে শুনে পুণ্যবান।।

কৌণ্ডিন্যপুরে অর্জুনাতির প্রবেশ ও চন্দ্রহংস রাজার উপাখ্যান

বলেন বৈশম্পায়ন শুন জনোজয়।
কৌণ্ডিন্যনগরে গেল পাণ্ডবের হয়।।
ধৃষ্টবুদ্ধি নামেতে রাজার পাত্র ছিল।
কালকূট মিশাইয়া রাজারে মারিল।।
আপনি করয়ে রাজ্য বসি সিংহাসনে।
জন্মিয়াছে চন্দ্রহংস ইহা নাহি জানে।।
তবে ধৃষ্টবুদ্ধি মন্ত্রী বিরলে বসিয়া।
মদনে লিখিল পত্র যতন করিয়া।।
শুন জনোজয় রাজা পত্রের লিখন।
খলের নির্মূল মতি নহে কদাচন।।
স্বস্তি আগে লিখিয়া লিখিল আশীর্ব্বাদ।
শুনহ মদন তুমি আমার সম্বাদ।।
চন্দ্রহংসে পাঠাইনু তব বিদ্যামানে।
যাবামাত্র বিষ দান করিবে যতনে।।
তোমার মঙ্গল হবে এ কর্ম্ম করিলে।
নহে পুত্র দুঃখ পাবে অবশেষ কালে।।
কদাচিত না লজ্জিবে আমার বচন।
আমি ত পশ্চাতে যাব নিজ নিকেতন।।

আমার অপেক্ষা কদাচিত না করিবে।
যাবামাত্র চন্দ্রহংসে বিষদান দিবে।।
পত্র লিখি পরে তাতে এক চিহ্ন দিল।
চন্দ্রহংস হাতে দিয়া বিশেষ কহিল।।
শুন চন্দ্রহংস তুমি বিষুভক্তজন।
মদনে লিখিনু আমি বিশেষ কথন।।
না পড়িবে এই পত্র নিষেধিনু আমি।
মদনের পত্র দিয়া তত্ত্ব আন তুমি।।
শিব বিষু ভেদ কৈলে যত পাপ হয়।
এ পত্র পড়িলে হবে কহিনু নিশ্চয়।।
এত বলি পত্র দিল চন্দ্রহংস হাতে।
কলিঙ্গ যাত্রা করিলেন শুভক্ষণে।।
মন্ত্রীর নগরে গেল আনন্দিত মনে।
নিদাঘ সময়ে সেই প্রথম জ্যৈষ্ঠমাসে।।
দেখিলেন উপবন নগর প্রবেশে।
চারিদিকে পুষ্পাদ্যন মধ্যে সরোবর।।
বকুলের বৃক্ষ শোভে পাড়ের উপর।
রম্যস্থান দেখি চন্দ্রহংস হরষিত।।

বসিল বকুল মূলে পাইয়া পীরিত।
 পথশ্রমে চন্দ্রহংস বসিল সেখানেে।।
 নিদ্রা আকর্ষিল আসি তাহার নয়নে।
 শুন শুন জনোজয় অপূর্ব কখন।।
 দৈবমায়া বুঝিতে না পারে কোনজন।
 ধৃষ্টবুদ্ধি রাজার দুহিতা রূপবতী।।
 সখীসঙ্গে উপবনে আইল ঝটিতি।
 পুষ্প তুলি সেই কন্যা শিবপূজা করে।।
 স্নান হেতু উপনীত হৈল সরোবরে।
 কতদূরে পুষ্প লয়ে আসে সখীগণ।।
 একাকিনী আসে কন্যা স্নানের কারণ।
 বৃক্ষ তলে নিদ্রা যায় পুরুষ সুন্দর।।
 কন্দর্প জিনিয়া রূপ অতি মনোহর।
 কামে বশ হৈল কন্যা তাহারে দেখিয়া।।
 মস্তক উপরে পত্র দেখিতে পাইয়া।
 পাত্র লয়ে পড়িল বসিয়া রূপবতী।।
 বাপের লিখন দেখি মদনের প্রতি।
 গতিমাত্র চন্দ্রহংসে বিষদান দিবে।।
 কদাচ বিলম্ব এতে তুমি না করিবে।
 লিখন পড়িয়া কন্যা করে মনস্তাপ।।
 বিষয়া বলিল বড় নিদারুণ বাপ।
 দেখিয়া এমন রূপ দয়া না জন্মিল।।
 বিষদান দিয়া এরে মারিতে বলিল।
 বিষয়া বলিল মোরে মিলাইল ধাতা।।
 নিশ্চয় হইব আমি ইহার বনিতা।
 পূজিলাম শিব পদ ইহার কারণে।।
 চন্দ্রহংস হবে পতি বিচারিয়া মনে।
 নয়ন কজ্জল নিল নখেতে করিয়া।।
 যা লিখিয়া পত্র দিল হরষিত হৈয়া।

মুদিত করিয়া পত্র রাখিল সেখানেে।।
 বিষয়া গেলেন ঘরে আনন্দিত মনে।
 স্নান করি কন্যাগণ শিবপূজা কৈল।।
 হেথা চন্দ্রহংস পরে নিদ্রাভঙ্গ হৈল।
 দিবশেষে উত্তরিল মদনের স্থানে।।
 দিলেন মন্ত্রীর পত্র পরম যতনে।
 মদন পড়িয়া পত্র সকল জানিল।।
 বিষয়াকে দান দিতে লিপি পাঠাইল।
 চন্দ্রহংসে সমর্পিব বিষয়া সুন্দরী।।
 বাপের বচন আমি লজ্জিতে না পারি।
 নানাবাদ্য হরিষে বাঙ্গায় রাজপুরে।।
 বিষয়াকে সমর্পিল চন্দ্রহংস বরে।
 নানা ধন কৌতুকে তুষিল তার মন।।
 ক্ষীরভোগ অবশেষে কৈল দুইজন।
 কুসুম শয্যাতে দোঁহে করিল শয়ন।।
 হেথা ধৃষ্টবুদ্ধি মন্ত্রী বিচারিয়া মন।
 কলিঙ্গে করিল বন্দী নিল সর্বধন।।
 প্রজাগণে মহাপাপী করিল তর্জন।
 রজনী প্রভাতে হেথা মদন উঠিয়া।।
 বাদ্যোদ্যম করিলেন আনন্দিত হৈয়া।
 আইল ভিক্ষুক যত ভিক্ষার কারণে।।
 তা সবারে মদন তুষিল নানা ধনে।
 পথেতে যতেক যায় হরষিত হৈয়া।।
 মদন প্রতিষ্ঠা যত কহিয়া কহিয়া।
 হেনকালে মন্ত্রী আসে কৌণ্ডিন্য হইতে।।
 নানা রত্ন গজবাজী লইয়া সহিতে।
 মন্ত্রী দেখি আশীর্ব্বাদ কৈল দ্বিজগণ।।
 শুভক্ষণে তব পুত্র জন্মিল মদন।
 বিষয়াকে দিল দান চন্দ্রহংস বরে।।

তা সম সুন্দর নাহি সংসার ভিতরে।
 চক্ষু আছে মদনের বুঝি অভিপ্রায়।
 তুষিলেন নানা ধনে আমা সবাকায়।
 তাহা শুনি ধৃষ্টবুদ্ধি অতি কোপে জ্বলে।।
 আরক্ত করিয়া আঁখি কটুবাক্য বলে।
 আরে মম কুলে তুই কুপুত্র জন্মিলি।।
 কার বাক্যে চন্দ্রহংসে মম কন্যা দিলি।
 মদন বলিল তব পাইয়া লিখন।।
 চন্দ্রহংসে বিষয়া করিনু সমর্পণ।
 মন্ত্রী বলে কোথা লিখিলাম আন দেখি।।
 মদন যোগায় পত্র হইয়া কৌতুকী।
 ধৃষ্টবুদ্ধি সেই পত্র করে নিরীক্ষণ।।
 মদনের দোষ নাহি বিচারিলা মনে।
 চন্দ্রহংসে আনিতে কহিল সেইক্ষণে।।
 চন্দ্রহংসে আনিতে দিলেন পাঠাইয়া।
 ধৃষ্টবুদ্ধি অনুচরে আনিল ডাকিয়া।।
 শুন অনুচরগণ আমার ভারতী।
 চণ্ডিকা আলয়ে তোরা যাহ শীঘ্রগতি।।
 নিশীথে দেখিবি যারে চণ্ডিকার ঘরে।
 যদি মম পুত্র হয় কাটিবে তাহারে।।
 ছাড়িয়া না দিবে তারে কহিলাম আমি।
 এত বলি অনুচরে দিলেন মেলানি।।
 তীক্ষ্ণ অস্ত্র লয়ে তারা চলিল সত্বরে।
 চন্দ্রহংস আসে হেথা মন্ত্রীর গোচরে।।
 বিষয়া সহিত চন্দ্রহংস মহামতি।
 মন্ত্রীর চরণে আসি করিল প্রণতি।।
 আশীর্ব্বাদ না করিল মনে দুঃখ পেয়ে।
 চন্দ্রহংসে মন্ত্রী কহে অধোমুখ হয়ে।।
 যদ্যপি করিলা মম দুহিতা গ্রহণ।

শুনিলাম না পূজিলে কালিকা চরণ।।
 কুলের দেবতা মম হন ভগবতী।
 তাঁহাকে পূজিতে তুমি যাহ শীঘ্রগতি।।
 নানা উপহার গন্ধ চন্দন লইয়া।
 চণ্ডিকা পূজিতে যাও একাকী হইয়া।।
 চন্দ্রহংস বলিলেন যথা আজ্ঞা হয়।
 পূজিব বৈষ্ণবী পদ জানিয়া নিশ্চয়।।
 তাহা শুনি মন্ত্রী দাসীগণে আজ্ঞা দিল।
 নৈবেদ্য লইয়া চন্দ্রহংসে যোগাইল ।।
 চন্দ্রহংস সম্মুখে আনিল দাসীগণ।
 চণ্ডিকা পূজিতে তবে করিল গমন।।
 ভূঙ্গারে পূরিয়া বারি সব্য করে নিল।
 স্বর্ণপাত্র বাম হাতে গমন করিল।।
 শুন রাজা জনোজয় অপূর্ব্ব কথন।
 চন্দ্রহংসে যেমতে রাখেন নারায়ণ।।
 অপূর্ব্ব কৃষ্ণের লীলা কে পারে বুঝিতে।
 পথে দেখা হৈল তার মদন সহিতে।।
 মদন বলিল তুমি যাহ কোথাকারে।
 চন্দ্রহংস বলে যাব দেবি পূজিবারে।।
 কুলদেবী নাহি পূজি মন্ত্রী দোষ দিল।
 আয়োজন দিয়া মোরে হেথা পাঠাইল।।
 মদন বলিল তুমি যাহ নিকেতন।
 আমি গিয়া চণ্ডিকারে করিব পূজন।।
 এত বলি চন্দ্রহংসে পাঠাইল ঘরে।
 মদন চলিল হেথা দেবী পূজিবারে।।
 দেবী পূজে মদন হইয়া কুতূহলী।
 গন্ধ পুষ্প ধূপ দেন হয়ে কৃতাজলি।।
 শঙ্খ ঘন্টা মদন বাজায় কুতূহলে।
 শব্দ পেয়ে রাজদূত আসে হেনকালে।।

মন্ত্রীর আদেশে তারা বিচার না কৈল।
 তীক্ষ্ণ অস্ত্র দিয়া দূত মদনে কাটিল।।
 রাজপুত্র দেখি শেষে মনে পায় ভয়।
 অকস্মাৎ সেই স্থানে হৈল জয় জয়।।
 চন্দ্রহংসে দেখি মন্ত্রী কোপে জ্বলি বলে।
 চণ্ডীকা পূজিতে তুমি কেন নাহি গেলে।।
 চন্দ্রহংস বলে শুন মোর নিবেদন।
 আমারে যাইতে তথা না দিল মদন।।
 আপনি গেলেন তথা দেবী পূজিবারে।
 তাহার বচনে আমি আইলাম পুরে।।
 চন্দ্রহংস মুখে শুনি এতেক ভারতী।
 হা পুত্র বলিয়া তবে যায় খলমতি।।
 চণ্ডীকা মণ্ডপে গিয়া চারিদিকে চায়।
 কাটাঙ্ক মদন ভূতলে পড়ে রয়।।
 মুণ্ড হাতে করি মন্ত্রী করয়ে রোদন।
 আহা মরি কোথা গেল পুত্রের মদন।।
 এত বলি ধৃষ্টবুদ্ধি আত্মঘাতী হৈল।
 পুত্রশোকে আপনার মস্তক কাটিল।।
 প্রমাদ দেখিয়া তবে অনুচরগণ।
 চন্দ্রহংসে আসিয়া করিল নিবেদন।।
 মদন সহিত রাজা লোটায় ধরায়।
 তত্ত্ব নাহি জানি কেবা কাটিল দোঁহায়।।
 শুনিয়া প্রমাদ কথা দূতের বচনে।
 চন্দ্রহংস গেল শীঘ্র চণ্ডীকা ভবনে।।
 বিচ্ছিন্ন মস্তক দোঁহে আছয়ে পড়িয়া।
 ভয় পান চন্দ্রহংস দোঁহারে দেখিয়া।।
 যোড়হাতে চণ্ডীকারে করেন স্তবন।
 বিষ্ণুরূপা স্বর্ণময়ী শুন নিবেদন।।
 বিষ্ণুজায়া বৈষ্ণবী যে ব্রাহ্মণী কমলা।

হরপ্রিয়া হৈমবতী হও অনুকূলা।।
 তোমার মহিমা মাতা কেহ নাহি জানে।
 নিদ্রারূপা হও তুমি বিষ্ণুর নয়নে।।
 এত বলি চন্দ্রহংস নানা স্তুতি কৈল।
 তথাপিও অভয়ার কৃপা না হইল।।
 ভক্ত চন্দ্রহংস তবে বিচারিয়া মনে।
 আপনা কাটিতে খড়্গ লইল তখনে।।
 বৈষ্ণব বিনাশ দেখি নগেন্দ্র নন্দিনী।
 আসি চন্দ্রহংস হস্ত ধরিল তখনি।।
 চন্দ্রহংস বলিলেন চরণে ধরিয়া।
 পিতা পুত্রে দুইজনে দেহ বাঁচাইয়া।।
 মদন সহিত মন্ত্রী উঠিয়া বসিল।
 চন্দ্রহংস সৌভাগ্য যে দেখিয়া নয়নে।
 মন্ত্রীবর তুষিলেন আনন্দিত মনে।।
 ধৃষ্টবুদ্ধি বলে মম রাজ্যে নাহি কার্য্য।
 আজি হৈতে চন্দ্রহংস হৈল মহারাজ।।
 মন্ত্রী বলে যাই আমি যোগ সাধিবারে।
 হিংসিয়া বৈষ্ণবগণে কি কাজ শরীরে।।
 এত বলি বিবেকী হইল ধৃষ্টবুদ্ধি।
 মন্ত্রী গেল কাননে করিতে যোগ সিদ্ধি।।
 তথা চন্দ্রহংস তবে কহিল মদনে।
 রাজত্ব করহ তুমি বসি সিংহাসনে।।
 মদন বলিল রাজ্যে নাহি প্রয়োজন।
 শুন চন্দ্রহংস তুমি লহ সিংহাসন।।
 মন্ত্রী হয়ে থাকি আমি তোমার গোচরে।
 রাজ্য ধন হস্তী ঘোড়া দিলাম তোমারে।।
 মদন হইল মন্ত্রী চন্দ্রহংস রাজা।
 তাহা দেখি আনন্দিত যত সব প্রজা।।
 কলিঙ্গে আনিল চন্দ্রহংস নরপতি।

নানা সুখ ভোগে তার জনিুল পীরিতি।।
বিষয়ার গর্ভে হল উভয় নন্দন।
মকরাক্ষ পদ্মাক্ষ যে দোঁহে বিচক্ষণ।।
পুনশ্চ কলিঙ্গ গেল আপন নগরে।
চন্দ্রহংস রাজ্য ধন সব দিল তারে।।
এই কহিলাম চন্দ্রহংসের কথন।
হেনকালে তথায় নারদ আগমন।।
মুনি দেখি সম্রমে উঠিল সর্ব্বজনে।
আশীর্বাদ করিলেন হরষিত মনে।।
অর্জুন পাইয়া বার্তা মুনির গোচর।
কৃষ্ণ দরশন করি যান মুনিবর।।
অর্জুন শুনিয়া কথা নারদের মুখে।
প্রবেশ করেন পুরে পরম কৌতুকে।।
আনন্দিত চন্দ্রহংস পাণ্ডব গমনে।
কৃষ্ণ দরশন পান অর্জুন মিলনে।।
চন্দ্রহংস বলে শুন পুত্র দুইজন।
রাখহ যজ্ঞের ঘোড়া করিয়া যতন।।

অশ্ব লয়ে এল ভূপ হরষিত মতি।
রাখিলেন দুই অশ্ব যথা জগৎপতি।।
প্রণমিল চন্দ্রহংস লোটাইয়া ক্ষিতি।
পুলকে আকুল তনু অধিক ভকতি।।
অভয় চরণে শত দণ্ডবৎ হৈয়া।
যোড়হাতে চন্দ্রহংস রহে দাণ্ডাইয়া।।
চন্দ্রহংসে আশ্বাস করিলা নারায়ণ।
অর্জুন তোষেন তাঁরে দিয়া আলিঙ্গন।।
সবাক্ষবে কৈল রাজা কৃষ্ণ দরশন।
নিজালয়ে লয়ে গেল করিয়া যতন।।
নানা আয়োজন সব সমর্পন কৈল।
কৌণ্ডিন্যকপুরে দুই দিবস বধিঙল।।
কহিলাম তোমা চন্দ্রহংসের ভারতী।
যেই জন শুনে ইহা কৃষ্ণে হয় মতি।।
বিজয় পাণ্ডব কথা অমৃত লহরী।
কাশীরাম দাস কহে শুনি ভবে তরি।।

মণিভদ্র রাজার দেশে অর্জুনাতির গমন

বলেন বৈশম্পায়ন শুন জনোজয়।
উত্তর মুখেতে গেল পাণ্ডবের হয়।।
দুই গোটা অশ্ব গেল উত্তর সাগরে।
প্রবেশিল দুই অশ্ব সলিল ভিতরে।।
তাহা দেখি ভয় পায় যত সৈন্যগণ।
অর্জুন বলেন কি হইবে নারায়ণ।।
সলিলেতে দুই অশ্ব করিল প্রবেশ।
কেমনে পাইব অশ্ব বল হৃষীকেশ।।
গোবিন্দ বলেন তুমি চিন্তা কর কেনে।
আপনি যাইব জলে অশ্ব অশ্বেষণে।।

এত বলি অর্জুনে লইয়া জগৎপতি।
বক্রবাহ রাজা গেল দোঁহার সংহতি।।
ভীম আদি সৈন্য সব রহিলেন কূলে।
বক্রবাহ কৃষ্ণার্জুন প্রবেশিল জলে।।
বাগদালভ্য মুনি নিকটে গেল চলি।
জানেন সকল তত্ত্ব দেব বনমালী।।
দ্বীপেতে আছেন মুনি বটপত্র শিরে।
উপনীত তিনজন তাঁহার গোচরে।।
প্রণমিয়া মুনিরে বলিল তিনজন।
নারায়ণ দেখি মুনি আনন্দিত মন।।

ঈষৎ হাসিয়া তবে জিজ্ঞাসেন হরি।
 দ্বীপ মধ্যে আছ বটপত্র শিরে ধরি।।
 আশ্রম না কর তুমি কিসের কারণে।
 কতদিন মুনিবর আছ এইখানে।।
 বাগদালভ্য মুনি তবে বলয়ে বাসিয়া।
 কি কারণে দুঃখ পাব আশ্রম করিয়া।।
 অল্পকাল পরমায়ু দিল নারায়ণ।
 আজি কালি মরি, গৃহে কোন্ প্রয়োজন।।
 মুনির বচনে জিজ্ঞাসেন ধনঞ্জয়।
 কতদিন এখানে আছেন মহাশয়।।
 মুনি বলে এক কল্প আমার জীবন।
 শত মন্বন্তর বটপত্র আচ্ছাদন।।
 পার্থ বলে মনন্তর কত দিনে হয়।
 এক কল্প কারে বলে কহ মহাশয়।।
 বাগদালভ্য বলে শুন ইন্দ্র নন্দন।
 একান্তর যুগে মন্বন্তরের গণন।।
 চতুর্দশ মন্বন্তরে যত কল্প হয়।
 এই পরমায়ু মম পাণ্ডুর তনয়।।
 এত অল্পদিনে কিবা কার্য আশ্রমেতে।
 অতএব আছি আমি বটপত্র মাথে।।
 কোথা যাও তিনজন বলহ আমার।
 কি কারণে আসিয়াছ আমার গোচরে।।
 অর্জুন বলেন যজ্ঞ করে যুধিষ্ঠির।
 অশ্ব রাখি আমি যে সঙ্গিতে যদুবীর।।
 না জানি যজ্ঞের ঘোড়া গেল কোনস্থানে।
 অশ্ব তত্ত্বে আইলাম তোমা বিদ্যমাণে।।
 অর্জুনের বচন শুনিয়া মুনিবর।
 ঈষৎ হাসিয়া তারে দিলেন উত্তর।।
 মিথ্যা অশ্বমেধ কর ভক্তি নাহি মনে।

অনুক্ষণ কৃষ্ণচন্দ্র দেখিছ নয়নে।।
 তথাপি করহ যজ্ঞ কি বলিব আর।
 সত্য বলি অর্জুন জানহ চক্রধর।।
 কে বুঝিবে কৃষ্ণলীলা পাণ্ডবনন্দন।
 শিব ব্রহ্মা নারিল করিতে নিরূপণ।।
 এত বলি মুনিবর যোড়হস্ত হৈয়া।
 কৃষ্ণেরে করিল স্তুতি বিনয় করিয়া।।
 তোমার মায়ায় স্থির নহে সুরগণ।
 কিসের গণনা করি পাণ্ডুর নন্দন।।
 পূর্ব তপফলে দেখিলাম তব পদ।
 হইল পবিত্র আজি আমার আশ্রম।।
 এত বলি তুষিলেন দেব নারায়ণে।
 সে দ্বীপ ভ্রমিয়া অশ্ব এল সেইখানে।।
 সলিল ত্যজিয়া অশ্ব কূলেতে উঠিল।
 তাহা দেখি অর্জুনের আনন্দ হইল।।
 মুনি প্রণমিয়া চলিলেন তিন জন।
 অশ্বের গমনে সুখী যত রাজগণ।।
 বলেন বৈশম্পায়ন শুন জনোজয়।
 সিন্ধুপুরে গেল তবে পাণ্ডবের হয়।।
 তার অধিকারী মণিভদ্র নরপতি।
 দুঃশলার পুত্র জয়দ্রথের সন্ততি।।
 কুরুক্ষেত্রে পার্থ হস্তে জয়দ্রথ মৈল।
 তার পুত্র মণিভদ্র রাজ্যে রাজা হৈল।।
 দূতমুখে শনি পুরে আইল অর্জুন।
 সসৈন্য সাজিয়া এল করিবারে রণ।।
 পলাইয়া গেল তবে রাজ্য পরিহার।
 অর্জুন দেখেন তবে অরাজকপুরী।।
 পাণ্ডবের সৈন্য যত পশিলেক পুরে।
 তাহা দেখি প্রজাগণ কম্পিত অন্তরে।।

অর্জুন বলেন এই কাহার নগর।
 প্রজাগণ বলে শুন সে সব উত্তর।।
 জয়দ্রথ রাজা ছিল ইহা অধিকারী।
 কুরুক্ষেত্র যুদ্ধে মরি গেল স্বর্গপুরী।।
 তাহার তনয় মণিভদ্র নরবর।
 শুনিয়া তোমার নাম পলায় সত্বর।।
 পরিবার সহ রাজা যায় পলাইয়া।
 কহিনু তোমার ঠাই বিনয় করিয়া।।
 হাসিলেন ধনঞ্জয় এ কথা শ্রবণে।
 সাত্যকিরে পাঠাইল আশ্বাস কারণে।।
 সাত্যকি সন্ধান করি করিল গমন।
 দুঃশলারে কহিলেন মধুর বচন।।
 প্রবোধ করিয়া তারে সাত্যকি আনিল।
 পুত্র সহ দুঃশলা অর্জুন কাছে গেল।।
 অর্জুন বলেন ভগ্নি কিসের কারণ।
 তুমি কেন ভয় পেয়ে করিলে গমন।।
 পূর্ব বিবরণ তুমি মনেতে করিয়া।
 ভয়ে পলাইলে ধন রাজ্য তেয়াগিয়া।।
 সে ভয় নাহিক আর কহিলাম আমি।
 হস্তিনানগরে মম সঙ্গে চল তুমি।।

তবে মণিভদ্র আসি বন্দিল চরণে।
 অনেক প্রণাম কৈল লোটাইয়া ভূমে।।
 আলিঙ্গনে তাহাকে তোষণে ধনঞ্জয়।
 নির্ভয় হইল জয়দ্রথের তনয়।।
 আমার বচন শুন দুঃশলা ভগিনী।
 অশ্বমেধ যজ্ঞ করে ধর্ম নৃপমণি।।
 তুরগ রাখিতে তাই আইলাম হেথা।
 শুন স্বদা পুত্র সঙ্গে তুমি চল তথা।।
 যজ্ঞেতে যাইতে তোমা হয় যে উচিত।
 আইস আমার সঙ্গে দূর কর ভীত।।
 পিতৃ মাতৃ দোঁহাকার বান্দিয়া চরণ।
 যজ্ঞ সাঙ্গ হৈলে তুমি আসিবে ভবন।।
 এত যদি পার্থ বীর আশ্বাস করিল।
 জননী সহিত মণিভদ্র যাত্রা কৈল।।
 পাত্র মিত্র সবাকারে নিয়োজিয়া পুরে।
 মণিভদ্র যাত্রা কৈল হস্তিনানগরে।।
 কত অনুচর সঙ্গে লয়ে অশ্ব হাতী।
 হস্তিনানগরে যান আনন্দিত মতি।।
 মহাভারতের কথা অমৃত সমান।
 কাশীরাম দাস কহে শুনে পুণ্যবান।।

হস্তিনায় অর্জুনাতির পুনঃ প্রবেশ ও যজ্ঞ সমাপন

বলেন বৈশম্পায়ন শুন জনোজয়।
 পুনশ্চ আইল অশ্ব হস্তিনানগরে।।
 এই বিবরণ রাজা কহিনু তোমারে।
 শুন বলি যজ্ঞ সাঙ্গ হইল যেমনে।।
 নিবৃত্ত হইল দোঁহে হরষিত মনে।
 তুরগ ধরিয়া ভীম নিজ বাহুবলে।।
 হস্তিনায় প্রবেশ করিল কুতূহলে।

দূত গিয়া সমাচার কহে যুধিষ্ঠিরে।।
 অশ্ব লয়ে ধনঞ্জয় আইলেন পুরে।
 তাহা শুনি যুধিষ্ঠির আনন্দিত অতি।।
 বলিলেন অর্জুনে আনহ শীঘ্রগতি।
 নৃপাদেশে অর্জুন সহিত নারায়ণ।।
 যুধিষ্ঠির সম্মুখে করেন আগমন।
 অসিপত্র ব্রত পালি পেয়ে বড় দুঃখ।।

কৌতুকে চাহেন রাজা অর্জুনের মুখ।
 প্রণাম করেন দোঁহে রাজার চরণে।।
 আশীর্বাদ দেন রাজা আনন্দিত মনে।
 মুনিগণে প্রণাম করেন ধনঞ্জয়।।
 বসিলেন ধর্মপাশে হইয়া নিরুভয়।
 ধর্মরাজ জিজ্ঞাসেন অর্জুনের স্থানে।।
 অর্জুন কহেন কথা করিয়া বিনয়।
 যথা তথা ভ্রমণ করিল যজ্ঞ হয়।।
 যত রাজগণ সহ সংগ্রাম বাধিল।
 অর্জুনের মুখে সব প্রকাশ হইল।।
 শুনিয়া পুলক হৈল রাজার শরীরে।
 যুধিষ্ঠির বলেন আনহ সবাকারে।।
 তবে কৃষ্ণ ধনঞ্জয় করিয়া গমন।
 যজ্ঞস্থানে আনিলেন যত রাজগণ।।
 নিজ পরিচয় দিল যতেক ভূপতি।
 সমাজে বসিল ধর্ম্যে করিয়া প্রণতি।।
 হস্তিনানগরে বড় আনন্দ হইল।
 নানামত আয়োজনে সবারে তুষিল।।
 রজনী বধিওল সবে অতি কুতূহলে।
 সমাজ করেন কৃষ্ণ অতি উষাকালে।।
 অর্জুন বিদুর ধৃতরাষ্ট্র নরপতি।
 যুধিষ্ঠির পাছে সব বসিলেন তথি।।
 হংসধ্বজ নীলধ্বজ শিখিধ্বজ রায়।
 যুবনাশ্ব বীরব্রহ্ম বসিল সভায়।।
 অনুশাল বক্রবাহ চন্দ্রহংস আদি।
 আর কত নাম লব যতেক নৃপতি।।
 ত্রিকোটি পদ্মিনী সঙ্গে প্রমীলা সুন্দরী।
 সভাতে বসিল সবে নানা বেশ ধরি।।
 গান্ধারী প্রভৃতি রাণী আর যে রমণী।

বসিল উত্তম স্থানে সঙ্গেতে রুক্মিণী।।
 হস্তিনানগর মধ্যে যত প্রজা ছিল।
 যজ্ঞ দেখিবারে সবে সত্বরে চলিল।।
 পরিহাস অর্জুনে করেন নারায়ণ।
 প্রমীলা সহিত সখা ভাল হৈল রণ।।
 তিন কোটি পদ্মিনীর সঙ্গেতে বধিওলা।
 আমি মনে ভয় পাই কেমনে তুষিলা।।
 অর্জুন বলেন দেব নাহি জান তুমি।
 ষোড়শ সহস্র শত তোমার রমণী।।
 কৃষ্ণ অর্জুনের কথা অনেক আছিল।
 বাহুল্য কারণে তাহা লেখা নাহি গেল।।
 শেষেতে কহিব আমি এ সব কথন।
 এবে যজ্ঞ সাঙ্গ কথা শুনহ রাজন।।
 ব্যাসে বলিলেন তবে ধর্মের নন্দন।
 কত যজ্ঞ অবশেষে কহ তপোধন।।
 ব্যাস বলিলেন শুন ধর্মের তনয়।
 কিছু যজ্ঞ অবশেষে পূর্ণ নাহি হয়।।
 আয়োজন যজ্ঞ শেষে করহ ভূপতি।
 তুরগ আনহ শীঘ্র শুন মহামতি।।
 ব্যাসের বচনে সবে পাইয়া আনন্দ।
 অষ্টবারী করিলেন মণ্ডপ স্বচ্ছন্দ।।
 অষ্টগোটা কুণ্ড স্থাপিলেন সেইখানে।
 ধ্বজ দণ্ডে পতাকা শোভিত স্থানে স্থানে।।
 যজ্ঞ উপহার যত জানিল সেখানে।
 ধৌম্য পুরোহিত আসি বসিল আসনে।।
 ব্যাস বলিলেন শুন ধর্ম্য নৃপমণি।
 ভীমে স্মান করিবারে আজ্ঞা দেহ তুমি।।
 অশ্বহস্তা এক ভীম বিনা কেহ নয়।
 শুন যুধিষ্ঠির আমি কহিনু তোমায়।।

ব্যাসের বচনে রাজা কহেন ভীমেরে।
 আজ্ঞা পেয়ে ভীমসেন শীঘ্র স্নান করে।।
 খড়্গ হস্তে করি ভীম রহিল সেখানে।
 অশ্ব আনিলেন পার্থ পরম যতনে।।
 নানাতির্থ জলে ঘোড়া স্নান করাইল।
 মনোমত ক্রিয়া যত মুনিরা করিল।।
 চারিদিকে জয়ধ্বনি মঙ্গল ঘোষণা।
 শঙ্খঘন্টা ধ্বনি আর বিশেষ বাজনা।।
 মুনি সব ঢালে ঘৃত অগ্নির উপর।
 অশ্ব গলে মালা দেন ধর্ম নরবর।।
 ব্যাস বলে নিষ্পাপী হইল অশ্ববর।
 অতঃপর খড়্গ লহ বীর বৃকোদর।।
 হাতে খড়্গ নিল ভীম মুনির বচনে।
 কাটিল অশ্বের মুণ্ড সভা বিদ্যমাণে।।
 অশ্বমুণ্ড মহাবেগে উঠিল আকাশে।
 জয়ধ্বনি সভামধ্যে হইল হরিষে।।
 অশ্ববর স্কন্ধ হইতে দুক্ষ নিঃসরিল।
 রক্ত না পড়িল সবে নয়নে দেখিল।।
 সুবাসিত কর্পূর তাম্বুল পুষ্প নিয়া।
 যজ্ঞ পূর্ণ ধৌম্য করে বেদ উচ্চারিয়া।।
 ইন্দ্র যম বরুণেরে দিলেন আছতি।
 নৈঋতে কুবের আদি যত দিকপতি।।
 ত্রিভুবনে দেবাসুর যত চরাচর।
 সবাকে আছতি দেন ধর্ম নরবর।।
 অগ্নি বিসর্জিয়া ধৌম্য দক্ষিণা চাহিল।
 রজত কাঞ্চন ধন প্রচুর পাইল।।
 শিখিধ্বজ রাজা তবে নিজ অশ্ব লয়ে।
 যজ্ঞ করিলেন যুধিষ্ঠির আজ্ঞা পেয়ে।।
 যত আয়োজন ধর্ম হইতে পাইল।

তুষ্ট হইয়া শিখিধ্বজ যজ্ঞ সমাপিল।।
 ঋষি মুনিগণ সব যজ্ঞ সমাপিয়া।
 যুধিষ্ঠিরে কহিল মনে প্রীতি পাইয়া।।
 হয়েছে হইবে নাহি সংসার ভিতর।
 কৃষ্ণসখা হেতু তব মহিমা বিস্তর।।
 যজ্ঞেতে কি কার্য্য তব শুন নৃপবর।
 শত শত যজ্ঞফল কৃষ্ণের গোচর।।
 নারায়ণ উদ্দেশেতে নানা যজ্ঞ করে।
 হেন কৃষ্ণ অবিরত তোমার গোচরে।।
 এত বলি মুনিগণ প্রশংসা করিয়া।
 সবে গেল তপোবনে বিদায় হইয়া।।
 নিজালয়ে নৃপগণ বিদায় হইল।
 তুরগ বারণ ধন সম্মান পাইল।।
 বিদায় দিলেন যুধিষ্ঠির সবাকারে।
 বক্রবাহ রাজা তবে গেল মণিপুরে।।
 যুবনাশ্ব নরপতি বিদায় হইয়া।
 নিজালয়ে গেল যে মনে প্রীতি পাইয়া।।
 নীলধ্বজ নিজ দেশে করিল গমন।
 চন্দ্রহংস রাজা গেল আপন ভবন।।
 শিখিধ্বজ বীরব্রহ্মা গেল নিজপুরে।
 মণিভদ্র চলিলেন আপন নগরে।।
 আপনার দেশে সবে করিল প্রয়াণ।
 যুধিষ্ঠিরে কহিলেন দেব ভগবান।।
 বহুদিন আছি আমি হস্তিনানগরে।
 অনুমতি দেহ আমি যাই দ্বারাপুরে।।
 যুধিষ্ঠির কন আমি কহিব কেমনে।
 দ্বারকায় যাহ বাক্য না আসে বদনে।।
 ভীম বলিলেন আজ্ঞা দেহ নরবর।
 সম্প্রতি যাউক কৃষ্ণ দ্বারকানগর।।

অনুজ্ঞা দিলেন রাজা ভীমের বচনে।
তুরাশ্বিত নারায়ণ দ্বারকা গমনে।।
শ্রীকৃষ্ণ বিদায় হন সবাকার স্থানে।
প্রণাম করেন কৃষ্ণ কুন্তীর চরণে।।
যুধিষ্ঠিরে প্রণাম করেন মহামতি।
আলিঙ্গন ভীমাজ্জুন নকুল সংহতি।।
সহদেবে আলিঙ্গন দিয়া অকপটে।
বিদায় হইলা পরে দ্রৌপদী নিকটে।।
দারুক আনিয়া রথ যোগায় সত্বরে।
আরোহণ করিলেন হরি রথোপরে।।
ভীষ্মক দুহিতা আদি কৃষ্ণের রমণী।
দৈবকী প্রভৃতি করি কৃষ্ণের জননী।।
সারথি সংযুক্ত রথে কৃষ্ণের সহিতে।
বিদায় হইয়া গেল সবে দ্বারকাতে।।
রহিলেন পঞ্চ ভাই হস্তিনানগর।
রাজ্যসুখ ভোগ করি পঞ্চ সহোদর।।
শুন জনোজয় রাজা কহিনু তোমারে।
অশ্বমেধ যজ্ঞ সাজ্জ হৈল এতদূরে।।
অশ্বমেধ যজ্ঞকথা শুনে যেই জন।
তাহারে করেন দয়া দেব নারায়ণ।।
অচলা কমলা তার থাকয়ে ভবনে।
আয়ুর্ষশ বৃদ্ধি হয় এ কথা শ্রবণে।।
কিছু যদি বিশ্বাস থাকয়ে নরপতি।
অন্তকাল স্বর্গে যায় ব্যাসের ভারতী।।
বিজয় পাণ্ডব কথা অমৃত লহরী।
কাশীরাম দাস কহে তরি ভববারি।।

অশ্বমেধপর্ব সমাপ্ত।